

150.5

Libraire

71
2

GUACANAGARI	PONTIAC	BLACK HAWK
MONTEZUMA	CAPTAIN PIPE	KEOKUK
QUATIMOTZIN	LOGAN	SACAGAWEA
POWHATAN	CORNPLANTER	BENITO JUAREZ
POCAHONTAS	JOSEPH BRANT	MANGUS
SAMOSET	RED JACKET	COLORADAS
MASSASOIT	LITTLE TURTLE	LITTLE CROW
KING PHILIP	TECUMSEH	SITTING BULL
UNCAS	OSCEOLA	CHIEF JOSEPH
TEDYUSKUNG	SEQUOYA	GERONIMO
	SHABONEE	



TO PERPETUATE THE HISTORY
AND DEVELOPMENT OF THE
PEOPLE REPRESENTED BY THE
ABOVE CHIEFS AND WISE MEN
THIS COLLECTION HAS BEEN
GATHERED BY THEIR FRIEND
EDWARD EVERETT AYER

AND PRESENTED BY HIM
TO
THE NEWBERRY LIBRARY
1911

421.

C484 (R)

B4082

1845





THE

GOSPEL ACCORDING TO LUKE,

TRANSLATED INTO THE

CHOCTAW LANGUAGE.

U B A N U M P A .

LUK UT HOLISSOCHI TOK,

CHAHTA ANUMPA ISHT A TOSHOWA HOKE.

B O S T O N :

PRINTED FOR THE AMERICAN BOARD OF COMMISSIONERS FOR
FOREIGN MISSIONS, BY CROCKER & BREWSTER.

1845.

THE

GOSEEL ACCORDING TO LUKE

TRANSLATED INTO THE


CHOCTAW LANGUAGE

639

LIBRARY

THE W. H. RICHMOND

CHARTERED BY THE STATE OF MISSISSIPPI



UBA-ISHT-ANUMPA LUK UT HOLISSOCHI TOK.

CHAPTER I.

1. Luk vt Hliopilvs a pit im anumpuli.

1, 2. Nana ka isht a pi yimmi ahli fehna vmmonvt isht auehinchí ka nishkin ishít písvt, nana ka isht ahashwa tuk vt yvmma pim anohonli tok mak osh lawa kv́t yvmmak atuk a isht anumpa holisso ha ikbi tuk o,

3, 4. Uno ak kia nan vmmona isht-auehinchí ka nana kv́t akaniohmi tok puta ka mominchit asilhhvt achukmalit akostinínchi li tuk vt, chishno vt nana ka isht chim annoa tuk a aiahli ka ish ithaiyana chí ka, nau-annoa ma iti-akaiyachi hosh pit chí holissochi la hi vt vm anukfila tuk oke; Hliopilvs holitopa fehna ma!

2. Sakalias, micha Elisabet ita tuklo ka isht-annoa: Enchil Kebliel vt Sakalias a ont im ovni: mihmvt ushi asha hi a i miha; mihma ilapo nan ik yimmo pulla hosh ik anumpulo toba: Elisabet vt vlla shali cha, ile luhmi.

5. Chutea i miko Helot vt ahanta nitak a, naholitompa isht v́tta achvfa Sakalias hohehifo kv́t, Abia apehlichika ai ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kv́t Elisabet vt tok.

6. Mih hosh yummvt tuklot Chihowa yvt pisa hq aiahli biekvt, anumpa vhlpisa puta, mikmvt nan-vhlpisa ilaiyuka Chihowa yvt apibisa tok a moma ka i shanaiya iksho hosh ahashwa tok.

7. Yumohmi hosh Elisabet ak osh ushiksho yatuk o, vlla yvt ik im iksho ket, okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vhlpiesa ma, yummvt na holitompa isht asha Chihowa itikba ya isht ai ahanta chi ka, na holitompa isht asha nan im vhlpisa chatuk mak o, Chihowa in tempel a ont chukowa cha, na-balama luacha hi vt na-shoeli hq isht im vhlpisa tok.

10. Yumohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yumohmi ma Chihowa im enchil vt na-balama a lua alta ishtimpak imma tunnvp o hiki vt i haiaka tok.

12. Mihma Sakalias vt pisa mvt, nukhlakanchit nan-nukshopa mvt anukfoyyuka tok.

13. Mihma enchil ash ot, Sakalias vt chi nukshopa ná; vba pit ish asilhha tok vt chim vhlpesa mak oke : yohmi ka chi tekchi Elisabet vt vlla nakni o chi shala he; mikma ymma Chani ish hochifa he;

14. Yohmikmvt na chi yukpvt chim achukma fehna he. Yohmikma yummvt vta ka na yukpa kvv lauahi oke.

15. Yummak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvv alotowa hi oke.

16. Yumohmikmvt yummak okvt Israel isht-ai-unchululi vhleha hq lauachit in Chitokaka Chihowa ya im antia hi a anukfohkecha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha hq im anukfila hq pit ai it ibafohkit, okla hq anukfohki na Chihowa hoka im vltaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kv, Uno vt Chihowa itikba hikia Kebliel sia mak oke: mih hosh ant chitim anumpulit, nan annoa achukma ilvppa chim anoli la hi vt si vltoka tuk oke.

20. Yvmohmi tuk o vm anumpa ha ont im ai vllhpiesakmvt aiahla hi oka ik chi yimmo; yohmi hokvt ik anumpulo ish toba cha, ish anumpula he ik chim vllhpeso mak o, nana kash ot ont aiahli nitak a onak mak a hi oke, im achi tok.

21. Mihma okla hash ot Sakalias a pit hoyot aia-sha mvt, tempel anukaka ya anta na hopaki hatuk o, katiohmi cho? okla ahni tok.

22. Atuk o yvmmak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anuka-ka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha mak inli ma, in chuka ia tok.

24, 25. Atuk o nitak yvmmak atuk a i himmak hayo, tekchi Elisabet vt vlla i fohka cha, hatak puta itintakla sa hofahya kv a takali tuk a isht kancha chi hosh, auet sa pihisa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

3. Enchil vt ohoyo himita Meli a ont i haiaka; yohmi mvt Snlombi-h Holitopa yosh nan anukfilli ho, Kilaist ishki a toba pulla hi a i miha ma, Meli ash ot chukvsh isht yimmi hatuk osh aiokpahanchi tok.

26, 27. Atuk o hvshi ont ishit banalik fehna ohoyo himita yvt hatak Chosef hohchifo hosh, Lewi in chuka-chvfa isht atiaka yo, im vllhpoa hosh ohoyo himita hohchifo mvt Meli osh, Kalili yakni tvmaha Nas-alet hohchifo ho anta ho, Chihowa yvt Kebliel a pit i chvffichi tok.

28. Yvmohmi na enchil ash ot im aboha hā ant chukowa mvt, Holitopa fehna chia hv̄t nā chi yuk-pashke; Chihowa hv̄t chi halv̄lli hoke, holitopa kv̄t ohoyo puta moma ka ish imaiyv̄shke, achi tok.

29. Mihma yvmmak ash ot pisa mvt, yvmmv̄t nana ahanchi ka nukhlakancha mvt, nan isht aiokpv̄chi katiohmi hosh yakohma hinla cho? ahnit im anuk-fila tok.

30. Mihma enchil ash ot, Meli vt ik chi nukshopa kashke; Chihowa ish ī holitopa hi vt chim v̄lhpisa tuk oke.

31. Yohmi kv̄t yakeh! v̄lla yvt chi fobka cha, v̄lla nakni q ish ishikmv̄t, hohchifo hā Chisvs ish hohchifa he mak oke.

32. Yvmmak osh Chitokaka tobvt ahantvt, Nana moma ī shahli Ushi hohchifa he; yohmikma Chitokaka Chihowa yvt īki Lewi im ai om binili holitopa yā ima hi oke.

33. Yohmikma yvmmak osh Chekob in chukachv̄fa isht atiaka pehlichī na bilia he; yohmikma yvmma apehlichika yā ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilv̄ppvt yakohma chī cho? enchil ash q im achi tok.

35. Mihma enchil ash osh anonti afalaminchit, Shilombish Holitopa yak osh chim āya he; yohmikma Nana moma ī shahli im aiāhlika yvt chi q hoshontikacha hi oke; yohmi-hoka na-holitopa kv̄t chim vtta hi vt yvmmak kia Chihowa Ushi hohchifa hi oke.

36. Micha yakeh! chī kanomi Elisabet vt ushiksho hohchifo chatuk kia, sipoknit taiyaha hosh v̄lla nakni ī fohka tuk q himak vt hv̄shi ont ishit ī hanali hoke.

37. Chihowa ak okv̄to nana kv̄t ik im aiāhlo ka hi vt iiksho hoka, im achi tok.

38. Mihma Meli ash osh, Chitokaka immi ohoyosia ka is sa pesashke: chim anuhumpa tuk mak q nana kv̄t vm ai v̄lhpiesashke, im achi tok. Mihma enchil ash ot issvt ia tok.

4. Meli vt Elisabet a ont i nowa ma, Elisabet vt Meli a aiokpuchi: mihma Meli vt Chihowa ya aiokpahanchi.

39. Mihma nitak ymma foka ma Meli ash ot wakaya cha, tushpvt ivt, Chuta yakni nvnihi foka tvmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpuchi tok.

41. Mihma yakohmi tok; Meli vt aiokpuchi na Elisabet vt haklo ma, vlla yvt ikfoka anuka ilhkoli tok; yohmi ma Elisabet vt Shilombish Holitopa isht anukfohkvt alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke: mihma chikfoka anuka a toba mvt holitopashke.

43. An Chitokaka ishki vt ayvt vm vla ilvppvt katiohmi ho a yakohmi cho?

44. Yakeh! is si aiokpuchi ka anumpa hvv olvt sa haksobish a ant fohka mak inli ho, vlla yvt na yukpa kvv sakfoka anuka ya ilhkoli kano.

45. Chitokaka yvt ymma nana ho im anoli tuk a ont aiahli taiyaha hi oka, na yimmi tuk yvmmvto na yukpvshke, achi tok.

46. Mihma Meli ash ot, Sa shilombish vt Chitokaka ya holitoblit,

47. Yohmi ma sa chukvsh vt Chihowa si okchalichi a ai isht ilaiyukpvshke.

48. Yvmmak okvt in tishu ohoyo ilbvsha ya i nukhaklot pisa tuk oke: yohmi hoka himak pilvt ia ka hatak isht ai unchululi puta kvv na-yukpa si hochifa hi oke.

49. Yvmmak osh nana moma imaiya mak osh nafehna chinto ka a yvmihchi tuk oke: yohmi kvv hohchifo hvv holitopa yoke.

50. Micha hatak it ai unchululi ia puta ka ilapa im antia vhleha ha yvmmvt i nukhaklo kvv ai in takali mak oke.

51. Yvmmak okvt ilapo shakba isht imaiyachi chatuk: ilapunla vhleha hvv ilap chukvsh nan isht im anukfilvt mayakma, yvmmak okvt it a fimibli chatuk oke.

52. Yummak okvt hochitoka vhleha im aiasha puta tuk a ai isht akakohlikmvt, anonti ilbvsha vhleha ak o. holidoblich chatuk oke.

53. Hohchvfo ya yummak okvt na hochukma puta ka isht fihoblikmvt, anonti nan in laua yano nana kia ik im ikshochit kanom pit tihleli chatuk oke.

54, 55. Eblahan, mikmvt yvmma isht ai unchululi ka i nukhāklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yvmma awant anta na hvshi tuchina foka mvt, falamvt in chuka ona tok.

5. Chani vt vta cha, hakshup tupa mvt hohchifo : mihma Sakalias vt falamvt anumpuli mvt, na tikbanli anolit Chihowa ha aiokpahanchi.

57. Yohmi ma Elisabet vt vlla in tonla hi vt ont ai im vlvpiesa mvt, vlla nakni o sholi tok.

58. Mihma in chuka panta asha, micha i kanomi vhleha aiena kv, Chitokaka yvt yvmma i nukhāklo fehna tuk a okla haklo mvt, ibai yukpa tok.

59. Atuk o yakohmi tok : nitak ont isht untuchina ma vlla ya hakshup tvblit itvnowa tok ; atuk osh iki a hochifochit yummak ash Sakalias hochifo tok.

60. Mihma ishki ash osh anumpuli mvt, Yohma he keyn ; amba Chani ak o hohchifa chi hoke, achi tok.

61. Mihma Chi kanomi hvv kanima mvt hohchifo ilvppa isht a hohchifo kv iikshoshke, okla im achi tok.

62. Mihmvt iki ak osh nana ho hohchifa hi a ahnik mak achi ka, okla pit avvchi tok.

63. Mihma yummak ash ot aholissochi a hoyo cha, Hohchifo hvv Chani oke, achit holissochi tok. Mihmvt, Na katihmi ho ? momvt okla ahni tok.

64. Mihma yummak ash ot itih hvv ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvmma ai i bilika fullota aiasha tuk ash ot momvt nukshumpa tok : yohmi ma ilvppa

yakohmi tuk vt momvt annovt Chutea yakni nvnih foka yash mominchit a hlopulli tok.

66. Mihma okla yvmma haklo tuk vt moyumvt, Ulla katiohma chi hosh ilvppvt yakohmi cho? ahan-chit chukvsh anukaka okla isht anukfihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkvt alotovt, tikbanli nana anolit pit aiokpahanchit,

68—71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-auehinch i ka itih isht ai anumpohonli tok mak osh, pishno vt pin tvnvp vhleha, mikmvt pi nukkilli vhleha ibbak ma mominchit il ai o hlakofa hi o, im okla talaia ka i nukhaklot pihisa cha, isht a hlakofa he im atahlit, isht ai-okchaya chinto fehna ka ilap in tishu Lewi in chuka-chvfa a pi hilechi tok.

72—75. Yohmi kvt pishno vt pin tvnvp vhleha ibbak ma il ai in hlakofikmvt, pi okchayvt nitak il ai ahanta kvt, nukshumpa iksho hosh hopoyuksa hochukmvt ai vhlpiesa hosh im antivt, itikba ma il ahashwa he mak o, auct pim aiahna hi vt ilap i nanvhlpisa holitopa anumpa kvllo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aighlich i mak oke.

76—79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai-okchaya ma im okla ha ish ithvnahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yvmmak atuk pulla mak o ai-okhlili ka, mikmvt ai-illi ai o hoshonti aiena anukaka aiasha tuk a in tohwekelicha chi, mikmvt hvpiyi yvt ai itin-nanaiya hina foyuka chi ka apelvcha chi mak o onna tohwekeli vba minti kvt auct pi on tommishke.

80. Yvmohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTER II.

6. Chisvs vt Behlehem ak o ai vtta cha, vllpoba ai-impapeni yo fohka.

1. Mihma yakohmi tok: nitak yvmma foka ma, yakni yvmmvt oklyuyh vt holissa he a Sesa Akvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvt vllhpisa vmmona tok.

3. Mihma momvt ilap in tvmaha aiyuka a holissa chi hosh ilhkoli tok.

4, 5. Mihma Chosef ak kia, yvmmvt Lewi in chuka-chvfa yo isht-ai-unchululi hatuk okvt, Kalili yakni Nasalet tvmaha ha vttvt kohchvt ia mvt, Chutea yakni Lewi in tvmaha Behlehem hohchifo ho tekchi vllpoba Meli vt vlla in tola hosi ho, it iba holissa chi hosh ona tok.

6. Atuk o yakohmi tok: yvmma ont ahashwak fehna, yvmmvt vlla in tola he nitak vt ont ai vllhpiesa tok.

7. Mihmvt ishi ahpi kvv vlla nakni osh in tola cha, yvmmak ash na-hlilahli o a bonulli mvt, aboha anuka yano aiasha yvt iksho hoka, isuba ai-ilhpita yo fohkit bohli tok.

7. Chukfulhpoba apesvchi vhleha Behlehem bilika asha tuk o, Chisvs vt vta ka, enchil osh ont im anoli; mihma enchil vhleha hvv lau hosh ai vla cha, ibai achvft Chihowa ha okla aiokpahanchi.

8. Yohmi ma yakni yvmmak inli ka chukfulhpoba apesvchi vhleha hvv vllhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekeli chinto kv̄t ai on tommit talaia ma, okla nukshopa fehna tok

10. Mihma enchil ash ot, Hv̄chi nukshopa ná; vno vt anumpa na-yukpali a chinto fehna okla moyuma ka im aya he mak o ishit hv̄chim aya li hoke.

11. Himak nitak a nan-okchalinchi, yvmmvt Kilaist Chitokaka mak osh Lewi in tv̄maha h̄a a hv̄chim ai vtv̄shke.

12. Yohmi ka atokowa kv̄t ilv̄ppak o yakohmi ha chi hoke: Ul̄l̄osi vt nahlilahli o a bonunta hosh, isuba ai ilhpitta ȳo fohkv̄t itonla h̄o ont hv̄sh pisa chi hoke, im achi tok.

13. Yohmi ma i mih-makinli h̄o enchil okla chinto yvt enchil ash o ant okla apeha cha, Chihowa ya aiokpv̄chit,

14. Chihowa yvt vba chaha moma i shahli ya ik a holitopá; mikmvt yakni paknaka ma ik a nanaiyá: mikmvt hatak a nana achukma im anukfilli aiena kv̄t ik ai ituyulá, ahanchi tok.

15. Mihma yakohmi tok: enchil okla hash osh issvt vba ya ivt taha ma, chukfvlhpoba v̄hleha hash osh, Inta! Behlehem fehna ka kiloh ia cha, nana kv̄t a yvmohmi tuk o, Chitokaka yvt hv̄pim anohonli tuk ilv̄ppa ont eho pisashke, it im achi tok.

16. Mihmvt tushpvt itv̄nowvt vla cha, Meli, Chosef ita tuklo ka, micha vl̄l̄osi atuk mvt isuba ai ilhpitta ȳo fohkv̄t itonla aiena h̄o okla pisa tok.

17. Yakohmit ont pisa mvt, vlla yvmma nana ka okla nan isht im annoa tuk ash ot mishema a mominchit ai anoli tok.

18. Yohmi ma na yakohmi ka chukfvlhpoba apesv̄chi v̄hleha hv̄t im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukv̄sh anukaka isht ithaiyanvt, anukfihinli tok.

20. Mihma chukfvlhpoba apesv̄chi v̄hleha kash ot nana kv̄t im ai annoa tuk ash fehna ka oklv̄hvl̄inchit haklo, micha pisa aiena mvt, Chihowa ya holitoblichit aiokpahanchit, falamvt okla ilhkoli tok.

8. Chisvs vt hakshop tpa; yohmi ma tempel anukaka yak o Chitokaka ya pit ai im issa ma, Simeon, mīcha Anna aiena kv̄t, Shilombish Holitopa osh nan im anukfilli hō, ayrt okla hosh tempel a ont chukowa; yohmi cha hatak okchalnechi himona v̄tta tuk a pisa mvt, Chihowa ha pit aiokpahanchi.

21. Yvmohmi tuk o nitak ont ishit untuchina ma, vlla ya hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohchifo tok.

22—24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh v̄tta hokv̄to moyumvt Chitokaka ma pit im a holitopa he mak o, Chitokaka i nan-vlhpisa ka a holhiso hatuk oka, yvmmak ash Chitokaka ima chi, mīcha nan-isht aiokpv̄chi vt pv̄chi yoshuba tuklo, keyukmvt pv̄chi himita osh tukla hi o, Chitokaka i nan-vlhpisa yv̄to ahanchi hatuk oka, isht aiokpv̄cha chi hosh Chelusalem a itvlachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv̄t yvmmak okv̄t hatak vlhpiesa, Chihowa ma holitobli aiahli hosh Israēl okla na-yukpali a pit hohqyo hosh anta tok: yohmi ma yvmmak oka Shilombish Holitopa yv̄t anukfoyuka tok.

26. Yohmi kv̄t yvmmak okv̄t Chitokaka i Kilaist a ik peso kisha hokv̄to, illa he keyu ka, Shilombish Holitopa yv̄t tikbanli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka hō ayrt tempel a ant chukowa tok: atuk o ai yvmohma he nan-vlhpisa ha isht ai yvmihcha chi hosh iki, ishki ita tuklo kv̄t vllosi Chisvs a sholi cha, ant chukowa.

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa hv̄t tok pulla mak o, himak okv̄no chin tishu hv̄t na-yukpa hosh ia hiā im aiahnī:

30—32. Chi nan-ai-okchaya na-tohwikeli yvt oklu-shi nan ik ithano vhleha ha isht in tokwikela chi, micha chim okla vhleha Israel mvt isht a holitopa chi ka, okla moma itikba ish ai atahli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosef ita tuklo kvt yvmma nana kvt isht anumpa ka, anukhlakancha tok.

34, 35. Mihma Simeon ash ot, yvmmvt aiyyukpvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Israel okla hvt isht ai akakoha, mikma anonti a tana he aiena kvt lawa he: micha nan-isht-atokowa ka i sanalit isht anumpohonli na chukvsh lawa nan isht im anukfila puta mvt ai otaiyana he mak o isht ai vlhtoka hoke; ahli; mikmvt chishno chi shilombish ma aieninchit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo, Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kvnia tok.

37. Yohmi kvt vlhtaklvt hikia tuk a afvmmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, Yakoke, achit aiokpvtchi akinli tok: mihmvt ahlakofa hi Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mominchit nana ka ont aiahlichit taiyahli mvt, falamvt Kalili yakni ilap o in tvmaha Nasalet a it onachi tok.

9. Chisvs vt afvmmi auah-tuklo ka ona mvt, iki, ishki aiena ka takla Chelusalem a ona cha, tempel o nan ai im abuchi vhleha puta ka i haponaklo, nan im asilhhvchi aienvt anta: atuk osh falamvt Nasalet ona cha, iki, ishki aiena ka im antia hosh ahanta.

40. Atuk o vlla yash ot asvnot ia mvt, im anuk-a hvrt hopoyuksvt alotvt kvllot i shahlit mahaya; yohmi ma Chihowa nan isht ahniechi ka mvt ai anuk-foka tok.

41. Ubanvblit ont ia nan-ai-impā chitot ashakma iki, ishki ita tuklo kvrt afvmmikma Chelusalem a itia-chi beka tok.

42. Atuk osh impa chito isht asha yvmmak oh chatuk mak osh ont ai vllhpiesa ma, yvmmak ash ot afvmmi auah tuklo ho, Chelusalem a ilhkoli tok.

43. Atuk osh nitak vllhpisa hatuk vt ont in taha cha, falamvt itiachi ma, vlla Chisvs ash ot olbvlaka Chelusalem a anta hokak o; Chosef, micha ishki ita tuklo kvrt ik akostinincho ki tok.

44. Amba okla it apehvt asht aya ka takla aya he, ak o im ahombvt, ayvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kvrt falamvt Chelusalem a itiachi tok.

46. Atuk ak o yakohmi tok: nitak ont atuchina ho yvmmak ash ot tempel anukaka ya hatak nan-ithv-nanchi vhleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko! aiahni tok.

48. Mihma yvmmak ash ot ont pisa mvt, nukhla-kanchvt okla tok: mihma ishki ash ot, Svso hvrt nanta katiohmi ho ish pi yakohmichi na chiki ita tuklo li kvrt nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a kaniohmi ka isht ahanta la he vllhpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia ishki ash ot anumpa yvmmak atuk ash mominchit ilap chukvsh ma isht il anukfohkit ieszhi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shahlit mahaya tok.

CHAPTA III.

10. Chani Baptist vt vbanumpa isht anumpohonli: Kilaist a atokowa anoli; anonti aboha kv̄llo fohka.

1. Tibelivs Sesa yvt miko tobv̄t ahanta tok afvm-mi ont ishit auah tahlapik fehna, Pontivs Pailat vt Chutea yakni ap ehlich̄i ma, Helot vt Kalili ak o ap ehlich̄i ma, anonti itibapishi Filip vt Itulea, micha Hlkonitis yakni aiena ka ap ehlich̄i ma, Lisanias mvt Abilene ak o ap ehlich̄i ho,

2. Annas, micha Kaiafas ita tuklo kv̄t na-holitom-pa isht a sha pehlich̄i i miko yosh ashwa ho, Chihowa im anumpa hv̄t Chani Sakalias ush̄i a yakni haiaka yo im ai ona tok.

3—6. Yvmohmi ma hopaii Esias im anumpa holisso ha a holihiso kv̄t, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlech̄i: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilaūi iksho ke tuk vt itilaūit tahashke: yohmikma hatak moma kv̄t Chihowa i nan okchalinch̄i a pisa he mak oke; achishke; ahanchi tok mak o, yvmmak okv̄t aiashv̄chika puta

ka isht a kashofa chi ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma chi hosh okla laua yvt ai vla ma, Sinti chilita isht-atiaka hvchia ma! napalvmmi mihinti ka hvsh i hlakofa hi a, kvta hosh hvchim anoli tuk oh cho?

8. Yohmi hokvt ile kostininchi ai it vlhpesa mak o vnit hvsh wayashke; micha, Himona Eblaham ak osh piki yoke, acha he okvno hvch ik il anukfillo kashke; Chihowa hvv tvli yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak isht vla ya ai itonla hoke; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh im ponaklot, Yohmi kvno nanta hak o e katiohma chi ho? achi tok.

11. Mihma afalamинchi kvv, Kvna hosh na-fohka yvt in tuklokmt, kanima hosh ik im ikshokma ik in chvfalli; mikma kanima hosh ilimpa hvv im asha kvv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai vla mvt, Nan-ithvnanchi ma! nanta hak o e katiohma chi cho? im achi tok.

13. Yohmi ma, Nana hvchim vlhpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia im ponaklot, Mikma pishno ak osh nanta hak o e yvmohma chi ho? achi tok: yohmi ma yvmmak ash o Hatak nana kia hvch ik o mahlantok mvt, anonti kvna kia a holvbit hvch ik wehpullo kashke; yohmikmvt na hvchim ai vlhtoba ma, Vlhpiesa akinli, hvsh aiah-nashke, im achi tok.

15. Okla hvv nana ka pit bohoyo hosh asha hatuk, atuk osh hatak moma kvv, Chani a yvmmak osh Kilaist mak okma, keyukma, nanta ho chishba? ahnit chukvsh a isht anukfielit okla aiasha ma,

16. Chani ash ot mominchit im anumpulit, Vno yokvto oka yo isht hvchi baptismochi li mvhli

yohmi kia achvfa kv̄t a shahli fehna hosh mihinti ka i shulush isht-talakchi a vno vt hlitoli la hi o si ahoba keyu hoke : yvmmak osh Shilombish Holitopa, micha luak aiena hō isht hv̄chi baptismocha hi oke.

17. Yvmmak osh i nan-isht mv̄sh-ahchi yvt ibbak a foyuka : yohmi kv̄t i nan-anihechi yatuk ma achuk-mali fehnvt kashofa he ; mikmvt onush atuk ma kan-chak a pit asha-chikmvt, amba hakhlopish okvno luak vt moshola he keyu a isht hukma hi oke, ahanchi tok.

18. Micha okla hā nana inla mvt laua hō isht ai i mihiv̄t, vbanumpa hā isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk : micha Helot vt nan ik v̄lhpeso puta ai yvmohmi chatuk ash, pit a mominchit atoko-wvt nan isht ai i miha hatuk o,

20. Nana ik ai v̄lhpesacho he tuk moma kv̄t ilvp-pakma isht ai ibafohki hosh Chani a aboha kv̄llo foh-kit im okhishta tok.

11. Chisvs vt baptismo, yohmi ma yvmmak okvt Chihowa hā Ushi pulla hatuk vt annoa.

21. Okla moyuma kv̄t baptismot taha ma, yakohmi tok : Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi asha hosh pv̄chi-yoshuba chiyuhmit vba mintit im v̄la ma, vba ya anumpa hv̄t auet takali kv̄t, Chishno ak osh sv̄so a holitopa chia hoke ; chishno ak o nan isht chi a sai yukpa mak oke, achi tok.

12. Alv̄m ak o isht ai unchululit mihinti hō, Chisvs vt hatak a toba tok a v̄lhtokowa annoa.

23. Mihma Chisvs vt afv̄mmi pokoli tuchina ka ona foka hosh, peh im ahoba kv̄no, Chosef ak o ushi vt tok : mihma yvmmvt Heli ak o ushi vt tok.

24. Mihma yvmmvt Mahlat ak o ushi vt tok : mihma yvmmvt Lefai ak o ushi vt tok : mihma yvmmvt Melchi ak o ushi vt tok : mihma yvmmvt Chan-

na ak o ushi vt tok : mihma yummvt Chosef ak o ushi vt tok.

25. Mihma yummvt Mattahlias ak o ushi vt tok : mihma yummvt Amos ak o ushi vt tok ; mihma yummvt Naum ak o ushi vt tok ; mihma yummvt Esli ak o ushi vt tok : mihma yummvt Nakke ak o ushi vt tok :

26. Mihma yummvt Maath ak o ushi vt tok : mihma yummvt Mattahlias ak o ushi vt tok : mihma yummvt Semei ak o ushi vt tok : mihma yummvt Chosef ak o ushi vt tok : mihma yummvt Chuta ak o ushi vt tok :

27. Mihma yummvt Choanna ak o ushi vt tok : mihma yummvt Lehesa ak o ushi vt tok : mihma yummvt Solobabel ak o ushi vt tok : mihma yummvt Salahliel ak o ushi vt tok : mihma yummvt Neli ak o ushi vt tok :

28. Mihma yummvt Melchi ak o ushi vt tok : mihma yummvt Alli ak o ushi vt tok : mihma yummvt Kosam ak o ushi vt tok ; mihma yummvt Elmolam ak o ushi vt tok : mihma yummvt El ak o ushi vt tok.

29. Mihma yummvt Chose ak o ushi vt tok : mihma yummvt Eliesel ak o ushi vt tok : mihma yummvt Cholim ak o ushi vt tok ; mihma yummvt Mathlat ak o ushi vt tok : mihma yummvt Lefai ak o ushi vt tok.

30. Mihma yummvt Simeon ak o ushi vt tok : mihma yummvt Chuta ak o ushi vt tok : mihma yummvt Chosef ak o ushi vt tok : mihma yummvt Chonan ak o ushi vt tok : mihma yummvt Eliakim ak o ushi vt tok.

31. Mihma yummvt Melea ak o ushi vt tok : mihma yummvt Menan ak o ushi vt tok : mihma yummvt Mattahla ak o ushi vt tok : mihma yummvt Nahlan ak o ushi vt tok : mihma yummvt Lewi ak o ushi vt tok.

32. Mihma yummvt Chesse ak o ushi vt tok : mihma yummvt Obet ak o ushi vt tok : mihma yummvt Boos ak o ushi vt tok : mihma yummvt Salmon ak o ushi vt tok : mihma yummvt Naason ak o ushi vt tok.

33. Mihma yummvt Aminatab ak o ushi vt tok : mihma yummvt Alam ak o ushi vt tok : mihma yummvt Eslom ak o ushi vt tok : mihma yummvt Fales ak o ushi vt tok : mihma yummvt Chuta ak o ushi vt tok.

34. Mihma yummvt Chekob ak o ushi vt tok : mihma yummvt Aisaak ak o ushi vt tok : mihma yummvt Eblaham ak o ushi vt tok : mihma yummvt Hlala ak o ushi vt tok : mihma yummvt Nachol ak o ushi vt tok.

35. Mihma yummvt Saluk ak o ushi vt tok : mihma yummvt Lakau ak o ushi vt tok : mihma yummvt Falek ak o ushi vt tok : mihma yummvt Hebeh ak o ushi vt tok : mihma yummvt Sala ak o ushi vt tok.

36. Mihma yummvt Kainan ak o ushi vt tok : mihma yummvt Alfaksat ak o ushi vt tok : mihma yummvt Sem ak o ushi vt tok : mihma yummvt Noah ak o ushi vt tok : mihma yummvt Lamek ak o ushi vt tok.

37. Mihma yummvt Mehlusala ak o ushi vt tok : mihma yummvt Enok ak o ushi vt tok : mihma yummvt Chalet ak o ushi vt tok : mihma yummvt Maleleel ak o ushi vt tok : mihma yummvt Kainan ak o ushi vt tok.

38. Mihma yummvt Enos ak o ushi vt tok : mihma yummvt Seth ak o ushi vt tok : mihma yummvt Alam ak o ushi vt tok : mihma yummvt Chihowa ak o ushi vt tok.

C H A P T A I V .

13. Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imaiyachi.

1. Chisvs vt Shilombish Holitopa isht anukfokvt im alotowa hosh, Chatan vttvt falamvt ia ma, Shilom-

bish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yvmma fehna ka nanasi kia vpa tok keyu: atuk osh yvmmvt ont taha na mishia pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, tvli ilvppvt pvska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvska yak bieka hō ai okchaya he keyu; amba Chihowa im anumpa moma kak ashke; achi kvv holisso hoke, im achi tok.

5. Mihma Setan ash ot yvmmak ash ilauelet nvni chaha yō isht oia cha, yakosi itin takla fehna hō miko apchlichia puta yakni aiasa ka mominchit i haiakvchi tok.

6. Mihmvt Setan ash ot, Nan im aiahlika, micha im a holitopaka aiena ilvppa mominchit chima lashke; yvmmak okvt vno ak o vmmi toba tok: yohmi ka kvna hō vno ahnili hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvv chimmi hashke, im achi tok.

8. Mihma Chisvs ash ot afalaminchit, Setan chia hvv vm ashaka yak o ish hikiashke; Chitokaka chin Chihowa yak o i hvchukbihleptv ish aiokpahahchashke; micha yvmmak illa hō holitoblit ish im antiashke; achi kvv holisso hoka, im achi tok.

9. Mihma yvmmak ash ot Chisvs ash o ilauelet Chelusalem a ont isht chukowa cha, tempel wishakchi yō ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno a chi apesahancha chi ka, im enchil vhleha hā atohno na ibbak a okla vba isht takalihinchit chisht aya na nitak kanima kia chiyi yā tvli isht chik ai isso ka hi a, achi hosh holisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa yā imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno i filvmmvt ia tok.

14. Chisvs vt falamvt Kalili a ona cha, vba isht anumpo-honli; atuk osh Nasalet a ona cha, nitak hullo yo sinakak a nan ai ithvnanchi: mihma okla hut ik im vhpeso mvt, vbi bvna akinli kia, kvna ik peso ho, a hlopullit kanima ia tok.

14. Yohmi ma Chisvs ash ot Shilombish nan-isht im aiahli ka yvt anukfoyuka hosh falamvt Kalili a ona tok: mihma yvmma isht annoa kvt yakni yvmma a bilika a mominchit hlopulli tok.

15. Mihma yvmma i sinakak a puta ka nan ai ithvnanchit ahanta ma, momvt ahninchit tok.

16. Yohmi ma ai vttvt hofanti tok Nasalet mak o vla tok; mihmvt a yohmi atuk okvt, nitak hullo nitak a sinakak a ont chukowa cha, holisso it im anumpula chi hosh wakayvt hikia tok.

17—19. Mihma hopaii Esaias i holisso ho ant ima tok: yohmi ma holisso hash wakvmmi mvt, yvmma a holisso kvt, Ilbvsha puta ka vbanumpa isht im anumpuli la hi a yvmmak osh nan isht si a hvmmi tuk okvt, Chitokaka im ishilombish vt si onituyula hoke: chukvsh nukhaklo puta hatuk kia hopohlv-chit, yuka vhleha hatuk ma isht a hlakofa he; mikma lva puta yatuk mvt isht a hopompoya he, micha is-sikkopa puta kvt asha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tok oke, achi ho ahayuchi tok.

20. Micha holisso hash akamvli mvt, falaminchit sinakak nan-isht aivtta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hvchi haksobish a isht hvsh haklo kvt ont aiahli hoke, im achit isht ia tok.

22. Yohmi ma moma kvt nan ai atokowa ma pisvt, anumpa hochukma kvt itih ha a kohoncha ka okokko! aiahni tok: mihmvt, Ilvppvt Chosef ushi keyu ho? okla achi tok.

23. Mihma, Alikechi a chishno inlit ile hlakofichí: nana kvt Kapvnavm a a yvmohmi na e haklo tuk okma, chi yakni ilvppak inli ma a yvmihchí, achi anumpa isht vlvhisa ilvppak o hvs svm achi pulla chi hoke, im achi tok.

24. Mihmvt, Ahli pulla ho hvchim achi lishke, Hopaii nana ak osh ilap i yakni ak inli hoka ai a holi-topa chatuk keyushke, achi tok.

25. Yohmi kia aiahli mak o hvchim anoli li: Elias vt ahanta nitak a vba vt ai okshilitvt kvnia na afvm-mi tuchina hvshi hanali; yohmi na hopoa chinto feh-nvt a hlopulli ka, Israel okla ha ohoyo i hatak illi vt laurt aiasha tok.

26. Yohmi kia yvmma achvfona kia im aya hi vt Elias vt ik vlttoko: amba Saiton yakni Salepta tvmaha, ohoyo i hatak illi yvmmak illa tok.

27. Micha hopaii Eliservs vt ahanta nitak a Israel okla ha leposi vbi kvt laurt aiasha tok: yohmi kia yvmmak ash ot achvfona kia ik hlakofo ho, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kvnia tok.

29. Mihmvt okla wakaya cha, yvmmak ash o tvmaha ha kohcha pit chvffichi mvt, itehpelvt aka pit kancha chi hosh ilauelet, in tvmaha ai on talaia sakti ont on talaka fehna isht ona tok.

30. Yohmi tuk kia yvmmak ash ot okla hash itin takla a hlopullit kanima ia tok.

15. Chisvs vt Kapenavm a ona cha, nitak hullo ya nan ithvnanchit ahanta mvt, nan-ishtahullo okpullo ma kohchichi.

31. Mihmvt Kapenavm tvmaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvvt a na-fehna hatuk o, nana ithvnanchi ka okokko! ola aiahnit im anuk-fila tok.

33. Yohmi ma sinakak a hatak vt shilombish okpulo yvt isht ai i fokā hosh anta tok: atuk osh yvmmak ash ot chitolit tahpvlvt,

34. Ikikke! Chisvs Nasalet minti chia ha nanta ho isht e chi a halaia cho? ish pissikkopala chi hosh ish la hoh cho? kva na ho chia hoka chithana li, Chihowa i holitopa yak oke, achi tok.

35. Mihma Chisvs ash ot yvmmak ash im olvbbit, Nukhintot yvmma ish kochashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehecho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlhpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvmma ai isht annoachi ka yakni auet a bilika aisha ka moyuma a hlopulli tok.

16. Chisvs vt Pita tekchi ishki a hlakofichi ma; nan abeka ilaiyuka laua ka isht ahullo fehna kia ai yvmihchit ahanta mvt, Kalili fullota ka vbanumpa ya isht ai anumpohonli.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvnha fehna tuk o, pisa hinla ka okla im aiahni tok.

39. Mihma yvmmak ash o wakayvt hikia mvt, yvnha hash im olvbbi: yohmi ma yvmmak ash o yvnha hvv aiissvchi tok; mihma ashalika tani cha, okla hash nan isht im vtta tok.

40. Yohmi hatuk o hvshi vt oka tula ma, ililli ilaiyuka isht abeka im asha tuk puta kvv momvt yvmmak ash o im ai ona tok; yohmi ma ibbak vt aieninchit mominchit isht umbitepvv hlakofihinechi tok.

41. Mihma nan-isht-ahullo okpulo puta kvv laua ka a kocha wiha mvt, chitoli hosh mihvt, Chishno ak osh Chihowa Ushi Kilaist chia hoke, ahanchi tok. Mihma yvmmak ash im olvbbi mvt, ilap ak osh Kilaist atuk a ithvna ka, yvmma ik mihá, ik im ahno ki tok.

42. Atuk osh ont onnvt taha ma, kohchvt ivt yakni haiaka yo ona tok: mihma okla hvv hoyot itvnowvt im ai ona mvt, ai i filvmmiit kanima ik aiyo ka chi ho, im olvbbi tok.

43. Mihma tvmaha inla ak kia Chihowa apelhli-
ka ya isht im anumpohonli la chi hoka, yvmmak ahe
mak ash aya li hvt tok okvt, im achi tok.

44. Mihmvt sinakak puta Kalili aiasha ka vbanum-
pa isht ai anumpohonli tok.

CHAPTER V.

17. Chisvs vt Saimon i peni yo fohkvt asha hosh okla ha
nan-ithvnanchi : Saimon vt, Chisvs osh i mihvt nan anuk-
filli pulla ho, himona ka nvni lawa fehna hokli : mihma
Saimon, Chemis, micha Chani aiena kv Chisvs a apeha
tok.

1. Atuk o yakohmi tok ; okla hvt Chihowa im
anumpa ha hakla chi kv yvmmak ash atehlfichit
kaiyanchi ho, Chenesalet hohtak lapalika yo hikia ;

2. Yohmi cha peni tuklo kv hohtak lapalika ya
takohnli na pisa tok : yohmi kia hatak nvni vbi vhle-
ha hatuk vt o a kocha wiha tuk osh nvni isht-hokli
achvfa hosh maya hvt tok.

3. Mihmvt peni achvfalit Saimon ak o immi yo
pit chukowa mvt, oka alaka takali tuk a kanvlichit
mishemanchit pit takalicha hinla ka, im ahni tok.
Mihmvt binili cha, peni yo fohkvt asha hosh okla ha
nan ithvnanchi tok.

4. Anumpuli kv ont issa mvt, Saimon ash o,
Ahofombika pit takalichi cha, nvni isht-hokli puta ka
okvchit ish hoklashke, im achi tok.

5. Mihma Saimon ash osh afalaminchhi mvt, A
shahli ma ! ninak a isht il asha na oyunna kv nana
ke hoklo ke tuk : yohmi kia chishno chim anumpa
atuk oka, nvni isht-hokli a pit okvchi li mak inlashke,
im achi tok.

6. Michi ilvppa okla yvmihchi mvt, nvni lawa
fehna ho hokli na i nvni isht hokli vt mitafa tok.

7. Yohmi ma im itapela vhleha hv̄t peni achv̄fa ya aśha tuk v̄t v̄la cha, ant apela hinla ka, okla pit im abv̄chi tok. Mihma okla ai v̄la cha, peni ash it aien-inchit okla alotoli: yohmi hoka yv̄mmak ash ot okbilh-hv̄t isht ivt okla tok.

8. Saimon Pita yv̄t yakohmi na pisa mvt, Chisv̄s iyikalaha ya pit tikinlit aka hlipiv̄t, Hatak nan-ashv̄-chi sia hoka a filv̄mmit, kanima ish iashke, Chitokaka ma! achi tok.

9. Himonna okv̄chit kohchi kv̄t, nv̄ni yv̄t yohmi hō hokli kv̄t, ilapo, micha inla apehv̄t aya tuk v̄t momv̄t nukhlakancha tok.

10. Mihma Saimon im itapela, Sebete ushi, Chemis, micha Chani ita tuklo kak kia yv̄mohmi tok. Mihma Chisv̄s v̄t Saimon a, Chi nukshopa ná, himak pillā hā hatak ak o ish hokla chī hoke, im achi tok.

11. Mihma i peni ash vhleha okla ant ataiyali mvt, nana moma kv̄t aśha na issa cha, yv̄mmak ash okla iakaiya tok.

18. Chisv̄s v̄t leplosi vbi yō hlakofichi: atuk osh vba pit anumpula chī hosh haiaka ia tok.

12. Atuk o yakohmi tok; yv̄mmak ash ot tv̄maha kaniohmi hō anta tuk o, hatak v̄t leplosi isht ai vbi fehna hosh anta tuk osh, Chisv̄s a pisa mvt, hlipiv̄t itola cha, im ilbv̄shv̄t, Chitokaka ma! chishno v̄t v̄lhpesa ish ahnikmvt, is sā kashofa hinlv̄shke, im achi tok.

13. Mihma ibbak pit welit potoli mvt, V̄lhpesa ahni lishke; chi kashofashke, im achi tok. Yohmi ma leplosi ash ot ashalika a mokofv̄t kv̄nia tok.

14. Mihma hatak nana kia ik im anolo ka chī ka i miha mvt, amba ivt na-holitompa isht v̄tta yak o ont im ile haiakv̄chi cha, na chī kashofa ka nan-isht-ai im atokowa mak o Moses v̄t nan apesa tok a, nana ka ish bohlashke, im achi tok.

15. Yohmi kia yohmi hayak o isht i shahlit kanima moma ka yv̄mmak o ai annoa tok: yohmi ma im a haponakla chī, micha nipi ik achukmo puta kv̄t a hlakofa chī hosh okla chinto fehv̄t ai itv̄naha tok.

16. Mihma ilap illvt ai i mokofvt, yakni haiaka ona cha, vba pit anumpohonli tok.

19. Chisvs vt hatak palsi isht abeka yatuk a hlakofichi; micha yummak o nana ai ashvchika ya kashofa hi vt im ai vhpesa hatuk vt otvnichi.

17. Atuk o yakohmi tok: nitak kaniohmi ho nana ithvnanchi hosh ahanta ma, Falisi vhleha, micha nan-vlh-pisa ithvnanchi vhleha aiena kv Kalili yakni tvn-maha aiasha moma, micha Chutea, mikmvt Chelusalem aiena ka asht kohchvt aya kvt yumma binoh-maya tok: yohmi ma Chitokaka nan-isht im aiahlika yvt okla ma hlakoficha chi kvt ai iklvnnvt takali tok.

18. Yohmi ma hatak kanohmi kv hatak vt palsi vbi yo patvlhpo ai it i sholit isht vla tok: mihmvt kaniohmit yumma pit isht chukowa cha, itikba ya ont bohla hinla kv, okla akostininchi bvna tok.

19. Mihmvt okla hak osh laua fehna hatuk o, kaniohmit pit isht chukowa hinla kv ik akostinincho mvt, aboha paknaka yo okla pit oiya cha, pit hlopullechit in topushi ash fokit iklvna ka Chisvs itikba ya pit bohli tok.

20. Mihma okla na yimmi ka pisa mvt, Hatak chia kv na chim ai ashvchika yvt chi kashofa hoke, im achi tok.

21. Mihma na-holissochi vhleha, micha Falisi vhleha aiena kv, Ilvppvt kvta hokak osh Chihowa ik ahobalot anumpuli cho? Kvta hosh nan-ai ashvchika ya kashofa hinla? Chihowa ak illa keyu? aiahnit okla im anukfilvt aiasha tok.

22. Yohmi kia yumma im anukfila ha Chisvs vt im akostininchi mvt, anumpulit, Nanta unak o hvchi chukvsh anukaka isht hvchim anukfila cho?

23. Na chim aiashvchika puta kv chi kashofashke, achi kak okmá, keyukmvt, Tani cha nowa: achi kak okmá, katimampo kak osh ahchiba kv ik lauwo cho?

24. Yohmi kia Hatak Ushi vt nan ai ashvchika puta kashofa hi vt yakni paknaka ya ai im vlhpiesa hatuk a hvsh akostinincha chi kak oka, im achi mvt,

palsi vbi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt pisa na tanit ai onitula tuk ash ishi mvt, Chihowa ya holitoblichit aiokpahanchit in chuka ia tok.

26. Mihma okla momvt nukhlakancha fehvt, Chihowa ya holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho piesvshke, achi tok.

20. Chisvs vt Lifai nan im aiithvna toba chi ka i miha: micha publikan v̄hleha mikmvt hatak nan-ashvchi v̄hleha aiena ka yvmvt ai v̄lhpesa h̄o ibai impa hatuk vt miha tok.

27. Atuk o nana kv̄t a yakohmi haya, kohchvt ia mvt, publikan vt Lifai hohchifo hosh tv̄li holisso abohli ya asha na ont pisa mvt, Is si akaiyashke, im achi tok.

28. Mihma nana moma kv̄t asha na issvt wakaya mvt, iakaiya tok.

29. Mihmvt Lifai ash osh ilap in chuka akinli h̄o yvmmak ash o impa chinto fehna im ai ikbi tok: mihma publikan v̄hleha, micha inlaka aiena kv̄t laua hosh iba takla binohmaya tok.

30. Yohmi kia i na-holissochi v̄hleha, micha Falisi v̄hleha aiena kv̄to yv̄mma nan im aiithvna v̄hleha h̄a lumvt nana mihachit, Nanta katiohmi h̄o publikan v̄hleha, micha nan-ashvchi v̄hleha aiena ka it-ibai imvt, nan it ibai ishkot hv̄sh aiasha cho? yok achi tok.

31. Mihma Chisvs vt afalaminchi mvt, Haknip im achuk ma hokv̄to alikchi a b̄v̄nna keyu; amba abeka mak oh chatuk oke.

32. Hopoyuksa v̄hleha ak o hoyot aya li hv̄t tok keyu: amba nan-ashvchi v̄hleha hv̄t ile kostinincha chi mak vt tok oke, im achi tok.

21. Chisvs vt ilap nan im aiithvna vhleha hvt kaniohmi hō yvmma fehna ka na-hullochit Falisi okla nan im aiithvna, micha Chani nan im aiithvna vhleha aiena kv̄t kaniohmit mayā ka, ik chohmo kv̄t ai vlhpesa hatuk ā anoli.

33. Yohmi ma, Nanta katiohmi hō Chani nan-im aiithvna vhleha hvto chekosikma nahullochit, vba pit anumpulit aienvt ahāshwa, mikma Falisi vhleha nan im aiithvna vhleha ak kia yvmohmi akinli hokak o, amba chimmi hvto impvt nan-ishkot aiasha chō? okla im achi tok.

34. Mihma hatak himona ohoyo itauwaya tuk vt takla anta moma ka, i kana vhleha hvt nukhāklot nahullo cha hinla, hvsh im apesa vlhpesa cho?

35. Yohmi kia hatak himona ohoyo itauwaya tuk ash ot ai i filvmma he nitak vt ai ona he: yohmik mak o nitak yvmma fokakmvno okla nukhāklot nahullocha he oke.

36. Mihmvt nan isht vlhpisa hō aieninchit isht im anumpuli mvt, Hatak nan ak osh nā-fohka himona a hlilāfa ka nā-fohka sipokni ā akvlli chatuk keyu: yvmmak keyukma, himona yvt hlilvffikmvt, anonti himona ya a hlilāfa tuk okvt sipokni ā ai it im vlhpesa he keyu hoke.

37. Mikma hatak nan ak osh oka paki himona ya shukecha sipokni yō pit vni chatuk keyu: yvmmak keyukma oka paki himona yash ot shukecha ya mitah-lichi cha hlayakma, anonti shukecha yash ot okpulo chatuk.

38. Amba oka paki himona yvt shukecha himona yō vlhto hok mak osh tuklot nan ik kanihmo chatuk oke.

39. Micha hatak nan ak osh oka paki sipokni ā ishko hayvt ashalika himona ma bvna chatuk keyu: sipokni ak osh achukma kv̄t i shahlshke, achi hokvt, im achi tok.

CHAPTER VI.

22. Chisvs vt ilap nan im aiithvna vhleha hvt nitak hullo yo onush a pit tuptuli kv̄t nan okpvni fehna keyu hatuk a anoli.

1. Yvmohmi tuk osh v̄banv̄blit ont ia yatuk nitak atukla ka ai isht nitak-hullo v̄mmona h̄q, yvmmak ash ot osapa taloha h̄q hlopullit aya tok: yohmi ma nan im aiithvna vhleha hash ot onush v̄ni ya tuptulit ibbak isht koyuhlit okla v̄pa tok.

2. Mihma Falisi vhleha kaniohmi kv̄t, Nanta katiohmi h̄q nana ka nitak hullo nitak a a yohma he v̄lhpesa keyu kv̄no hv̄chi yvmohmi cho? im achi tok.

3. Mihma Chisvs ash ot afalaminchi mv̄t, Lewi vt ilapo, micha apēhv̄t aya tuk aiena hohchv̄fo mv̄t, nana a kaniohmi tok;

4. Yohmi kv̄t kaniohmit Chihowa im aboha h̄q pit chukowv̄t, p̄vska otv̄nni a ishi cha v̄pa mv̄t, apēhv̄t aya tuk ash kia ipeta tok: yvmmak oka ai v̄pa he v̄lhpesa keyu, amba na-holitompa isht asha ak illa hv̄t tok oka, ilv̄ppak kia holisso h̄q hv̄ch ik a peso chatuk oh cho? achi tok.

5. Mihmv̄t Hatak Ushi vt nitak-hullo a in Chitokaka akinli hoke, im achi tok.

23. Nana kv̄t achukma he okv̄no nitak hullo kia isht anta he ai v̄lhpesa hatuk a, Chisvs vt anoli: mihmv̄t ibbak shila yatuk a hlakofichi.

6. Atuk o anonti yakohmi tok: nitak-hullo inla h̄q sinakak ont chukowa cha, nana ithv̄nanchi tok: mihma hatak vt ibbak ishtimpak imma yv̄t shila yosh yv̄mma asha tok.

7. Mihma na-holissochi vhleha, micha Falisi vhleha aiena kv̄t nan v̄lhpesa onocha chi hosh, nitak-hullo

nitak a na hlakofichikmá, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvn-naka ya ont hikiá, im achi tok. Mihma yvmmak ash ot wakaya mvt, ont hikia tok.

9. Mihma Chisvs ash ot okla hash, Nana achvfa hq hvchim ponaklo lashke: Nitak hullo nitak a nana achukma kak o a yvmohmi kak okmá, keyukmvt nana ik vllpeso yak o a yvmohmi kak okmá, ilhfioyak a okchalinchi kak okmá, keyumvt tvbli kak okmá, nana kak osh ai vllpesa hoh cho? im achi tok.

10. Mihmvt filemvt okla hash o mominchit pisa mvt, hatak ash o, Chibbak a chisemochí, im achi tok: mihma yvmihchi tok: yohmi ma ibbak ash osh fala-mvt achukmvt taha mvt, in tvnnvp akinli hq chiyuh-mi tok.

11. Mihma okla hvt anukhobela fehna tok: yohmi mvt Chisvs a nana hq kvnihcha chi kvit it i mihvt aiasha tok.

24. Chisvs vt ninak a vba pit anumpohonli na onna mvt, vbanumpeshi auah-tuklo ka atokoli; yohmi mvt hatak abe-ka laua ka hlakofichi.

12. Mihma nitak yvmma foka ka-yakohmi tok: vba pit anumpula chi hosh kohehvt nvnih chaha yo ont oiya tok; micha ninak a Chihowa pit im asilhhvt ahanta na onna tok.

13. Mihmvt ont onnvt taha ma, ilap nan im aiithvna vhleha hash hoyot itahobi tok: mihmvt yvmmak ash auah-tuklo hq ai atokoli mvt, yvmmak ash vbanumpeshi hochifo tok.

14. Saimon yvmmak ma ilap ak osh Pita yo hochifo hq, mikmvt itibapishi Antilu, Chemis, micha Chani, Filip, mikmvt Batalomu,

15. Mahlu, micha Tamas, Alfevs ushi Chemis, Saimon Selotes hochifo:

16. Micha Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yō ant hikia ma, nan im aiithvna yvt lawa, mihmvt okla chinto fehna Chutea yakni moma, Chelusalem aiena ka a minti; mikmvt okhvta lapali ka Taia, micha Saiton aiena asht minti: mihmvt shilombish okpulo yō isht issikkopa yatuk aiena kv̄t yvmma im a haponakla chī, micha haknip ik in chukmo puta atuk vt im a hlakofohla chī hosh im ai vlv̄t hlakofohli tok.

19. Mihma okla chito ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bv̄nna tok.

25. Hatak kaniohmi hosh holitopa he, mikma hatak kani-ohmi hō nā-palvmmi kv̄t on itula he puta ka, Chisvs vt otrnichi.

20. Mihma ilap nishkin ash nan im aiithvna vhleha hā isht on talohli mvt, Ilbv̄sha hv̄chia ma! Chihowa apehlichika yak osh hv̄chimmi hokvt nā hv̄chi yukpv̄shke.

21. Himonasi hokv̄no hohchv̄fot aiasha hv̄chia mvt, hv̄chi kaiya hi okvt nā hv̄chi yukpv̄shke. Himonasi hokv̄no yahayvt hv̄sh aiasha mvt, hv̄sh yukpa hi okvt na hv̄chi yukpv̄shke.

22. Hatak Ushi pulla atuk mak o hatak puta mvt hv̄chī nukkillit, ilap ai itapeha yā isht a hv̄ch il a filamohlichit, na hv̄chi mihachit, hv̄chi hohchifo ma nan okpulo yō ai itilauechit kahancha hi oke: yohmikma na hv̄chi yukpv̄shke.

23. Yakeh! nan-isht-vlhtoba hv̄t chinto hosh vba yā hv̄chim tonla hokvt, nitak yvmma fehnakma, nā hō yukpā: na hv̄chi yukpv̄t hv̄sh mv̄llashke: yvmma in tikba vhleha hv̄t hopaii puta ka yvmmak inli hō i yvmihchi beka tok oke.

24. Amba nan in laua hv̄chia hv̄to nan-isht a hv̄chi yukpa ma hv̄sh pisa hokvt, na hv̄chim palvmmi mak oke.

25. Kaiya hv̄chia hv̄to hv̄chi hohchv̄fa hi okvt nā hv̄chim palvmmi mak oke. Himonasi a hv̄chi yukpa hokv̄to hv̄chi nukhaklot hv̄sh yahaya hi okvt nā hv̄chim palvmmi mak oke.

26. Hatak moma *kvt* ahninchit isht *huchi* anumpohonlikma, *na* *huchim* palummi mak oke: in tikba *vhleha* *hvt* hopaii ilahobi puta ka *yummak* inli *ho* *i* *yumihechi* tok oka.

Pin *tnvvp* *vhleha* kia e holitoblit, nan isht ai achukma he puta ma il *i* *yumohma* hi a Chisvs *vt* pi miha; nana hosh pim ai okpuloka kia, pim anukfila *hvt* yohbi achukma hia pim ahni: mikmvt okla moyuma ka il *i* kana hi ak o, pim ahni.

27. Amba *hvsh* *haklo* *hvsh* puta *kvno* *huchin* *tnvvp* *vhleha* ma *i* hullot, *huchi* nukkillikma nana achukma *ho* *hvshi* *yumohmashke*.

28. Nan ik *vlhpeso* isht *huchim* anukfillit *na* *huchi* mihachi *ya* *na-yukpali* hosh anumpulit, anonti anumpa isht *huchi* a *holvbechikma*, *vba* pit isht *hvsh* anumpohonlashke.

29. Micha *kvna* hosh chit-isukpi a issokma, in *tnvvp* ma pit ish *i* welī makinlashke: mikmvt *kvna* hosh chim anchi a chim ai ishi ka, *chi* na-fohka lumbo ma isha *chi* ka, *chik* *i* halanlo makinlashke.

30. Kanima hosh nan chim asilhha ka ish emashke; micha kanima hosh nana ka chim ai ishikma, falaminchit *chik* *i* hoyo kashke.

31. Micha hatak puta *kvt* *huchishno* a a *huchi* yohma hi a, *hvsh* aiahni hok mak osh, *huchishno* ak kia mih-mak o *hvsh* ai *i* *yumohmi* makinlashke.

32. Micha *huchishno* a *huchi* hullo na mihi *yo* *hvsh* *i* hullo hokvto, nanta *ho* isht a *huchi* yukpa cho? nan-ashvchi *vhleha* *hvt*, kanima hosh ilap a *i* hullo hokvno *i* hullo chatuk akinli hoka.

33. Micha kanima *kvt* *huchishno* a nana achukma ka isht a *huchi* *yumohmi* *ho* *huchishno* mvt nan achukma ka isht *hvsh* ai *i* *yumohmi* hokvto, nanta *ho* isht *huchi* yukpa cho? nan-ashvchi *vhleha* ak kia *yummvno* yohmi chatuk oka.

34. Micha *yummvt* *huchim* atobba hinla ka *huchim* ahoba hokmak osh *hvsh* im-pota hokvto, nanta *ho* isht a *puchi* yukpa cho? nan-ashvchi *vhleha* ak kia *yummak* atuk ash inli ohmi *ho* isha *chi* *kvt*, nan-ashvchi *bika* *ya* im pota chatuk oka.

35. Amba hvchishno vto hvchin tvnvp puta ka hvsh i hullo, mikmvt nana achukma ho hvsh yvmoh-mikmvt; anonti nana kia isht ai vlhtoba hi a ik aiah-no hosh hvsh im potashke: yohmikma isht a hvchim vlhtoba hokvto chinta he; micha Nana moma imaiya im vlla hvchia hahi oke. Yvmmak okvt ilap a ik aiokpacho, micha nan vlhpesa keyu vhleha aiena ka i kana achukma yoka.

36. Yvmohmi hoka hvchishno mvt na hvchi nuk-haklo bano kv, hvch Iki vt nan i nukhaklo bano yoka yvmmak inli ho hvsh chipuhmashke.

Hatak inla asha ka nan ik achukmo imma hokvno im anuk-fillit kil anumpulo ka hi a, pim avchi.

37. Inla ya ik vlhpesa chot nan hvch ik apeso kashke. Yohmik mak osh nan ik hvchim vlhpiso ka he mak oke: isht a hotopa he anumpa ha hvsh onochi na: yohmikmak osh hvchishno vt isht a hotopa he anumpa hv ik hvch onitula ka hi oke: inla ya i kashofit hvch immihaksashke; yohmikmak osh hvchishno mvt hvchi kashofa hi oke.

38. Hvsh ihmashke: yohmikmak osh hvchishno mvt hvsh habihina hi oke: vlhpisa achukma, vlhtek-vchit, mikmvt faiokvchit it ai isso hosh ont atampvt hlahaya ho, hatak vt hvch il ai vskofvchi anukaka ya pit hvchim apitta hi oke. Nan isht vlhpisa hvchish-no vt isht hvsh apesa tuk a, yvmmak inli hosh hvchishno ma isht hvchim vlhpisa hi oke, hvchim achi lishke.

Kvna hosh inla ya nan ithvnanchit ahanta hokvto, ilap mvt nana ka imponna akinla hi a miha.

39. Mihmvt nan isht apesvt anumpulik, Lvpa yvt lvpa ya halvllit isht aya hinla? tuklot yakni chiluk kia pit ik kaho ka hinla ho?

40. Nana ithvna vt nan ithvnanchi a i shahli chatuk keyu: amba nana ka im ponnvt aiahli hok mak osh moma kv nan-ithvnanchi ak o ai itilaua hi oke.

41. Micha nanta katiohmi ho na hishonluk iskvtinosi kvt ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostinincho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtinosi kvt chi nishkin a foka ka ak chi kohehi, ish acha hinla cho? chishno chi nishkin akinli kvno iti chito yosh foka ka chik peso kvt; nan-ilahobi chia hoka, iti chito yak o tikba ishit chi nishkin a ish a kohehashke; yohmikmak osh ish pisa achukma hosh ish itibapishi nishkin a na hishonluk iskvt-inosi kvt foka ka ish kohcha hinla hoke.

Iti a ilap vni akinli kak o isht ithvna chatuk: mikma hatak a ilap nana a katiohmi kak o isht akostininchi chatuk.

43. Iti achukma kvt vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvt ilap vni yak o isht il ai otvninchi chatuk: hatak vt kvti hak o fik a ai vmo chatuk keyu: yohmikmvt bissupi ak o paki a ai vmo chatuk keyushke.

45. Hatak achukma yvt chukvsh a nana achukma kvt i foka hatuk osh, nana kvt achukma ho ai ishit kohonchi chatuk: mikma hatak vllpesa keyu kvto chukvsh a nana okpulo yosh i foka hatuk osh, nana kvt vllpesa keyu ho ai ishit kohonchi chatuk: chukvsh vt isht alotowak mak o itih hvt kohchit anumpuli chatuk oke.

46. Na katihmi ho nana ka kvchi mihaha li ka hvsh yohmi keyu kak osh, Chitokaka ma! Chitokaka ma! hvs si achi cho?

47. Kvna kia vm vlv, nana mihaha li ka haponaklo cha, ai yvmohmi kvt, kvna ho holba ka hvchim anoli lashke.

48. Hatak vt chuka ya ikbi kvt, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvt aya mvt, chuka yvmmak ash yanvlli hvt kvllot ai

isso fehna tok : yohmi kia tuli yo a toba hvt tok oka, ik winalecho ki tok.

49. Amba kuna hosh haklo cha, mihma ik yohmo hokvto, hatak vt nutaka in tonla yvt iksho hq yakni yak o chuka ya ai on talali tok mak o chiyuhmi hoke : yvmohmi tuk o yvmmak ash yanvlli hvt kulot ai isso fehna tok ; yohmi ma chekosi makinli hq kinafa mvt, chuka yvmmvt okpulo kvv ai okluha tok, im achi tok.

CHAPTA VII.

26. Chisvs vt Kapenavm a ona cha, Sintulion na-yimmi ka ahninchu mvt, in tishu ha hlakofichi.

1. Okla hvt haponaklot aiasha na nana ka mihvt ont in taiyaha mvt, Kapenavm a ont chukowa tok.

2. Mihma Sintulion achvvt in tishu, yvmmvt i holitopa chatuk osh, abeka cha, illa hosi tok.

3. Atuk osh Chisvs a pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha ha pit in tihleli tok.

4. Atuk o yvmmak ash ot Chisvs a im ai ona mvt, im asilhha kvv achilita fehnvt, Ilvppa ai i yvmihcha he vhlpiesa fehna ;

5. Yvmmak okvt pim okla talaia ha pi holitoblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash ona hosit taha ma, Sintulion ash osh i kana vhleha ha pit in tihleli mvt, Chitokaka ma ! ayvt ik chim achibo kashke : chishno vt vm aboha ya ant ish chukowa he si ahoba keyu hoka.

7. Yohmi kvv anonti vno akinli hosh ayvt ont chi pisa la he si ahoba keyu kvv vm anukfila atuk oke : amba anumpa bano hq ish mihakma, an tishu hatuk mvt hlakofa hinlvshke.

8. Ūno ak kia hatak tvshka chipota vhleha pehlichit i shahli nutaka ahanta chatuk sia hoka: yohmi kvt achvfa ka, Iá, im achi likma, ia hoke: mikmvt inla ma, Mintí, im achi likma, minti hoke: mikmvt an tishu hā, Ilvppa yakohmichí, im achi likma, yvmihchi chatuk oke, pit im achi tok.

9. Mihma Chisvs vt ilvppa puta ka hai yaklo mvt, pit im aiokpanchi fehmv, filemvt hikia cha, apehvt aya tuk okla hash, Israel okla hā kanima kia nā yimmi chinto yakohmi ka ak a pesoshke, hvchim achi lishke, im achi tok.

10. Mihma yvmmv yakohmit itvnova tuk vt chuka ash falamvt, tishu abeka tuk vt hlakofi tuk o ont pisa tok.

27. Chisvs vt Nain a ona cha, ohoyo i hatak illi ushi illi tuk a falaminchí tanichi.

11. Atuk o ont onna ma yakohmi tok: tvmaha Nain hohchifo hō ia tok; mihma nan im aiithvna laua, micha okla laua aienvt apehvt ilhkoli tok.

12. Atuk osh tvmaha okhissa ya i bilika vla ma, hatak vt ohoyo i hatak illi yo ushi yosh, ishki a yvmmak osh i bano chatuk osh illi na okla sholit kohcha tok; yohmi ma tvmaha okla hvvt lauvt yvmma apehvt aya tok.

13. Mihma Chitokaka yvt ishki atuk a pisa mvt, i nukhaklo cha, Ish yahaya ná, im achi tok.

14. Mihmv yvmmak ash ot ai onvtula kash ant potoli tok: mihma sholi tuk vt lumvt hieli tok. Mihma, Hatak himita chia hvvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok; mihma yvmmak ash ishki a pit ima tok.

16. Mihma okla moma ka nanukshopa kvt ai anukfoyuka tok: mihmv Chihowa ya holitoblichit aiokpahanchit, Hopaii chinto kvt pit in takla ya a tobtv hikivshke; micha Chihowa yvt im okla hā i novvt ayvshke, okla achi tok.

17. Mihma yakohmit Chisvs isht ai annoa kṽt Chutea yakni a mominchit, anonti yakni inla auet a bilika aiasha ma moma a hlopulli tok.

28. Chani vt aboha kullo foka mvt, yummak osh Kilaist mak okmá, keyukmá, nana hatuk ma Chisvs a pit im ponaklo tok: mihma na yimmi im anukfila hatuk a pit im apeluchi kṽt, ilap vt nana kṽt a fehna kia yummichi tok puta kṽt Chisvs vt im anoli tok: mihmvt Chisvs vt Chani a isht anumpulit atokowa ka anoli.

18. Mihma Chani nan im aiithvna ṽhleha hṽt nana kṽt a yakohmi tuk a mominchit im anoli tok.

19. Mihma Chani ash ot ilap nan im aiithvna ya tuklot hoyo cha, Chisvs a pit in tihleli mvt, Chishno ak osh aya he tuk mak o chia hokmá, ak chu? himmak pilla hak o inla yo e hoyo chi cho? achi tok.

20. Hatak ash ot ayvt it im onachi mvt, Chani Baptist vt, Chishno ak osh aya he tuk mak o chia hokmá, ak chu? himmak pilla hak o inla yo e hoyo chi cho? achi hosh auet pi tihleli tuk oke, achi tok.

21. Mihma hṽshi kanvlli ṽlhpisa yummak fehna ka haknip ik in chukmo, mikmvt ililli isht ai ilbṽsha, micha shilombish okpulo ai i foka puta aiena kṽt laua ho hlakofichi tok: mihmvt lva vt laua atuk a hoponayochi tok.

22. Mihmvt Chisvs vt afalaminci mvt, Oh ia cha, nana ka hṽsh pisa tuk, mihmvt hṽsh haklo tuk aiena kṽt Chani a ont oh im anoli; lva yvt hoponayo, imomokpulo yvt nowa ma, leplosi ṽbi vt i kashofa, ik haponaklo vt haponaklo ma, illi mvt falamvt tani, mikma ilbṽsha ya ṽbanumpa hṽt isht im anuhumpṽshke.

23. Yohmi ka kṽna hosh ṽno a ik si ai ibetṽblok-mvt, mihi yosh na yukpa hoke, achi tok.

24. Mihma Chani im anumpa isht aya tuk vt a falamvt, itiachi ma, okla ha Chani ak o ishit isht im anumpulit, Nanta ho hṽsh pisa chi hosh yakni haiaka yṽno hṽsh ilhkoli tok oh cho? Kushak osh mahli na winakṽchi kak atuk o?

25. Amba nanta ho hvsh pisa chi hosh hvsh ilhkoli tok o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in laua hokvto, hatak miko vhleha in chuka ak o aiasha cho kvmo.

26. Amba nanta ho hvsh pisa chi hosh hvsh ilhkoli tok o? Hopaii ak atuk o? Ahlishke, micha holitopa kvv hopaii ya i shahli fehna hoke, hvchim achi lishke.

27. Ish ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tobrt ai vttta tok puta ka hopaii chito kvv Chani Baptist a imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa apelihchika yvno anta kvv, Chani a imaiya hoke.

29. Yohmi ma Chani a okla im a haponaklo tuk vt moyuma, micha pvblikan vhleha aiena kvv Chani a i baptismo ya isht a baptismot, Chihowa ya im aiahlichitok.

30. Amba Falisi vhleha, micha nan-vlhvisa ithv-nanchi vhleha aiena kvvto ilapo yokvto yvmmak ash o ik im a baptismo tok, Chihowa nana im aiahni tuk a ik im aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? micha nanta hak o okla pit hoyulba cho?

32. Ulla yosh ilhpak a kanchi yo binohmaya hosh ilap bika it i howvt, Oskula ha e hvchim olachi ka, hvchik hehloshke; illi isht taloa isht e hvchi yaiya ka, hvch ik yaiyoshke, ahanchi ho chiyuhmishke.

33. Chani Baptist vt pvaska ya ik po, mihmvt oka paki ma ik ishko yosh aya; yohmi ma, Nan-isht-ahullo okpulo il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvblikan vhleha mikmvt nan ashvchi puta ka i kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

29. Chisvs vt Falisi a ibai-impā: micha ohoyo hvt nan-ashvchi yo ik yohmi, im aiahni na iyi ya nan-ahama a hvmmi; mihma Falisi vt ik im vllhpeso kia, yvmmt ai vllhpesa ho yvmohmi hatuk a Chisvs vt anoli; micha ohoyo hash hopohlvehit nan im aiashvehika ya i kashofi.

36. Mihma ibai impa hinla ka Falisi achvfv im ahni tok: yohmi ma Falisi in chuka yash ont chukovvt, impa chi hosh binili tok.

37. Yohmi ma ohoyo nan-ashvchi yosh tvmaha yvmma anta tuk osh, Falisi in chuka ya Chisvs vt asht impa na akostininchi mvt, alabasta kotoba nan-ahama balama vllhto ho isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achifvt, anonti ilap noshkobo pashi akinli ho ishit kasholinchi mvt, iyi a i suksohovvt, nan ahama balama ash o isht a hvmmi tok.

39. Mihma Falisi vt yvmmak ash o hoyo tuk ash ot, yvmma pisa mvt, Hatak ilvppvt hopaii atuk okmvt, kvna hosh, micha ohoyo kaniohmi chatuk osh potoli ka, ik akostinincho ka heto; ohoyo ilvppvt nan-ashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kvv vm ashvshke, im achi tok. Mihma yvmmak ash ot, Nan ithvnanchi ma! ish mi-hashke, achi tok.

41. Mihma, Hatak nan-ahekvchi achvfa yvmma aheka im in takohnli kvv tuklo tok: achvfa kvto aheka yvt iskvli tahlepa in tahlapikma, mikma achvfa kvto pokoli tahlapi hvt tok.

42. Atuk osh isht atobba hi vt nana kia ik im iksho kit okla ma, it aieninchit pilla ho yvmmak ash ot i kashofi tok. Yohmi ka, Um anoli; katimampo kak osh yvmma i hullo kvv i shahlecha hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok.

Mihma, Pit vllhpesvchit ish anukfilli mvhlishe, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno vto saiyi isht achihifa he oka kapvssa kia chik samo ke tuk: amba ilvppak okvto nishkin okchi yo saiyi ya isht achihifa mvt, ilap noshkobo pashi ak o isht kasholihinchishke.

45. Chishno vto chik sa suksowo ke tuk: amba ohoyo ilvppak okvto, ilvppa ant chukowa li tuk takla ka, saiyi ya i suksowowa kvrt ik iesoshke.

46. Chishno vto sa noshkobo ha nan-ahama isht chik svm a hvmmo ke tuk; amba ohoyo ilvppak okvto saiyi ya nan-ahama isht ahvmmishke.

47. Yohmi hokvt, Nan im aiashvchika yvt laua tuk vt kashofa hoke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kvrt a fehna keyu chatuk oke, im achi tok.

48. Mihmvt ohoyo hash o, Chim aiashvchika puta kvrt chi kashofa mak oke, im achi tok.

49. Mihma it apehvt asht impa tuk yvmmak ash ot, Ilvppvt kvta hokak osh nan-aiashvchika puta kak kia kashofi hoh cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukpvt ish ayashke, im achi tok.

CHAPTA VIII.

30. Chisvs vt im anumpeshi vhleha, micha nan-isht im vta vhleha ohoyo aienvt apihvt aya ho, vbanumpa isht anumpuli.

1. Atuk osh i himmakma yakohmi tok: tvamaha, micha chuka lokoli puta aiena ka mominchit a hlopul-

lit ayvt, vbanumpa isht anumpohonli; micha Chihowa apehlichika ai isht ilaiyukpa anumpa ha otvninchit isht anumpohonli tok: mihma auah tuklo kash ot apehvt aya ma,

2. Micha ohoyo kanohmi, yummvt shilombish okpulo puta, micha haknip ik in chukmo puta tuk aiena tuk osh a hlakofi tok, Meli Maktalene hohchifo yvm-mak o nan-isht-ahullo okpulo untuklot a kohcha tok.

3. Mihmvt Choanna Helot a nan-isht im vtta Chusa a tekchi, micha Susanna, mikmvt inlaka mvt laua hosh nana im asha tuk vt, Chisvs a isht apelvchi tuk vt apehvt aya akinli tok.

31. Na hokechi isht vlhpisa anumpa; micha yvmmak atuk vt vlbitvt achukma annoa.

4. Okla lawa fehnvt tvmaha moma ashvt minti kvt im ai itvnaha ma, nana isht apesa hosh im anum-puli tok.

5. Na hokechi vt i nanihi hokchit ia tok; atuk osh hokechi ma, kanimi kvt hina lapalika yo kaha tok: atuk o a hvhlichei; yohmi na hushi puta vba itvnova kvt ant aiowvt vpa tok.

6. Mihma kanimi kvto tvli yo ai o kaha tok: atuk osh offo mak inli hosh a shummi takanli kvt ik im iksho hatuk okvt, bvshit kvnia tok.

7. Anonti kanimi kvto kvti foka yo a kaha tok: atuk o kvti ash ot avant offo cha, olvbbit ishi tok.

8. Yohmi ma inla kvto yakni achukma ho ai o kaha tuk osh offot, nihi achvfa tuk kia tahlepa achvfa vnit waya tok: ilvppa puta ka achit ont in taiyaha mvt, Kvna hosh, isht haponakla he haksobish vt i hinlikmvt, haklashke, chitoli hosh achi tok.

9. Mihma nan im aiithvna vhleha hash ot, Ilvppvt nan-isht vlhpisa katiohmi ha hinla hoh cho? achit im ponaklo tok.

10. Mihma, Hvchishno ano Chihowa apehlichika ya nana kvt ik otaiyano ke tuk hvsh akostinincha he mak osh hvchim vlhpisa tok: amba inla ka yokvto pisa kia, pisa he keyu; mikmvt haklo kia, ik akosti-

nincho ka chi ho nan-isht vlhpisa anumpa ha chi hv tok.

11. Nan-isht vlhpisa kv ilvppak oke. Na-nihi ak osh Chihowa im anumpa mak oke.

12. Hina lapalika kaha kv, anumpa ha haklo kak oke : yohmi ma Setan vt avt, okla yimmit ik okcha-yo ka chi ka, anumpa ha chukvsh ash a kohehit im ishi chatuk oke.

13. Tvli yo ai o kaha kvto, anumpa ha haklokmvt, na yukpa hosh ahninchik kak oke ; yakohmi kak osh hakshish vt iksho ; yohmi hosh chekosi takla hokvno yimmi tuk osh, nana kv ont a palvmmikma, mokohli koke.

14. Mikma kvti foka yo a kaha kvto, anumpa ha haklo tuk kia, yakni pakna ahantvt nan-isht a kaniohmi puta, mikmv nan in laua bvna, micha na-washoha puta isht a nukfoyuka kak osh ai im olvbbi na vnit ahlit ik wayo kak oke.

15. Amba yakni achukma yo ai o kaha kvto, yvmmvt chukvsh achukma aiahli mak osh anumpa ha haklokmvt, ieshit achunanchi cha, vnit waya kak oke.

32. Pula tohwikeli isht vlhpisa, yohmi ho yvmmak o Chisvs vt, hatak vt Chihowa im anumpa ha ithana hokvto, inla asha ka im anola he vlhpesa hatuk a, miha.

16. Hatak nan ak osh pula ha luachi mv, nan-aivlhto yo isht ompohomokma, keyukmv topa nutaka yo pit talalikma, nana chatuk keyu ; amba kvna hosh ant chukowakmv tohwikeli ka pisa chi ka, pula ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iiksho : mikma nana hosh luma tuk ak o ik akostinincho ki, ik otano ka he mv iksho hoke.

18. Yohmi hoka nana ka hvsh haklo kv, Ahah ! hvsh ahnashke ; kvna hosh ishi hokmak o, mihi yo ima hi oke : mikmv kvna hosh ishi keyu tuk mvno, mihi yo ishi ahomba tuk ash kia aieninchit im ai isha hi oke, achi tok.

33. Kuna hosh Kilaist im anumpa puta ka im antia hokvto, yvmmak o i kanomi fehna mak oke.

19. Yohmi ma ishki, micha itibapishi vhleha aiena kv̄t im ai v̄la kia, okla hak osh atihlev̄t kv̄nia hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kv̄t chi pisa b̄v̄nna hosh, kocha ya hiohm̄ayv̄sh-ke, achit im anoli tok.

21. Mihma yvmmak ash ot afalaminchi mv̄t, Chihowa im anumpa h̄a haponaklo cha, mihi ȳo ai yvmohmi vhleha ilv̄ppak osh v̄shki, micha itibapishi li vhleha aiena mak oke, im achi tok.

34. Chisvs vt kocha umba mahli kullo ka yokobli.

22. Atuk osh nitak kaniohmi h̄o yakohmi tok: nan im aiithv̄na vhleha hash ai it apeh̄v̄t peni ont chukowa tok; mihmv̄t, Okhv̄ta mish-tv̄nv̄p ak o pit cho tanv̄blashke, achi tok. Mihma peni ash okla oka tobli tok.

23. Atuk o yakohmit peni ā asht itv̄nowa ma, yvmmak amo nusi tok: atuk o mahli chito kv̄t okh̄v̄ta hash on ituyula; yohmi ma oka yv̄t ibai alota na ai isht-kv̄nv̄p̄v̄t ai im palv̄mma he pullv̄t aia-sha tok.

24. Yohmi cha okla onv̄t yvmmak ash okchv̄li mv̄t, Pithv̄nanchi ma! Pihv̄nanchi ma! pilli mak oke, achi tok. Mihma yvmmak ash ot tani cha, mahli micha oka poakv̄chi aiena kash im alv̄mmi tok: mihma yvmmak ash ot yokopa na chulusv̄t talaia tok.

25. Mihma yvmmak ash ot, N̄a hv̄chi yimmika mv̄to? im achi tok. Mihma okla nukshopa hatuk okv̄t, nukhlakanchv̄t, Ilv̄ppv̄t hatak katiohmi mak oh cho? ilv̄ppv̄t mahli oka aiena kak kia nan i miha ma, im antiv̄shke, it im achit m̄aya tok.

35. Chisvs vt peni fohkv̄t aya tuk osh Katalenes okla i yakni ak o ont a kohcha; mihmv̄t nan-isht-ahullo okpulo lawa hō hatak achvfa ka a kocha weli: yohmi ma, shukha lokoli achvfa hō ont abeha chī ka, v̄lhpesa im ahni tok.

26. Atuk osh Katalenes okla i yakni Kalili auet i chapa talaia ka, okla ont ataiya tok.

27. Yohmi na yvm̄mak ash ot pit kohchv̄t ia ma, hatak achvfa kv̄t nan-isht-ahullo okpulo puta kv̄t ai i fōka tok hopaki hosh, na fohka kia fohka chatuk keyu, mihmv̄t chuka yō ai v̄tta chatuk keyu, amba hatak illi aiasha yak o ai v̄tta chatuk osh, tvmaha hā a hohchv̄t aya hosh afama tok.

28. Mihmv̄t Chisvs a pisa mv̄t, chitolit tahpv̄la mv̄t, yvm̄mak ash itikba ya aka hlipīvt chitoli hosh anumpulit, Chisvs Chihowa nana moma imaiya Ushi chia hā, vno vt nanta hō ishit chi ahalaia li cho? chik sv̄lv̄shalo ka chī mak o, chim asilhha lishke, achi tok.

29. Yvm̄mak okv̄t shilombish okpulo vt hatak ash a kohcha chī ka, im apesa hv̄t tok. Yvm̄mak okv̄t himonā haksinchit hohōkli beka tok; yohmi hatuk o yvm̄mak okv̄t tv̄li iti-takv̄li, micha iyi ai v̄lh̄pitta tv̄li aiena ishit talakehi hō okla apesv̄chi hv̄t tok: yohmi kv̄t isht a kamv̄ssa yatuk a kobv̄ffikma, nan-isht-ahullo okpulo ash osh chv̄ffichi na yakni haiaka a kv̄nia beka tok.

30. Yohmi atuk o Chisvs ash ot im ponaklot, Chi hohchifo hv̄t nanta hō? achi tok: mihma yvm̄mak ash ot nan-isht-ahullo okpulo vt laua hosh pit ai abeha hatuk oka, Lechv̄n sia, achi tok.

31. Yohmi ma kohchv̄t ahofobika ai-ilbv̄sha mak o okla ia hi a ik im apeso ka chī ka, okla im asilhha tok.

32. Yohmi ma nv̄nih pilla yvm̄mak oka shukha laua yv̄t ai impa hosh aiasha tok: yohmi ma yvm̄mak o okla ont abeha chī ka v̄lhpesa, im ahna chī ka, im asilhha tok. Yohmi ma v̄lhpesa, im ahni tok.

33. Yohmi ma nan-isht-ahullo okpulo puta kash ot hatak ash a kohcha wihv̄t ia mv̄t, shukha yash o ont chukowa tok. Yohmi ma shukha laua yash osh

nvnih chakpatali ka asht aka pit yihlepa fehnvt, ok-hvta ont ai oka kahvt, nuksakkit illi tok.

34. Yohmi ma yvmma apesvchi vhleha hvrt nana kvrt ai yvmohmi ka piss mvt, yihlepvt ivt, tvmaha mikmvt haiaka aiasha tuk aiena ka ai im anoli tok.

35. Yohmi ma nana kvrt ai yvmohmi tuk ash okla pisvt ilhkoli tok. Atuk osh Chisvs ash im ai vla cha, hatak nan-isht-ahullo okpulo puta kvrt a koheha wiha tuk ash, ilefoka fohka cha, im anukfila mvt hopoyuksa achukma hosh, Chisvs iyi ituma ya binili hq okla pisa tok : yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvrt nanukshopa chinto kvrt ai onituyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kvrt a koheha wiha tuk hatak ash ot awant aya hinla kvrt, im asilhha tok : yohmi kia Chisvs ash ot, Chin chuka yak o falamvt ish ona cha, Chihowa hvrt nana chinto nana mak o a chi yvmihchi tuk a, ont ish anolashke, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, tvmaha hash mominchit ai anoli tok.

36. Chisvs vt ohoyo issish ont ia vbi yatuk o hlakofichi ; mihmvt Chailvs ushitik illi tuk a falaminchit tanichi.

40. Atuk o yakohmi tok ; Chisvs ash ot falamvt vla ma, okla hvrt momvt hoyo hosh aiasha tuk okvt, okla na yukpvt aiokpvchi tok.

41. Yohmi ma hatak vt Chailvs hohehifo hosh, sinakak apesvchi yosh vla tok ; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla hvrt tok. Yohmi ma yvmmak ash ot ia hosh aya ma, okla chinto kvrt ai a foloblit kvnia tok.

43. Yohmi ma ohoyo hvt issish um-bokafa tok afvmmi auah-tuklo hatuk osh, nana im asha tuk a mominchit alikehi puta kak o ai ataiyaha kia, achvfo-na ma a hlakofa he mvt iksho ho, aya tuk osh,

44. Im ashaka ona cha, im anchi aposhokvchi ya pit potoli tok: yohmi ma ashalika issish ont ia tuk vt i hokofa tok.

45. Mihma Chisvs vt, Kvta hosh sa potoli cho? achi tok. Kvna hatuk keyu ka momvt miha ma, Pita yvt, micha apeshvt aya tok aiena kash ot, Pi shahli ma! okla chito vt chi a foloblit chi a telifichi fehna hokak o, Kvta hosh sa potoli, ish achi cha? achi tok.

46. Mihma Chisvs ash ot, Kvna hosh sa potoli tuk, nan-isht aiahlika yvt a si a kohcha ka akostinin-chi li hoka, achi tok.

47. Yohmi ma ohoyo hash ot ilapvt luma keyu kvv akostininchi mvt, wvniinchit ona mvt, itikba ya aka ont hlipia cha, nana kaniohmi ho yvmmak oka potoli tuk, micha kaniohmit ashalika hlakofi tuk aiena kvv okla moma itikba ya ai im anoli tok.

48. Mihma yvmmak ash ot, Svstotek ma! na chi yukpa achukmashke; na chi yimmika yak osh chi hlakofichi hoka, na-yukpa bieka anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesvchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im achibalo kashke, im achi tok.

50. Yohmi kia Chisvs vt pit-haklo mvt, nan i mihvt, Ik chi komunto kashke; pilla ik chi yimmí, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowá, ik aiahno; amba Pita, micha Chemis, mikmvt Chani, micha ohoyo himita ya iki, mikmvt ishki ita-tuklo kak illa tok.

52. Yohmi ma moyumvt ilbvshvt ishit yahaya tok: yohmi kia yvmmak ash ot, Hvsh yaiya ná; illi keyu; pilla nusi hoke, achi tok.

53. Mihma yvmmak okvt illi yoka, okla ithana hatuk osh, yvmmak ash ik ahobalot olvlli tok.

54. Yohmi ma yummak ash ot mominehit kohchechit tahli mvt, yummak ash ibbak a halvlli cha, i hovvt, Ohoyó himita ma ! taní, achi tok.

55. Mihma shilombish vt falamvt im vla cha, yummak ash ot ashalika tani tok ; mihma nan-ilimpa i hoya hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kvv a yvmohmi tuk ash hatak nana kia ik im anolo ka ki o i miha tok.

CHAPTA IX.

37. Chisvs vt im anumpeshi auah-tuklo ka vbanumpa isht anumpula chi, micha nana kvv isht ahullo fehna kia yvmihchi a puta hosh im ai vhpesa hatuk vt otvvincha chi hq, pit tihleli.

1. Yvmohmi mvt ilapo nan im aiithvna vhleha auah-tuklo kash hoyot itahobi mvt, nan-isht-ahullo okpulo puta imaiyvvt, mikmvt abeka ilaiyuka puta ma hlakofihinja chi ka, nan aiahlika ya isht im apesa tok.

2. Yohmi mvt, Chihowa apelihchika yoka isht anumpohonlit, anonti abeka puta ma hlakofihinja chi mak o pit tihleli tok.

3. Yohmi mvt, Itvnowvt hvsh aya kvv tvbi kia, mikmvt shukcha, micha pvska, anonti tvli holisso, ilefoka lumbo mvt, tuklo aiyuka, peh nanasi kia hvch ik ishho kashke.

4. Mikmvt chuka nana hq ont hvsh chukowakmvt, yummak o hvsh ahashwa tuk osh, kohchvt hvsh iashke.

5. Micha kvna kia ik hvchi aiokpachokma, tvma-ha yvma a kohchvt hvsh iakmvt, nan-isht im atok-owa mak o hituk tohbi ka hvch iyi ya tahtulit hvsh a kanchashke, im achi tok.

6. Mihma okla ivt tvmaha puta ka hlopullit ayvt, vbanumpa isht anumpohonlit, kanima moma ka abeka a hlakofichit itynowa tok.

38. Chisvs vt annohowa fehna ho Helot vt haklo kvv ik im vhlpieso mvt, Chisvs a pisa bvna.

7, 8. Helot miko ash ot, yvmmvt nana puta ai yvmihchi ka haklo tok; yohmi mvt kanimi kvv, Chani ak osh illi tuk vt falamvt tani tuk, achi ma; anonti kanimi kvv, Elias ak osh ant haiaka, achi: mihma inlaka mvt hopaii vhleha tikba yvt tok ak osh achvfvv falamvt tani hoke, achi hoka, katiohm ahnit ik im vhlpiesot im anukfila tok.

9. Mihmvt Helot ash ot Chani ano noshkobo ha tvbli li chamo: amba na yakohmi puta a hahaklo li ka yvmmak osh kvvta hoh cho? achi tok. Mihmvt yvm-mak ash pisa bvna tok.

39. Vbanumpeshi vhleha falamvt ai vla: Chisvs vt pvska lumbo tahlapi, micha nuni chipunta tuklo aiena tuk a, hatak tahlepa sipokni tahlapi ka impvchi.

10. Mihma vbanumpeshi vhleha, hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tvmaha hohchifo Bethsaita ai i bilika yakni haiaka yo ia tok.

11. Mihma okla hvv akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bvna hokvno hlakofihinchit tok.

12. Atuk o nitak ash ot ont shohbit mahaya ma, auah-tuklo kash ot ai vlvv, Yakni haiaka yo il aiasha hoka, okla laua ya ish in tohno na ilhkolit tvmaha puta, micha a hokehi chuka hiohli yakni auet a bilika fullo-ta aiena ka ont a nusit, ilhpak ma ahayuchit mayash-ke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nuni tuklo aiena misha keyu hosh pin chiyvshke; kanima

yo ivt okla moma ilvppa ilhpak a kil in chumpo hok-mvt, okla achi tok.

14. Yohmi ka hatak vt tahlepa sipokni tahlapi foka hvt tok. Yohmi ma nan im aiithvna vhleha hash o, Pokoli tahlapi aiyukvt ia ho ho binohlechi, im achi tok.

15. Yohmi ma yvmihchit, mominchit okla binohlichit tok.

16. Yohmi ma yvmmak ash ot pvska tahlapi, micha nvni tuklo aiena kash o ishi cha, pit vba chakalit aiokpvchi cha, tushahlichit mvt, okla laua ya in talohla chi ho, nan im aiithvna vhleha hash pit ima tok.

17. Mihma okla impvt momvt kaiya tok; mihma okla im atampa tuk a, boshulli yvt kishi auah-tuklo ho okla aiowa tok.

40. Chisvs vt nan im aiithvna vhleha ha pehlichit cha, vba pit anumpuli, micha ilapa kvna hak o okla im ahoba hatuk a ponaklo tok; micha ilap vt illi tuk osh, anonti falamvt tana he aiena kv tikbanli anoli: yohmi mvt nan im aiithvna vhleha ilapa holitobli pulla kv, ile kaiyancha he, micha na-palvmmi puta ma pisa chi aiena kv im vltaha hia, i miha.

18. Atuk o yakohmi tok: nan im aiithvna vhleha ak illa hosh apiha ho antvt, vba pit anumpuli tok: atuk osh yvmmak ash o im ponaklot, Okla hvto vno vt kvta sia ho achi ho? achi tok.

19. Yohmi ma afalaminchit mvt, Chani Baptist; amba kanimi kvto, Elias ak o achi: mikma inlaka yvto, Hopaii vhleha tikba yvt tok ak osh achvfvfalamvt tani hoke, okla achishke, achi tok.

20. Amba, Hvchishno vto vno vt kvta sia ho hvsh achi ho? im achi ma, Pita yvt afalaminchit, Chihowa i Kilaist a, achi tok.

21. Yohmi ma yvmma hatak nana kia okla ik im anola ka chi ka, achukmalit kvlllochit i miha mvt,

22. Hatak Ushi yokvt nan isht ai ilvsvsha hvt in laua chi, yohmikmvt hochitoka vhleha, micha naholitompa isht asha pehlichit vhleha, mikmvt na-

holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kuna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhuna atuk ma ieshi hosh, vno a siakaiyashke.

24. Kuna kia ilap im ilhfiopak a ochalinchhi bvn-na hokmvt, i kunia hi oka; amba kuna hosh vno pulla hatuk mak o im ilhfiopak vt ishit i kunia hokmvt, mihi yosh il im okchalinchha hi oke.

25. Hatak vt yakni a il a mominchit ieshi hosh, anonti ilapo fehna yash il okpvnechit il issikkopalit kaiyanchi hokmvt, nanta ho isht ilaiyukpa hinla cho?

26. Kuna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit ayvt vlakmvt, i hofahya hi oke.

27. Yohmi kia Chihowa apehlichika ya pisa ha keyukmvt, illa chi keyu kv iluppa kanimi mvt hiohmaya hoke: ahli mak o hvchim anoli lishke, achi tok.

41. Chisrs vt vba pit anumpula chi hosh nvni chaha pit oiya atuk osh, Uba pit anumpulit ahanta moma hosh pisa ka inla toba.

28. Iluppa puta ka ahanchi tuk ash nitak ont ishit untuchina foka ma, Pita, micha Chani, mikmvt Chemis aiena ka pehlichhi cha, nvni chaha yo vba pit anumpula chi hosh ia tok.

29. Atuk osh vba pit anumpuli ma, nashuka yvt inlv toba ma, i na-fohka yvt tohbit shohmalili tok.

30. Yohmi ma hatak tuklo kv, yvmvt Moses, micha Elias ita-tuklo mak osh yvmmak ash ant im anumpulit okla tok.

31. Yvmmak okvt nan-isht a holitopa ahli ka il aieshi hosh ant otaiyanit okla cha, yvmmak okvt Chelusalem a ai illa hi a, isht anumpohonlit okla tok.

32. Yohmi kia Pita, micha inlaka aiena yvmma avehvt aya tuk ash ot nosilhha fehna tok: atuk osh okla ont okchvt taha mvt, isht-a holitopaka yash, micha hatak tuklo kvrt avehvt hieli tuk ash aiena ka okla pisa tok.

33. Atuk o yakohmi tok; yvmmak ash ot ai i filvmmmit tamovt okla ma, Pita yash osh Chisvs ash, Pi shahli ma! ilvppa e maya kvrt pim achukmvshke: yohmi ka vlhtipo tuchina ka il ikbashke, achvfa kvrt chimmi hokma, anonti achvfvrt Moses ak o immi hokma, anonti achvfa kvto Elias ak o immi kashke, achi tok: yvmmak o miha li, ahni keyu hosh.

34. Yvmmak ash ot yakohmichit anumpohonli moma na hoshonti aya kvrt, ant o hoshontikachi tok; yohmi ma hoshonti anukaka ya pit chukowvt ia kvrt, okla nukshopa tok.

35. Yohmi ma hoshonti anukaka ya auet ai anumpa hvrt, Ilvppak osh Svso a holitopa mak oke, hvsh i haponaklashke, achi tok.

36. Atuk o anumpa hash ot ont taha ma, Chisvs ak illa hosh hikia na okla pisa tok. Yvmohmi ma nana yakohmi kash okla nana ik achot, nana ho pisa tuk vt achvfonvchi mvt hatak nana kia nitak yvmma foka ka ik im anolo beka tok.

42. Ulla yosh nan-isht-ahullo okpulo isht abeka tuk a Chisvs vt hlakofichi; mihmvt anonti ilap im palvmmmit illa hi vt tikbanli anoli.

37. Atuk o yakohmi tok: ont onna ma nvni hash okla asht akowvt minti ma, okla lava kvrt ont afama tok.

38. Yohmi ma okla ha takla aya tuk vt hatak achvfvrt chitolit mihvt, Nan-ithvnnchi ma! svso ha ish pisakbano, chim ahni lishke, vm vlla yvt yvmmak bano hatuk oke.

39. Yohmi ho shilombish okpulo yvt ishikma, ashalika tahpahanla hoke; mikmvt haiochichechit ituk pokpokihinechi beka hoke: yohmi kvrt kaniohmit i filvmma he keyu chohmit, haknip litolit hotopahanlishke.

40. Yohmi ho na chim aiithvna vhleha hak o yvmma kohchi cha hinla ka, im asilhha li tuk ak o, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na vimmi iksho, micha nan-ahli ai i shanaia fehna okla hvchia ma ! hvch iba takla ahantvt, nana ka isht ak ahno ho katiohmi foka chi cho ? Chiso ha ilvppa isht minti.

42. Mihma isht minti hosh aya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht-ahullo okpulo yash im alvmmi cha, vlla yash hlakofichit, iki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kvvt nana ka Chisvs vt ai yvmihchi tuk puta kash momvt, okokko ! okla aiahnit maya takla ma, yvm-mak ash osh ilap nan im aiithvna vhleha hash,

44. Anumpa ilvppa puta kvvt hvchi haksobish atuk ma ik a fohoka, hvsh ahnashke ; Hatak Ushi yokvt hatak puta ibbak a i foyuka hi oke.

45. Yohmi kia anumpa ilvppa okla ik akostinincho ki tok : mihma na miha kash ik im ai otano ; yohmi hoka yvmmak ash okla ik ai ithaiyano ki tok : mihmvt anumpa yvmmak ash im asilhhvchi okla nukwia tok.

43. Chisvs vt nan im aiithvna vhleha hvvt ilap na-fehna bvna in anukfila puta ka im oktvbli : yohmi mvt inla yvt kvna hosh Chisvs hohchifo hak o nan-isht-ahullo okpulo a ishit kocha welit ahanta hokvno, ik im olabo ka hi a, im ahni.

46. Yohmi ma, Katima kak osh holitopa kvvt mo-ma i shahla hinla hoh chishba ? ahnit okla isht im ai anukfilvt maya tok.

47. Mihma okla chukvsh nan im anukfila ka Chisvs vt im akostininchi mvt, vlla yo ishit, il a bilikvchit binilechi tok.

48. Mihmvt, Kvna hosh vlla ilvppa vmmi hohchifo ho ahninchii hokvto, vno ak o si ahninchii hoke : mikmvt kvna hosh vno a si ahninchii hokmvt, yvm-

mvt auet sa kanchi tok ma pit ahninchi hoke :
kanima hosh moma ik a lauwo kvt hvchi takla
ahanta hokvto, mihi yosh moma i shahla hi oke, im
achi tok.

49. Mihma Chani vt afalaminchi mvt, Pi shahli
ma! achvfa hosh chi hohchifo ha nan-isht-ahullo
okpulo puta ka ishit kocha weli hosh anta ho e pisa
tuk : yohmi kia yvmmak okvt ik piba fohko hatuk o,
il im alvmmi kano, achi tok.

50. Micha Chisvs ash ot, Hvch ik im alamo
kashke : kvna hosh pi sanalit anta keyu hokvto, pibai
achvfa hoke.

44. Samalia okla hvt Chisvs a ik aiokpacho kvt okla illit
taha chi ka, Chemis, Chani, ita-tuklo kvt ahni ma, Chisvs
vt nan isht i miha.

51. Atuk o yakohmi tok : yvmmak ash o aiokpan-
chit vba ya isht ai chi ma nitak vt ont vhlpiesa hatuk
o, Chelusalem a ia chi kvt ai anukfoykvt nashuka
ya pit filimmi tok.

52. Mihmvt nan ont im atahla chi ho, anumpa
shali vhleha ha tikba pit tihleli tok : yohmi na okla
ivt Samalitan okla in tvmahushi o ont chukowa tok.

53. Yohmi ma yvmmak okvt Chelusalem a ia ho
fehna nashuka yatuk o, okla ik aiokpacho ki tok.

54. Yohmi na nan im aiithvna Chemis, micha
Chani ita tuklo kvt yakohmi ka pisa mvt, Chitokaka
ma! Elias vt yvmihchi tok akinli ho chohmichit,
pishno mvt luak vba minti kvt aka itola cha, okla
ilvppa hushmit tahla chi ka il im apesa hinla ka, ish
ahni cho ? achi tok.

55. Mihma yvmmak ash ot filemvt im alvmmi
mvt, Hvchi chukvsh ai im anukfila a kanihmi hosh
hvsh aya kvt hvch ik ithanoshke.

56. Hatak Ushi vt hatak puta ka vba chi hosh
aya hvt tok keyu, amba okchalincha chi hvt tok
oke, achi tok. Mihma ilhkolit tvmahushi inla yo ona
tok.

47. Hatak kaniohmi kv̄t ch̄kv̄sh a mominchit isht im antia he keyu kv̄t āsha hatuk o, nan i miha.

57. Atuk o yakohmi tok; ia hosh okla it̄nowa ma, takla ya hatak ach̄v̄vt, Chitokaka ma! kanimak fehna chik aya kia, vno vt chiakaiya la chi hoke, im achi tok.

58. Mihma Chis̄vs ash ot, Chula puta kv̄t chiluk vt im ai āshakma, vba hushi puta kv̄t v̄lhpichik vt im āsha hoke: amba Hatak Ushi okv̄to noshkobo ha kanima a bohla hi vt ik im iiksho hoke, im achi tok.

59. Mihmvt inla yo, Is siakaiyashke, im achi tok. Yohmi kia yvm̄mak ash ot, Chitokaka ma! v̄lhpesa, vm̄ ahni na ivt, aki ak o tikba ont ak hohpi ha yosh, im achi tok.

60. Mihma Chis̄vs ash ot, Illi ak osh ilap bika illi yokv̄no hohpashke: amba chishno vto ivt, Chihowa ap ehlichika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpv̄chi la hi a, is sv̄m ahnashke, achi tok.

62. Mihma Chis̄vs ash ot, Hatak nana kia yakni isht patafa ya ibbak a isht eshi hayvt, olbvt-ak-a pit hopokoyo kv̄t, Chihowa ap ehlichika ya ahalala he v̄lhpesa keyu hoke, achi tok.

CHAPTER X.

48. Chis̄vs vt nan im aiith̄vna v̄hleha pokoli untuklochit vbanumpa isht anumpula chi, micha nana kv̄t a fehna kia yvm̄ihchi puta hosh im ai v̄lhpesa hatuk vt otv̄nichia chi mak o a tohno:

1. Nana kv̄t a yakohmi haya, Chitokaka yvt inla yosh pokoli untuklo ho atokoli akinli cha, tuklo aiya-

kachit tvmaha puta, mikmvt kanima yo ilapo vt ai ona hinla kv̄t, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokv̄to laua mv̄hli h̄o, amba na-toksv̄li v̄hleha hak osh chv̄behasishke: yohmi hoka na-waya yvt ai-vlmo-ona ka in Chitokaka ya hv̄sh im asilhhahanchi na na-toksv̄li v̄hleha h̄a i na-waya yvt ai-vlmo-ona ka pit apittashke.

3. Hv̄sh itv̄nowashke: Yakeh! chukfv̄lhpoba ushi yosh nashoba ai itin takla maya ho, ohmichi mak osh pit hv̄chi tihleli li hoke.

4. Tv̄li holisso ai-vlhto, micha bahta, mikmvt shulush aiena ka isht hv̄ch ik ayo kashke: micha hina takla ya hatak nana kia hv̄ch ik aiokpacho kashke.

5. Mikmvt chuka nana h̄o ont hv̄sh chukowa kv̄t nan tikba, Na-nanaiya kv̄t chuka ilv̄ppa ant iba fq-kashke, ahnit hv̄sh mihashke;

6. Mikma na-nanaiya ushi vt yv̄mma anta tukma, nan-isht hv̄sh ila nanaiya mvt ai onituyulashke: amba keyukmv̄no, nan-isht hv̄sh ila nanaiya yvt hv̄chi falama hi oke.

7. Mikmvt chuka yv̄mmak ash inli h̄o ah̄ashwvt, peh nana hoh kia hv̄ch ipetakma, v̄pvt hv̄sh ish-kashke: toksv̄li vt im vlhtoba he ak osh im ai vlhpesa hoka. Chuka vbaiyv̄chit hv̄ch ik itv̄nowo kashke.

8. Mikmvt tvmaha nana h̄o ont hv̄sh chukowa ka, okla hv̄chi aiokpv̄chikma, impa nana hosh hv̄chi tikba talaja hokma, hv̄shpashke.

9. Yohmikmvt abeka yvt yv̄mma ashakma, ho hlakofich̄i: yohmikmvt Chihowa apelhlichika yvt hv̄ch i bilika vl̄vshke, hv̄sh im achashke.

10. Amba tvmaha nana h̄o ont hv̄sh chukowa na ik hv̄chi aiokpachokma, yv̄mmak ash a kolchvt ivt, hina bv̄shkv̄chi puta ka hv̄sh ona cha,

11. Hv̄chin tvmaha i hituk tohbi vt pi a lapali tuk a, hv̄chi o kashofit e kanchishke; yohmi kia Chihowa apelhlichika yato hv̄ch i bilika vla hoka, hv̄sh ithaiya-nashke, hv̄sh im achashke.

12. Yohmi kia nitak yv̄mma fehnakma Sotom vt im ahleka hoh kia pit im vl̄hpisa kv̄t, tvmaha yv̄mma i shahla hi oke.

13. Kolasin ma! na chi palummi mak oke; Bet-saita ma! na chi palummi mak oke; na-fehna puta kvt hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi hvv tok okma, hopaki kash inli ho na-pashi tvnna fohka cha, hituk chubbi anyka binoh-mayvt ilekostinincha hi vt tok oke.

14. Yohmi kia nan ai-vlhpsa nitak okvno Taia, micha Saiton ita-tuklo kvt im ahleka hoh kia pit im vlhpisa kvt, hvchishno a i shahla hi oke.

15. Yohmikma Kapenavm chia hvv shutik ak o ont ish talaia tuk vt, aka ivt ui-okpuloka mak o pit ish a kvnia hi oke.

16. Mikma kvna hosh hvchi haponaklokmvt, vno a a hoponaklo hoke: mikma kvna hosh hvchishno a hvchi shitilemakmvt, vno a sa shitilema hoke: mikmvt vno a sa shitilemakmvt, auct sa kanchi tok a shitilema hoke.

49. Pokoli untuklo yvmmak atuk vt na yukpa hosh falamvt ai vla ma, kaniohmi kak o okla na yukpa he isht ai vlhpesa hatuk a, Chisvs vt im anoli; yohmi mvt Iki vt vlopi puta kia vbanumpa ha im otvninchi ka, pit aiokpa-hanchi mvt, ilap isht a holitopa ahli puta ka anoli.

17. Yvmohmi tuk o pokoli untuklo kash osh na yukpa hosh falamvt ai vla mvt, Chitokaka ma! chi hohchifo pulla kak o nan-isht-ahullo okpulo puta kak kia pim ahtihyvshke, achi tok.

18. Mihma yvmmak ash ot, Setan vt malvtha kvt vba vttvt aka minti chatuk a, chiyuhmi ho pisa li kvno.

19. Yakeh! sinti chilita puta, mikmvt halambia puta aiena ka hvsh a hvhlihinch: micha na tvnvp nan-isht ai im ahli ka ma mominchit a hvsh imaiya chi mak o nan isht aiahlika ya hvch imalishke: yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kvt hvchim antia ilvppak okvno nan ik hvchi yukpo kashke; am-ba hvchi hohchifo puta kvt vba ya a holisso, yvmmak o na hvchi yukpa vlhpesa hoke, im achi tok.

21. Hvshi kanvlli vllhpisa yvmma fehna ma Chisvs vt chukvsh na yukpa mvt, Aki, vba, mikmvt yakni ita-tuklo in Chitokaka ma! na yakohmi puta ka na kostini, micha nan-ithvna aiena kvno ish in luhmi tuk osh, vloši puta hq ish im otvninchi hoka, yak oke, chim aiahni lishke, vllhpiesvshke, Aki ma? yvmmak osh chim vllhpiesa hatuk oka:

22. Nan okluha ka Aki vt svbbak a a fohkishke; yohmi ka kvna hosh Ushi yoka hatak nana kia ik ithano hq, amba Iki vt ak illa hoke: mikmvt kvna hosh Iki yoka kvna kia ik ithano hq, amba Ushi vt ak illa; micha Ushi vt kvna hq im otvninchi mak bano hoke, achi tok.

23. Yohmi mvt nan im aiithvna vhleha a hielu ka pit filema mvt, yvmmak ash bano hq, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kvrt laua hosh hvchishno nana hvsh pihisa ka pisa bvnna tuk osh, ik peso ki tok: micha hvchishno nana hvsh hahaklo ka haklo bvnna tuk osh, ik haklo ki tok o, hvchim anoli lishke, achi tok.

50. Chisvs vt nan-vllhpisa ithvnanchi hatuk a vba-yakni hina ya isht it im anumpuli: yohmi hosh hatak achukma Samalitan vt mintit aya tuk osh kaniohmi tok nan-isht vllhpisa yvmmak o, ilapvt in chuka panta hatak puta ka isht ithana he mak o isht im anumpuli.

25. Yohmi ma yakeh! nan-vllhpisa ithvnanchi achvfa hosh wakayvt hikia mvt, imomaka pisa bvnvt, Nan-ithvnanchi ma! aiokchayvt bilu ya pisa la hi okvto, nanta hq katiohmi la chi cho? achi tok.

26. Mihma yvmmak ash ot, Nan-vllhpisa holisso ha katiohmit a holisso ho? katiohmi hq ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchit hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta

hatak ma ish holitobli *kvt*, chishno akinli chim itilauashke, im achi tok.

28. Mihma *yummak* ash ot, *Ulhpesa*, ish miha *mvlhlishke*: *ilvppak* o ish *yvmihchashke*: *yohmi* *hokmak* osh chi *okechaya* hi oke, im achi tok.

29. *Yohmi* *kia* *yummak* ash ot il ai *achukmali* *bynna* *kvt*, *Chisvs* ash, *Yohmi* ka *kvt* hak osh an *chuka* panta hatak o? im achi tok.

30. Mihma *Chisvs* ash ot *afalaminch* *mv*, *Hatak* *achvfv* *Chelusalem* *vttvt* *Cheliko* ia tuk osh, hatak *hvkopa* *vhleha* ont iba *chukowa* na i *nafohka* ya im *apoyua* cha, *issikkopalit* *boyuli* na illa *hosit* *itonla* ho, *issvt* *ilhkoli* tok.

31. *Atuk* o *yakohmi* tok; na-holitompa isht *vtt* *yosh* *hina* *yumma* *minta* he mak *yuba* tuk osh, *yummak* ash ant *pisa* *mv*, *apakfompvt* *hina* in *tvnnvp* o ant ia tok.

32. Mihma *Lefait* hatak ak *kia* *yummak* ash *vlvt* ant *pisa* *kia*, *yummak* ash inli ho *apakfompvt* *hina* in *tvnnvp* o ant ia tok.

33. *Amba* *Samalitan* hatak osh *nowvt* *aya* tuk osh, *yummvt* ai *itola* *kash*, *vlvt* *pisa* *mv*, i *nukhaklo* tok.

34. *Mihmv* ai-itola *kash* *vla* cha, ai *okpunlo* tuk a *na-bila*, *micha* *okapaki* *aiena* ka isht *ahvmm*, *afohlit* in *tahli* cha, *ilap* im *isuba* *hatuk* ash o *bini-lechit* isht *ayvt*, *a-foha* *chuka* yo isht *ona* cha, *apesvchi* tok.

35. *Atuk* osh ont *onna* ma ia *chi* *mv*, *iskvli* tuklo ka ishit *kohchit*, *afoha* *chuka* *apesvchi* *yash* *ima* *mv*, *Ilvppa* ish *apistikelashke*: *micha* *atampa* *kvt* *kaniohmi* *hosh* *chi* *kvn*ia tuk mak *heno*, *falamvt* *aya* *likmv*, *chim* *atobbi* *lashke*; im achi tok.

36. *Yvmohmi* ka *tuchina* *ilvppa* *katima* *kak* osh hatak *hvkopa* *vhleha* ont im isht *kanvpa* tuk a in *chuka* panta hatak *vt* tok o, *chim* *ahoba* cho? achi tok.

37. Mihma *yummak* ash ot, I *nukhaklo* tok á, achi tok. Mihma *Chisvs* ash ot, Ia cha, *chishno* *mv* *yummak* inli ho ish *chohminchashke*, im achi tok.

51. Chisvs vt Mahla in chuka ya ont chukowa: yohmi mvt Mahla vt yakni paknaka nana a kaniohmi puta ka isht il a takalami ka nan isht i miha: yohmi mvt Meli ak okvto ilap shilombish ak o nan-isht im anukfihinla ka ahninch.

38. Atuk osh yakohmi tok; ia hosh okla itvnowvt aya ma, yvmmak ash ot tvmahushi achvfa hō pit chukowa tok: mihma ohoyo achvfa, Mahla hohchifo hosh, aiokpvchit im aboha ya ishit chukowa tok.

39. Mihma yvmma itibapishi hvt Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa hā haklo tok.

40. Amba Mahla vto nan-isht vttā in lauvt isht ik im ai vllhpieso mvt, yvmmak ash o im ai vlv, Chio-kaka ma! sa nakfish vt si apela hi a ik ahno hō, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttā, ish i mihashke, ant im achi tok.

41. Mihma Chisvs ash ot afalaminch mvt, Mahla ma! Mahla ma! nana ka ahalaivt im anukfila isht ik chim vllhpieso kvv chin lauvshke.

42. Yohmi kia nana ai vllhpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTA XI.

52. Chisvs vt nan im aiithvna vhleba hā vba pit anumpuli im abuchi; micha aighli hosh achunanchit vba pit anum-pohonla chi ka, im anukfila apehlvchi kvv, it i kana yatuk vt i kana achvfa yash apelvchi kvv kaniohma hinla, mikma iki yatuk vt im vlla puta ka apelvchi kvv, kaniohma hinla aiena ka, isht im anumpuli.

1. Atuk o yakohmi tok: a kanohmi hō antvt vba pit anumpuli tuk osh ont issa ma, nan im aiithvna

vhleha hā achvsvt, Chitokaka ma! Chani vt nan im aiithvna vhleha hā im avvchi tok a, chohmit pishno ma vba pit anumpuli ka, ish pim avvchashke, im achi tok.

2. Mihma yvmmak ash ot, Vba pit hvsh anumpulikmvt, Piki vba ish binili ma! Chi hohchifo hv holi-topashke. Ish apeshlichika yvt vlashka. Nana ish aiahni ka vba yā a yohmi kv yakni ilvppak ma a yohmi makinlashke.

3. Nitak moma ilhpak vt a pim vhpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma il i kashofi bano hoke: micha anukpvllika imma hokvno ik iba chukowā, chik pim ahno kashke; amba nan-okpulo yā ish pi a hlakofihinchashke, hvsh achashke im achi tok.

5, 6. Mihmvt yvmmak ash ot, Hvsh katima kak osh chi kana hv ashā tuk osh, ninak ilvna hō ayvt ish onvt, A kana hv nowvt āya tuk osh vm vla hō, nana kia itukba ma talali la hi vt ik sv iksho koka, pvaska tuchina ka is sam potashke, ā kana ma! ish im achi;

7. Yohmikma aboha anukaka yā auet ai afalaminchi kv, Chik sv ahchibalo kia, himak ano okhissa vt vvhkama hō, vm vlla vt si apihvt topa hā kahvt māya ka, tani lish chima la he keyushke, auet chim achi,

8. Yohmi tuk kia i kana hatuk ak osh tani cha, ipeta he tuk keyu kia, amba yvmmak ash osh im ahchibvchi fehna kak o tani cha, laua kv kaniohmi hō bvnnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoyokmvt, hvsh ahayucha he: hvsh sokohakma, hvchin tiwa hi oke.

10. Asilhha aiyuha hokvto habena hoke; mikma kvna hosh hoyo hokvto, ahayuchi hoke: micha kvna hosh sokohakma, in tiwa pulla hi oke, hvchim achi lishke.

11. Hvsh kanima kv iki atuk o, ushi vt pvaska im asilhhakma, yvmmak ash tvli yō ima hinla? keyuk-

mvt nuni yo asilhhakma, nuni ahe tuk ash sinti yo ima hinla ho?

12. Yummak keyukmvt, akak-ushi lobunchi yo asilhhakma, halambia ho ima hinla ho?

13. Yumohmi ka hvchishno vt hvchi ai vlhpesa keyu kia, hvchim vlla ya nana achukma puta ka isht ima hokvto hvchim ponna ka, hvch Iki vba binili kv i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

53. Chisus vt nan-isht ahullo okpulo kohchechi: micha kanimi kv, Ilvppvt Beelsebvb ak osh apelhvchi ho, nana kv a fehna yakohmi puta ka yvmihchi hoka, achi hatuk o; yummak okvt yummak-fokalichi fehna hosh anumpuli hatuk a atokowa anoli; hatak vbanumpa yimmi tuk osh issa tok vhleha hv nan im palumma chi isht vlhpisa hosh hieli hatuk o atokowa anoli: mikma kvna hosh Chihowa im anumpa ha im antia hokvto holitopa ka anoli;

14. Mihma yummak ash ot ik anumpulo yo nan-isht ahullo okpulo ya a kohchit anta tok. Atuk o yakohmi tok: nan-isht ahullo okpulo vt a kohcha muno, ik anumpulo ash ot anumpuli tok; mihma okla hv anukhlakancha tok.

15. Yohmi kia kanimi kvto, Ilvppvt nan-isht ahullo okpulo puta i miko Beelsebvb ak o nan-isht ahullo okpulo puta ka ishit kocha weli hoke, achi tok.

16. Mihma inlaka mvto imomaka pisa kv, nan-isht-atokowa kv vba a minta hi a im a hoyo tok.

17. Yohmi kia yummak okvt nana im anukfila puta ka ithana hatuk osh, Apehlichika achvfa kv it a kashapvt ilapo ash inli it im i sanali hokvt, ont aiokpukvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmvt, im apelhlichika yvt katiahmi hosh talaia hinla cho? vno vt Beelsebvb ak o nan-isht ahullo okpulo puta ka ishit kocha weli li ho hvsh miha hoka,

19. Yohmi ka vno vt Beelsebvb ak o nan-isht ahullo okpulo puta ka ishit kocha weli li hokma, hvch

iso vhleha hvto kvta hak o yvmma ishit kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi o nan-isht ahullo okpulo puta ka ishit kocha wihinli li hokma, yohmi hokmuno, Chihowa apehlichika yvt hvchim vla mak oke.

21. Hatak hlampko yosh na-halupa ai im vlhtai-yaha hosh in chuka apesvchi hokvno, nana kvv aiyu-baka hoke.

22. Amba kvllo kvv ilapo a i shahli hosh ant i kohchvt, imaiyachi hokmak osh, i na-halupa ai anuk-chieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno a svb ai achvfa keyu kvv vm i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak a a kohchakmvt, a foha he hoyot haiaka oka ik ai iksho puta ka hlo-pullit aya kia ik ahaycho mvt, An chuka ai vttvt kohchvt a mintili kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia ho, ont pisa hoke.

26. Yohmikmvt shilombish okpulo untuklo inla yvt okpulo kvv ilapo a i shahli ho ont pehlichit vla na, yvmmak ash okla pit abeha cha, aiasha hoke; yoh-mikma hatak yvmma nana kvv ont ai-isht im aiopi kak osh ik achukmo kvv vmmona tuk ash i shahli hoke, im achi tok.

27. Atuk o yakohmi tok; ilvppa anumpohonli moma ho, ohoyo achvfvv okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk a aiena kvto holitovrvshke, im achi tok.

28. Yohmi kia yvmmak ash ot, Ahli, na-yukpa aiahli kvto Chihowa im anumpa ha haklo cha, im antia kak oke, achi tok.

29. Atuk o okla hvv ita hobvt ant a laua fehnvt taha ma, Hatak himonasi asha ilvppvt ai vlhpesa keyushke; nan-isht atokowa okla hoyo; yohmi kia

nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla ha isht ai im atokowa tok a, Hatak Ushi mvt hatak himonasi a sha ilvppa ai in chiyuhmi makinli hi oke.

31. Nana vllhpisa chinto nitak okvno oka-mahli ohoyo miko vt hatak himonasi a sha ilvppa awant hikia cha, atokowvt anumpa onocha hi oke; yvmmak okvto yakni ont ai vhli pilla vttvt minti kv, Solomon isht im a hopoyuksaka ya haklot aya tok okvt, atuk o yakeh! Solomon a imaiya mak osh ilvppa ahan-tvshke.

32. Nana vllhpisa chinto nitak okvno Ninefeh okla hvvt hatak vt himonasi a sha ilvppa iba takla wakayvt hiohmavvt, atokowvt anumpa onocha hi oke: yvm-mak okvto Chonas vt vbanumpa ont isht im anumpo-honli ma, ile kostininchi tok okvt; atuk o yakeh! Chonas a imaiya mak osh ilvppa ahantvshke.

33. Hatak nana ak osh pva ha palali kv a lum-a-ka ho talali chatuk keyu, keyukmvt tanchi isht-vllhpi-sa nutaka yo talali chatuk keyu, amba kva hoh kia ant chukowakmvt tohwikeli ka pisa chi ka, pva ai-o hikia ak o o hilechi chatuk.

34. Haknip a i pva hvvt nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv a chi foyuka yvmmvvt ik okhlelo kashke.

36. Yvmohmi ka chi haknip vt im a kanima kv ai okhlileka iiksho hosh tohwikeli banot alotowa hok-ma, moma kv tohwikelit alotowa kv, pva lua achuk-ma kv chim a tohwikelichi chatuk a a chiyuhma hinla hoke, achi tok.

54. Chisvs vt Falisi o ibai impvt asha hosh, na holissochi vhleha, micha Falisi okla aiena kv̄t nan-ik-ithano, micha nana ka peh ilahobi, mikmvt nana ka ai vhlpesa keyu a puta ka otninchi, yohmi mvt yummak oka nana palvmmi onitula he puta ka atokowa anoli.

37. Yvmohmit anumpohonli moma na Falisi achv̄-fvt, yummak ash ot ont ibai impa hinla ka im ahni tok; mihma ont chukowa cha, impa chi hosh binili tok.

38. Yohmi ma Falisi ash ot pisa mvt, ik impo kisha kv̄t ik ibbechifo ke tuk a, okokko! aiahni tok.

39. Mihma Chitokaka ash osh, Falisi hv̄chia hv̄t isht-ishko micha ampo aiena ka paknaka yokv̄no hv̄sh kashofishke: amba hv̄chi anukaka yv̄to na wehpulli, micha nan ik ai vhlpeso banot isht hv̄chi aloto-vv̄shke.

40. Nan anukfila iksho hv̄chia ma! nana ka paknaka ya ikbi mvt, anukaka yak kia ikbi akinli tok keyu cho?

41. Amba yohmi kia nana hv̄chim asha kv̄t hv̄sh habenv̄chashke: yohmikma yakeh! nana puta kv̄t a hv̄chim vhlpesa bano hoke,

42. Amba Falisi hv̄chia ma! na hv̄chim palvmmi mak oke, m i n t, micha lu, mikmvt haiyukpolo ilai-yuka puta waya it a kashkoa ont ishit pokoli kak osh hv̄chi kv̄nia, mikmvt nana ai-vlhpiesa ka, micha Chihowa holitobli aiena hokv̄no hv̄sh vbanvbli hoka: ilvppak o a hv̄chi yvmohmi hayosh, anonti yummak ma hv̄ch ik a haksecho ka hetuk oke.

43. Falisi hv̄chia ma! na hv̄chim palvmmi mak oke, sinakak puta anukaka aiasha holitopa puta, mikmvt ilhpak a kanchi ai it aiokpv̄chi aiena kak o hv̄chim ai achukma hoka.

44. Na-holissochi vhleha, micha Falisi okla aiena nan-ilahobi hv̄chia ma! na hv̄chim palvmmi mak oke; a-holopi vt otani keyu ho, hatak vt a nowvt vbanopoli kia, yvmv̄t ik akostinincho chatuk a hv̄ch itilau hoka, im achi tok.

45. Mihma nan-vlhpisa ithvn̄nanchi vhleha hv̄t achv̄fvt afalaminchit, Nan-ithvn̄nanchi ma! ilvppa yak

ish achi **kvt** pishno **a** aieninchit nan isht chik pi aho-baloshke.

46. Mihma **yvmmak** ash ot, Nan-**vlhpisa** ithvnanchi **huchia** ma! **huchishno** ak **kia** na **huchim** **palvmmi** mak oke; nana weki shali ka **palvmma** hinla **hq** hatak **a** **hvsh** shalihinchi **mvt**, **huchishno** yak **okvto** nana weki ash **huch** ibbak ushi **achvfona** **kia** ishit **huch** ik **potolo** hoka.

47. Na **huchim** **palvmmi** mak oke: **hopaii** puta ka **huchim** tikba **vhleha** **hvt** **vbi** tok **a** **i** **sepvka** **yo** **hvsh** **ihikbi** hoka.

48. **Huchin** tikba **vhleha** **hvt** **yvmmak** oka aham-bi **mvhli** ma, **huchishno** **vt** **i** **sepvka** puta ma **hvsh** **ihikbi** **kvt**, **huchin** tikba **vhleha** **hvt** nana a **kaniohmi** tok **a** **hvsh** im ahninchit **kvt** isht atokowa mak **o** **hvsh** **ieshi** **mvhlishke**.

49. **Yvmohmi** ka **Chihowa** **i** **hopoyuksaka** yak **kia** yak achi tok. **Hopaii** **vhleha**, **micha** **vbanumpeshi** **vhleha** aiena ka pit in **tihlihinli** **likma**, **kanima** ka **vbikmvt**, **anonti** **issikkopali** aiena he;

50. **Yohmi** na yakni **vt** toba tok **taiyakla** ka **hopaii** **vhleha** im **issish** **vt** **hlatahampa** tok **moyuma** ka, **himonasi** hatak **ahashwa** **ilvppak** **o** im a **hoya** hi oke.

51. **Ebel** **a** im **issish** **vt** tok **a** ai **vhlit** **mihintit** **Sakalaias** **alta** **micha** **tempel** it in **takla** ai **vbi** tok **issish** ak **o** ant ai **vhli** **yvmmak** **o** **himonasi** hatak **aiasha** **ilvppak** **o** im a **hoya** he mak oke, **aiahli** mak **o** **huchi** miha **lishke**.

52. Nan-**vlhpisa** ithvnanchi **huchia** ma! na **huchim** **palvmmi** mak oke; nan-ai-ithvna isht tiwa **ya** isht **hvsh** kanchi hoka: **huchishno** kak **kia** pit **huch** ik **chukowokmvt**, inla **yvt** pit **abeha** **hetuk** **a** **hvsh** **atak-lahamishke**, achi tok.

53. **Ilvppa** puta ka isht im ahanchi **moma** na **naholissochi** **vhleha** **micha** **Falisi** **vhleha** aiena **kvt** a **tushpalechit**, **yvmmt** nana **ilaiyuka** miha **hetuk**, okla **achibuchi** **hq** **fehna** **mvt**,

54. Nana **kia** **itakha** a **kohehvt** miha na **haklot** nan-**vlhpisa** isht **onocha** he **bnna** **hosh** okla im **aiechi** tok.

CHAPTER XII.

55. Nan-ai-ashvchika yvt moyumvt a tohwikeli hokvno ont otrna he bano hatuk oka, Chisvs vt nan-im aiithvna vhleha ha nana ka peh ilahoba he imma hokvno ahah! okla ahna chi ka i miha; micha nana kv̄t a kaniohmi puta hatuk mak o hatak bika ya ik i nukshopa ka he ai vhpesa hoka otrninchī mvt, Shilombish Holitopa yo na mihachit anum-puli hokvno okpulo aiahla he puta ka, im anoli.

1. Yvmohmi ai itin takla ma, okla laua kv̄t atampa fehna hosh itvnaha, yvmohmi cha ilap bika okla it i hvhlihinchī ma, yvmmak ash ot nan im aiithvna vhleha hash, Falisi vhleha im pvska ishit shatvmmi, yvmmv̄t nan-ilahobi yak oka, ik kaniohmi kia ahah! hvsh aiahnashke.

2. Nana kv̄t ompoholmo tuk vt ik wakamo ka he, mikma nana kv̄t luma tuk vt ik otaiyano ka he aiena kv̄t iksho ka hi oke.

3. Yvmohmi hoka nana ho aiokhlilika ya hvsh ai anumpohonli tuk ma, a tohwikeli yo a hakla he; mik-mvt haksobish ont tikelichit abohushi anukaka yo hvsh ai anumpohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, himmakma nana ho a kaniohma he mvt ik im iksho yvmmak okvno hvch ik i nukshopo kashke, hvchim achi lishke.

5. Amba kv̄na ho hvsh i nukshopa he okvno hvchim anoli lashke; Illichi ha mvt, ai-okpuloka ya pit kancha hi vt im vhpiesa yvmmak o hvsh i nuksho-pashke; ahli, Yvmmak o hvsh i nukshohompashke, hvchim achi lishke.

6. Hushi chipunta tahlapi kv̄t si n t tuchina ho ai vlbi chatuk keyu? Yohmi kv̄t yvmmak okvt achv-fona kia Chihowa itikba ya ai a haksi keyu chatuk oke.

7. Yohmi kia hvchishno hvchi pashi puta noshko-bo ai o hieli kak kia moyumvt holhtinvt taha yoke, Yohmi hoka ik hvchi nukshopo kashke; holitopa kvt hushi chipunta laua ka hvsh i shahli hoke.

8. Kvna hosh vno a hatak itikba ya Kilaist oke, si achit si ahninchit tuk ma, mihi yo Hatak Ushi vt Chihowa im enchil puta itikba ai ahninchit, Um antia yoke, achit aiokpvcha he akinli hoke.

9. Amba kvna hosh hatak puta itikba vno a ik si ahniehot, A halaia li keyu, achi tuk ak o, mihi yo Chihowa im enchil itikba ya ik ahniehot ik ahalaiyo ka he oke.

10. Mikma kvna hosh Hatak Ushi a na mihachit anumpuli tuk okvto, i kashofa he; amba kvna hosh Shilombish Holitopa ak o ik ahobalot anumpuli tuk okvto, i kashofa he keyu kvmomi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kvt hvch ik anukfillo kashke.

12. Nana ho hvsh acha he vlpesa ka Shilombish Holitopa ak osh hvshi kanvlli yvmmak fehna akinli ka hvchim anola hi oke, hvchim achi lishke, im achi tok.

56. Chisvs vt yakni paknaka nana a kaniohmi puta kvno nan im apesa tobt ahanta ik bunno; yohmi mvt nan im ai ithvna vhleha hv chukvsh a nan ilaiyuka isht ik asitio ka chi ka, hatak nan in laua yosh nana ai isht ilaiyukvut ahanta tuk o, nan-illi hv ashalika a mokofit ishi tok, nan isht vlpisa ha isht im anumpuli.

13. Mihma okla hash ot achvfv, Nan-ithvnanchi ma! itibapishi li ha ish i miha na, nana kv vltoshowvt pibbak a pi fohka tok a a kashvblashke, im achi tok.

14. Mihma yvmmak ash o, Hatak chia ha, kvta hosh nana hvchim apesa yokma, keyukmvt nana hvchi itakvshkoli yokma, nanta ho sakbi tok oh cho? im achi tok.

15. Mihmvt, Ahah! hvsh aiahni cha, nan in laua bunna ya hvch ik ahalaiyo kashke: hatak vt nana

kvt laua hō il aieshi kak o im ilhfioepak vt takali hō keyu hoke, im achi tok.

16. Mihmvt okla hash nan-isht vllhpisa hō ishit im aumpulit, Hatak nan in laua achvfa hosh im osapa yvt nana waya fehna tok.

17. Mihmvt, Nana a waya puta ka kanima ai ashachi la hi vt ik sv̄m iksho kvto, nanta ka katiohmi la chī cho? achit il anukfilli tok.

18. Mihmvt, Ilvppak o yakohmi lashke; an tan-chi in chuka yak o yuhli lish, chito i shahli hō ikbi lashke: micha yvm̄mak o a nan a waya micha nā hochukma puta ka mominchit ashachi lashke.

19. Mihmvt sa shilombish a, Sa shilombish ma! na hochukma laua kv̄t afv̄m̄mi laua taha he vllhpesa ka achukmalit ushachit chin tablishke; peh nan ik pilesot fohvt, impvt, nan-ishkot, nan isht ish ilaiyuk-pashke, im achi lashke, achi tok.

20. Yohmi kia Chihowa yokvto yvm̄mak osh, Ik hopoyukso chia ma! chī shilombish a falaminchit himak ninak a chim a hoyā chī hoke; yohmikmv̄no nana ish atahli tuk amo kv̄ta hō immi ha chī cho? im achi tok.

21. Yohmi ka kv̄na hosh nā hochukma puta ma ilap inli isht im atahlit ahanta hosh, anonti Chihowa ai imma hokv̄no nana kv̄t im vllhtaiyaha tuk keyu kv̄t yvm̄mak o chiyuhmi hoke, achi tok.

57. Chisvs vt nan im aiithv̄na v̄hleha hā yakni paknaka nana a kaniohmi puta hokv̄no chukv̄sh isht ik anushkunno ka hi a i miha; Chihowa hak o anukehita he, micha hatak shilombish okchaya he ak o nā tikba anukfihinli; yohmik-mvt Chitokaka yvt aya hi a, tikbanli im vllhtaha he puta ka isht im anumpuli.

22. Mihmvt nan im aiithv̄na v̄hleha hash. Yv-mohmi hoka hv̄chi ai okchaya hi a nana hō hv̄sh pa he; mikmvt hv̄chi hakn̄ip ma nana hō hv̄sh fohka hiā anukfillit hv̄ch ik ilbv̄sho kashke, hv̄chim achi lishke.

23. Okchaya kv̄t holitopa kv̄t ilhpak a i shahlik-ma, anonti hakn̄ip vt holitopa kv̄t nā fohka ya i shah-li hoke.

24. Fvla chito puta ka anukfillit ho pesá : yvmmak okvt nana kia hokechi cha vmo hq keyu : mikmvt yvmmak okvt vllhpoyak in chuka, micha kanchak aiena kia im asha keyu hq ; Chihowa ak osh ipeta hoke. Holitopa kvto hushi puta ka katiohmit isht hvsh i shahli hq ?

25. Yohmi ka hvsh katima kak osh anukfihinlit isht ilbvsha kvv hvchi chaha ka kubit achvfa kia hvsh il achakala hinla cho ?

26. Nana kvv moma ik a lauwo hokakma hvsh yvmihcha he keyu kvv, nanta katiohmi hq inla yokak heno anukfillit hvsh pisa cho ?

27. Lilli puta kvv kaniohmit offot hofantit mahaya ka anukfillit ho pesá ; yvmmak okvt toksvilit a hoyubli keyu : anonti nana hq shvnni keyushke : yohmi kia Solomon vt nan isht im a holitopa moma isht a shema kvv ilvppa achvfona kia chohmi tok keyu, hvchim achi lishke.

28. Yohmi ka Chihowa hvv hvshuk himak nitak a kowi ha hiohmaya tuk osh, onna ha apalvska pit vllhpita chi kia, shemvchi kvv yvmihchi kvto, hvchishno a i shahlechi hosh ik hvchi shemacho ka hinla cho ? na yimmi fehna keyu hvchia ma !

29. Yohmi hoka nana hvsh impa he, mikmvt nana hvsh ishka he aiena kvv hvch ik hoyo kashke ; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakni paknaka aiasha kvv hoyo chatuk mak oke : ilvppa chohmi puta ka a hvchi bvna hokvno hvch Iki vt ithana hoke.

31. Yohmi kia amba Chihowa apelihika yak o hvsh hoyashke ; mikmvno ilvppa moyuma kvv a hvchim ibakaha hi oke.

32. Apehlichika ya hvch ima kvv im achukma hoka, chukfvlhpoba aya ik lauwo hvchia mvt, ik hvchi nukshopo kashke.

33. Na hvchim asha kvv hvsh kanchi cha, ilbvsha ya hvsh habenvchashke : tvli holisso i shukcha yvmmak okvt nitak nana ont a sipokna he heyu, na-holitopa nitak nana taiyaha he keyu vt vba itonla ; hukopa nana hosh a ont bilincha he keyu, mikma

shushi mvt okpuna he keyu, yak o isht hvsh il atah-lashke.

34. Kanima yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlltahvt, pula puta mvt hvchin lihimbashke.

36. Yohmikmvt hvchishno ak kia hatak osh i shahli hvvt ohoyo ipetvchi ia tuk osh falamvt vla chi, atuk osh vla cha sokghakma, ashalika in tiwa chi cha, pit hoyo hosh aiasha ho hvsh chiyuhmashke.

37. Chitokaka yvt ayvt vlvvt, okchvt asha na ont pisa ka, tishu vhleha yvmmvvt na-yukpa mak oke: ahli mak o hvchim achi lishke. Ilap ash osh nan isht il ai vskufvchit tahli cha, yvmmak osh impa chi ka binohlechikmvt, wakayvt nan isht im vtta hi oke.

38. Micha ninak, kashapa ont atukla ho ayakmá, keyukmvt ont atuchina ho ayakmá, nana cha yvmohmit aiasha ho ont pisa ka, tishu vhleha yvmmvvt na-yukpa hi oke.

39. Hatak chuka chvfa pehlichu vt in chuka ahanta kvvt hvshi kanvlli vlvpisa kaniohmi kak o hukopa yvt vla hi a akostininchi hokmvt, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mvt, hvchim vlltahashke: yvmmak ahe hvch ik aiabno hvshi kanvlli vlvpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht vlvpisa ilvppa pishno ak okmá, keyukmvt peh moma kak o isht ish im anumpulikmá, nanta cho? im achi tok.

42. Mihma, Yohmi kvno kvta hak osh nan-apesvchi aiahi, mikmvt hopoyuksa achukma aiena tuk o, mihi yo i shahli hvvt ont ai-vlhpiesakma nan-upa hvvt ai immi hahe vlvpesa ka, ipibinta chi ka, ilap in chuka chvfa yash pehlichu ikba chi cho?

43. I shahli hvvt ayvt vla kvvt, yakohmi hosh ahanta na ant pisa ka, tishu yvmmvvt na yukpa mak oke.

44. Ahli mak o hvchim achi lishke: Nana im aasha ka moma apesvchi o ikba hi oke.

45. Yohmi tuk kia tishu yummak ash osh chukvsh anyakaka, A shabli hvvt ai vla he tuk vt vbanvblichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok mvno;

46. Tishu yvmma i shahli hash ot ilapvt yvmma pit hoyo nitak keyu, micha ik akostinincho ai itin takla hvshi kanvlli vlvhpsa fehna ho ayvt vla cha, chanlit ita hokofit, nan ik yimmo vhleha yak o ai iba foyuka chi ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yummak ash ot fahama lava ishit boa hi oke.

48. Amba ik akostinincho hosh nana ka isht a fuma he vlvhpsa ka yvmohmi hokmvto, fahama ik lauwo ho ishit fuma hi oke: Kvno ho lauachit ima tok ma, mihi yo laua ho im a hoyo hi oke: micha kanima ho hatak vt lauachit ibbak fohki tuk ma, mihi yo laua i shahli ho im a hoyo hi oke.

49. Yakni paknaka ya luak o a yo bohyuli la chi hosh aya li tok: atuk osh himonasi ak o lua hatuk bano nana ka ai ahni lishke.

50. Yohmi kia baptismo isht a baptismo la chi kvvrm aasha: yohmi ka yvmmvvt ont ai yvmohma chi takla hokvno a palvmmi fehnvshke.

51. Yakni paknaka ya a nan-ai-yacha chi hosh aya li tok o, hvchim ahoba cho? Keyushke; ita kashkoli kak illa hoke, hvchim achi lishke.

52. Himak pilla ma chuka chvfa ka tahlapit ashvt it a kashapa cha, tuchina kvvt tuklo ka i sanalikma, anonti tuklo kvvt tvchina ka i sanala hi oke.

53. It im a kanimachi cha, iki vt ushi a i sanalikma, anonti ushi atuk vt iki a i sanalikma; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

53. Chisvs vt okla hā, ilap ak osh Kilaist mak atuk a ik akostinincho, micha ai anukchieto keyu aienvt aiasha ka, nan isht i miha ; yohmi Chihowa hā itinanaiya pulla hi a i miha.

54. Mihmvt anonti okla hash, Hvshi ai-okvtulaka hoshontit kohcha na hvsh pisakmvt, ashalika, Umbvt mihintishke, hvsh achi chatuk ; atukma yohmi mvhli chatuk.

55. Micha oka-mahli hosh mahlikma, Lvshpa chishke, hvsh achi chatuk ; atuk ma ont yvmohmi chatuk oke.

56. Nan ila hobi hvchia hoka, shutik micha yakni aiena kv̄t pisa kaniohmi hokv̄no nan isht hvsh ai akostininchi hokak osh, amba katiohmi hō himak okv̄no nana ka hvch ik akostinincho cho ?

57. Ahli, micha nanta katiohmi hō hvchishno akinli kv̄t nana v̄lhpesa kv̄no hvch ik ithano cho ?

58. Nan-v̄lhpesa chi onochi bv̄nna yō awant miko ish im ona chī hosh ish aya kv̄t, takla ya, ai i hlakofi bv̄nna kv̄t ish achunanchashke : yvmmak keyukma chi halv̄llit nan-apesa ya isht chi ai onakma, anonti nan apesa yash ot tishu hā ibbak a a chi fohki na tishu hash ot aboha kv̄llo ya chi fohka hinla hoke.

59. Iskv̄li ont isht aiyopi fehna ka ish atobbi hō keyukmvt, yvmmak oka ish kohcha he keyu hoke, chim achi lishke, achi tok.

C H A P T A X I I I .

59. Chisvs vt hatak nana ho nana palvmmi chinto kv̄t on itula hoka, yvmmak osh nan-ashv̄chi kv̄t inla ya moma i shahli hatuk o kil ahno ka he, amba nana palvmma chi mihinti ileppak oka il i hlakofa chi kv̄t, ile kostininchit il aiasha he ak o pi miha.

1. Yvmma febna ma kanimi kv̄t yvmma asha tuk vt, Pailat vt Kalili hatak issish a vba pit isht okla aiokpv̄chi a ai itaiomi tuk a, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashv̄chi kv̄t Kalili okla ha moma i shahli atuk osh na yakohmi ka isht ai ilbv̄sha tuk o, hv̄chim ahoba cho?

3. Keyushke; amba hv̄chishno ak kia hv̄sh ile kostininchit keyukmvt, hv̄sh moma kv̄t ilbv̄shvt hv̄ch illi akinla chi ka, hv̄chim anoli lishke.

4. Yvmmak keyukmvt Siloam a chuka chaha hi-kia tuk vt auah untuchina ka o kinafv̄t vbi tok a, yvmmak osh nan ashv̄chi kv̄t hatak Chelusalem asha moma ka i shahli hv̄t tok a, hv̄chim ahoba cho?

5. Keyushk; amba hv̄chishno ak kia hv̄sh ile kostininchit keyukmvt, hv̄sh moma kv̄t ilbv̄shvt hv̄ch illi akinla chi ka, hv̄chim anoli lishke.

60. Fik vpi vna he keyu nan isht-vlhpisa ilvppa pulla ho Chisvs vt ile kostininchit isht anumpa tikba takali mak o isht ai iklv̄na im anukfila hosh vnit waya ka e chiyuhma hi a, pi miha.

6. Nan-isht-vlhpisa ilvppakma isht anumpuli tok. Hatak achv̄fa hosh fi k vpi vt osapushi anukaka ya im a hollokchi tuk osh ona cha vni a a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o fi k vpi ilvppa vni a hoyo kvv aya li hosh ak ahayucho bekvshke: chanlit akvchí; nanta katiohmi hq hikivt yakni a ai okpvninchi cho? im achi tok.

8. Mihma yvmmak ash ot afalaminchí mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahli li hayashke.

9. Yohmi na vnit waya hokmvno, vllhpesa: amba keyukmvno, yvmma misha pilla mak o chanlit ish akvchashke, im achi tok.

61. Nitak hullo yo Chisvs vt nan ithvnanchit abanta hosh oboyo ik sitopo ilbusha ya hlakofichi; mihmvt sinakak apesvchi im anumpa ha im ahokofi, micha vba yakni apelihika ya mustet nihi, micha pvska ishit shatvmmichi aiena kak o ishit it apesa.

10. Mihmvt nitak hullo yo yvmmak ash ot nan ithvnanchi hosh sinakak achvfona ka anta tok

11. Mihma oboyo hvv shilombish oppulo nan iksitopochi yvt ai i foka tuk a afvmmi auah untuchina hosh, kochovvt kvnia, kaniohmit il apissalecha he keyu kamohmi hosh anta tok:

12. Atuk o Chisvs vt yvmmak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yvmmak ash o ibbak a ita tuklonchit isht um bitepa tok: mihma yvmmak ash ot mihmakinli hq apissvt taha mvt, Chihowa ha holitobli-chi tok.

14. Mihma sinakak a apesvchi ash ot, Chisvs vt nitak hullo yo hlakofichi ka im okpulo fehna hatuk osh, okla hash, Nitak hanali kak o hatak vt a toksvla he vllhpesa kvto ashvshke: yohmi ka nitak hullo ak ahe tuk keyu; yohmi hoka yvmma ai itintakla kak o ai vlvv hvchi hlakofashke, im achi tok.

15. Yohmi ma Chitokaka yash ot afalaminchí mvt, yvmmak ash, Peh nana ilahobi chia hoke: hvsh moma kvv nitak hullo a chi wak toksvli okmá, keyukmvt chim isuba haksobish falaia okmá, nana kvv ai

ilhþitta yā talakchit hikia tuk a, i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takehit ishi tok a, ilvppvt afvmmi auahuntuchina hatuk a, nitak hullo yā ishit talakchi tuk vt ai i holhtofa he vllhpesa keyu cho? im achi tok.

17. Mihma ilvppa yvmmak achi ma, i sanali vllleha hash ot momvt hofahya tok; mihma nan isht a chinto a puta ka yvmihinchī ka okla hv̄t momvt nā yvkpa tok.

18. Mihma yvmmak ash ot, Chihowa apēhlichika yvt nanta hak o hoyulbā? yohmi ka nanta hak o isht it apesa la chī cho?

19. Mvstvt nini achvfa hō hatak vt ishi cha, im osapushi a pit a pila tok o, offot hofantit mahayvt, iti chito tobtv hikia tok: yohmi na vba hushi puta kv̄t naksish puta ka ant ai o binohonli tok mak o chiyuhmi hoke, achi tok.

20. Mihmv̄t anonti, Chihowa apēhlichika yā nanta hak o isht it apesa la chī cho?

21. Pvska shatvmmichi yō ohoyo hv̄t ishi cha, tanchi pushi isht vllhpisa tuchina hō a yvmv̄slichī tuk o, momvt shatvmm̄it taiyaha tuk mak o holba hoke, achi tok.

62. Kano mosi hosh okchaya hi okmá, nanta chishba ahnit im ponaklo ma, okhissa yvt vllkv̄mv̄t ik kv̄nio kisha takla kak o, okhissa iskv̄tinosi yvmma chukowa bvnna kv̄t achunancha hi a, okla hā i miha.

22. Mihmv̄t tv̄maha puta, micha tv̄mahushi aiena ka hlopullit ayvt nan ithvnanchit, Chelusaleim imma ia hosh aya tok.

23. Mihma achvfv̄t, Chitokaka ma! Achasoa kak illa hosh okchaya hi oh cho? im achi tok.

24. Mihma yvmmak ash ot, Yichina fehnvt okhissa iskitini a chukowa hv̄chi bvn̄nashke; chukowa bvn̄nv̄t pisa kia, nan ik kanihmo ka chī kv̄t laua hoke, hv̄chim achi lishke.

25. Chuka chv̄fa pēhlichī yvt kaniohmi hō waka-yvt, okhissa yā okhishta hama, kocha yā hv̄sh hiohmayvt, okhissa yā sokohvt, Chitokaka ma! Chitokaka

ma! ish pin tiwashke, hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kvt hvchim acha hi oke.

26. Yvmma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tvnaha itin takla ya nana ish ai ithv-nanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai vllhpesa keyu puta ka a yohmi hvchia hv, momvt hvv sa filvm-mashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyu ma hokvto Chihowa apelhichika ya auet aiasha na hvsh pisa he, yvmma fokak mak osh yahayvt noti a vpvvt hvsh aiasha hi oke.

29. Mikma hvshi a-kochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa apelhichika im ai-impv ya ai a binohla hi oke.

30. Mikma Yakeh! isht-aiyopi tuk vt mihi yosh na tikba hi oke, mikma na tikba tuk vt mihi yosh isht-aiyopa hi oke.

63. Chisvs a Helot vt vbi bvna hatuk o, kohchvt kvnia hinla ka, okla im ahni ma, nana hv im achi; anonti Chelusalem vt ont aiokpulokvt taha chi ka, ita konofvt mihinti ka, Chisvs vt tikbanli anoli mvt, ishit yahaya.

31. Mih-nitak fehna akinli ka Falisi kaniohmi kvt ai vla cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yvmmak ash o, Oh ia cha, chula yvmma ont oh im anoli; Himak nitak, micha onna ha aiena kvno nan-isht-ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aiahlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem Chelusalem hopaii vhleha vbi, micha auet chin tibleli tuk a tvli ishit boli chia ma! akaka yosh ushi vhleha ha sanachehi nuta ya pit ai ita-hobi chatuk mak o, chiyukmit chim vlla vhleha ha ita hohombi la he, aiahnili tuk nana kia, hvchishno ak osh vllpesa hvsh ik aiahno ho kuno,

35. Yakeh! hvchin chuka vrt hvchin chuk-illissvt taiyaha mak oke. Yohmi hoka aiahli mak o hvchi miha lishke; Chitokaka i hohchifo mak o aya kvrt holi topvshke, hvsh acha chi ka, ont ai vllpiesa keyukma, hvch ik sa peso ka chi mak oke, im achi tok oke.



CHAPTA XIV.

64. Chisvs vt Falisi hatak o ibai impa; micha nitak hullo nitak o hatak nipi shofohli isht abeka ya hlakofichi: yohmi cha yvmmak okvt ai vllpesa ho yohmi hatuk vt il aneli.

1. Atuk o yakohmi tok; nitak hullo yo impa chi hosh Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kvrt haknip oka atoba ililli ho isht abeka kvrt itikba ya asha tok.

3. Mihma Chisvs ash ot na mihvt, nan-vllhpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vllhpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim isuba haksobish falaia okma, keyukmvt wak toksvli okma, nana kvrt yakni chiluk hofobi o pit itula cha, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afalamincha he keyu ki tok.

65. Chisvs vt nan isht apesvt anumpohonli hosh hatak im anukfila kullo vhleha hvt im anukfila hā akanlosecha hi a, micha nan in laua vhleha hvt ilbvsha ya i kana he aiena ka im abvchi.

7. Mihma im annoa tuk vhleha hvt aiasha holi-tompa kak o hoyot a binohli na pisa mvt, nan-isht vhlpisa hā takalichit,

8. Ohoyo ipetvchi ish aya hi a, kvna hosh chim anoli tuk ma, aiasha holitopa i shahli ka chik binilo kashke; hatak holitopa kvv chishno a chi shahli kia yvmmak ash ot im anoli tuk a hinla hoke.

9. Atuk o chim anoli tuk, anonti yvmma im anoli tuk yvmmak ash ot ita tuklot vla cha, Hatak ilvppak osh ik aiashá, chim achikma, chi hofahyvvt aiasha ik a lauwo kak o ish a binila hinla hoke.

10. Amba chim annoakmvt ivt, aiasha ik a lauwo kak o ish a binili tuk o, nā chim anoli tuk ash ot vlakmvt, A kana hvt chaba i shahli kak o pit oiyá, chim acha hinla hoke: yohmikma chibai impvt maya yvmma ish ai i holitopa he mak oke.

11. Kvna hosh ilefehnvchi hokvto aka ona he; anonti kvna hosh ik ile fehnacho hokvto holitopa hi oke.

12. Yohmi mvt ilapa hoyo tuk ash kia, Tvbokoli impa yokmá, keyukmvt opiaka impa yokmá, nana hō ish ikbi kvv, chi kana vhleha, micha ish itibapishi vhleha, mikmvt chi kanomi vhleha, chin chuka pauta hatak nan in laua puta kia chik hoyo kashke; yvmmak keyukma, ilapo mvt chishno a chi hoyo hinla hoke: yohmikma nana hō, ish yvmihchi tuk a ai itilavit chim vhltoha hi oke.

13. Amba impa chito ish ikbikmvt, ilbvsha, im omokpulo, kinafa, lva aiena kak o ish hoyashke.

14. Yohmik mak osh nā chi yukpa hi oke: yvmmak okvto chishno ma afalaminchit ai itilauechit chi yvmihcha he keyu hoka: hatak vhlpesa illi puta kvv tanik mak o yvmmak atuk a falamvt pit ai itilavit chim vhltoha hi oke, im achi tok.

66. Opiaka impa chito aasha tok isht vlhpisa.

15. Mihma ai ibai impvt maya tuk ash o achvfvvt ilvppa puta ka haklo mvt, Chihowa apehlichika ya pvska ai vpa kak osh mihi hosh na yukpa hi oke, im achi tok.

16. Mihma yvmmak ash o, Hatak achvfa hosh opiaka impa chito fehna ka ikbi cha, lauvt aya chi ka, im anoli tok.

17. Atuk osh opiaka impa ont ai vlhpesa ma, im annoa tuk vhleha hash, Himak ano nana moma kvvt vlhtavshke, ho minti, im acha chi ho, in tishu ha chvffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ummona kvvt, Osapa iskitini yo chumpa li tuk osh, yvmma pisvt ia la he vlhpesa hoke; vno yokvno ik ayo mak kia ba is svm ahna hi a chim asilhha lishke, im achi tok.

19. Mihma inla mvt, Uno vt wak toksvli y o k tahlapi ho, chumpa li tuk osh, ivt kaniohmi hatuk okma pisa la chi hatuk oka, vno yokvno ik ayo mak kia ba is svm ahna hi a chim asilhha lishke, achi tok.

20. Mihma anonti inla hosh, vno vt ohoyo itauwaya li; yohmi hatuk osh aya la he keyushke, achi tok.

21. Yvmohmi ma tishu yvmmak ash ot vla cha, i shahli ha ilvppa puta kash ant im anoli tok. Mihma chuka yvmma pehlichika ash ot im okpulo mvt, in tishu hash, Tushpvt kohchvt ivt tvmaha itin takla hina hochito chipunta aiena ka ayvt, ilbvsha, micha imomokpulo, mikmvt kinafa, micha lva aiena ka pehlichit ilvppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aialhit taha akinli kia, aiasa vt aasha momvshke, achi tok.

23. Mihma i shahli ash ot tishu hash, Kohchvt ivt, haiaka hina bvskvchi, mikmvt kvvti holihta anukaka aiena puta ka ayvt, ilvppa vla chi ka, ish atuspalechi na an chuka vt alota mak inlashke,

24. Im annoa tuk vhleha hatuk yummak amo achvfa kia v̄m opiaka impa ya iskitinosi kia ai v̄pa he keyu mak oke, hv̄chim achi lishke, im achi tok, im achi tok oke.

67. Chisvs a nan im aiithvna e toba chi hokmvt, yummak o e holitobli hatuk mak osh pishno vt ile kaiyanchit, nana fehna hatuk kia il issa hiula hatuk puta ka, yummak okvt nan isht v̄hpisa ilaiyuka h̄o isht a pim av̄chishke.

25. Atuk o okla lawa fehna hosh ap̄hv̄t aya ma, yummak ash ot filema cha;

26. Kv̄na hosh ayvt v̄m v̄la kv̄t, iki, micha ishki, mikmvt tekchi, mikmvt im v̄lla, anonti ilap itibapishi, mikmvt in tek vhleha aiena, mikmvt im ilhfiopak akinli aiena kak kia, i nukkilli keyu hokv̄to, nan v̄m aiithvna ahe keyushke.

27. Micha kv̄na hosh im iti-taiyukhv̄na ya sho-yuli cha, siakaiya keyu hokv̄to, nan v̄m aiithvna ahe keyushke.

28. Hv̄sh katima kak osh chuka chaha ikba he ahni kv̄t, v̄mmona ka aka binilit, Tahli la hinlakmá, nanta cho? ahnit ai-v̄lhtoba he ma hotehmvt ik peso ka hinla cho?

29. Yummak atuk keyukmvt nutaka in tola ya bohli hayosh, anonti atahla he keyukma, yummak atuk ash p̄isa kv̄t momvt isht itukhlakav̄t,

30. Hatak ilv̄ppvt itv̄b̄nnit isht ia tuk ak osh, atahla he keyu ke tuk, acha hinla hoke.

31. Yummak keyukmvt m̄iko nanta ak osh m̄iko inla ȳo it in tanampa chi kv̄t, v̄mmona ka aka binilit, ilapvt tahlepa sipokni pokoli ishi kv̄t, tahlepa sipokni pokoli tuklo pehlichī hosh i kohcha ka, im okafa he v̄lhpesakmá, nana kv̄t ap̄ukfillit ik peso ka hinla cho?

32. Yummak keyukmvt, achvfa yash ot hopaki pilla auet takanli moma kakinli h̄o itin nanaiya ka ahnit, anumpa shali a pit chv̄fficha hinla hoke.

33. Yohmi ka yummak o chiyuhmit, hv̄chishno vt hv̄sh moma kv̄t nana h̄o hv̄chim āsha tuk vt mo-minchit hv̄sh issa keyukmvt, nan v̄m aiithvna hv̄chia hahe keyu hoke.

34. Hvpi vt achukma hoke : yohmi kia hvpi hash ot homi tuk vt kaniakmvt, katiohmi kak osh anonti homa hinla cho ?

35. Yummvt yakni, micha nan i yilhki yakni isht achukmvtli aiena kak kia isht ia im vhlpesa he keyu ; amba hatak vt kocha pit kanchi chatuk oke. Kvna hosh isht haponakla he haksobish vt i hinlikmvt, haklashke, im achi tok.

CHAPTA XV.

68. Chukfulhpoba kvnia nan isht vhlpisa ; mikmvt tvi hvta tushafa kvnia nan-isht-vhlpisa aiena. Nan-isht vhlpisa tuklo ilvppa Chisvs vt, Chihowa hv hatak yoshuba vhleha ha okchalanchi bvna kv katiohmi chatuk ; micha hatak nan ashvchi achvfa hosh ile kostininchichi kia enchil vhleha hv na yukpa chatuk a isht otvnichi.

1. Yvmma foka ma pvblikan vhleha, micha nan-ashvchi okla aiena kv i haponakla chi kv, momvt auet a kanvlli tok.

2. Yohmi ma Falisi vhleha hv micha na-holisso-chi vhleha aiena kash ot lumasit na-mihachit, Hatak ilvppvt nan-ashvchi vhleha hv ilap a ai ibafohka chi ka ahninchit, it ibai impa yoke, achi tok.

3. Mihma yvmmak ash ot nan-isht-vhlpisa ilvppa isht im anumpuli mvt,

4. Hatak hvsh katima kak osh chukfulhpoba tahlepa achvfv im asha tuk osh, achvfv i kvnia hokmvt, pokoli chakali a kocha chakali kash ot yakni haiaka ya maya na issvt, kvnia tuk yvmmak ash o hoyot hikikivt ahayuchik, mak a hinla keyu ?

5. Atuk osh ahayuchikmvt, na yukpvt isht iabv-nali ;

6. Atuk osh in chuka yash vla mvt, i kana vhleha, micha in chuka panta hatak puta ka hoyot itahobi cha, An chukfulhpoba yvt kvnia tuk ash ahayuchi li hoka, na hvsvbai yukpashke, im achi hoke.

7. Yohmi ka yummak inli ho chohmit, Nan-ashvchi achvfa hosh ile kostininchikma, vba ya na yukpa asha kv̄t hatak v̄lhpesa pokoli chakali akocha chakali kv̄t nan ile kostininchī yvt ai imi halaiya he keyu yummak oka i shahla hi oke, hv̄chim achi lishke.

8. Yummak keyukmvt ohoyo nanta hak osh tv̄li hv̄ta tushali pokoli kv̄t im asha tuk osh, tushafa achv̄svt i kv̄niakmvt, p̄la h̄a p̄lali cha, aboha ya b̄v̄shpolit achukmalit hoyot hikikiv̄t ahayuchik mak ahinla keyu?

9. Atuk osh ahayuchikmvt, i kana puta, micha in chuka panta asha tuk aiena kash hoyot itahobi cha, Tv̄li hv̄ta tushafa a kv̄nia tuk ash ot ahayuchi li hoka, na hv̄s sv̄b ai yukpashke, achi tok.

10. Yohmi ka nan-ashvchi achv̄svt ile kostininchikma, Chihowa im enchil v̄hleha aiasha ka na yukpa kv̄t ymma akinli ho chiyuhmi chatuk oke, hv̄chim achi lishke, achi tok.

69. Hatak himita ik hoyoyukso nan isht v̄lhpesa ho Chisvs vt isht anumpuli hosh. hatak nan ashvchi vt ile kostininchī cha, falamvt Chihowa h̄a im ona ka, Chihowa hv̄t ai-okpanchi feh̄vt, halv̄llit ishi cha tuk a otv̄nichī.

11. Mihmvt, Hatak achvfa hosh ushi vt in tuklo tok.

12. Atuk o nakfish ash ot iki a, Aki ma! nana kv̄t v̄mmi hahe tuk ash is sv̄mashke, im achi tok. Mihma nan isht ai okchaya yash o im it a kashv̄bli tok.

13. Mihma yummak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk a puta kash yummak o isht a yopomvt ahantvt kampilvt taiyahli tok.

14. Yohmit mominchit kampilvt tahli ma, yakni ymma hohchv̄so chinto fehna kv̄t a kohcha tok; mihma yummak ash ot nana kv̄t ik im iksho kit isht ia tok.

15. Mihmvt yakni ymma hatak ont iba fohka tok; atuk o yummak osh shukha laua ipeta beka chi ka im osapa puta ka pit chv̄ffichi tok.

16. Atuk o yummak ash ot shukha laua yvt nan-vni ai vpa beka tok yummak o vput kaiya bvnna beka tok: yohmi kia kvna kia yumma ik ipeto beka tok.

17. Atuk o yummak ash ot ont il akostininchi mvt, Aki im ilhtohno vhleha hvt laua kvv katiohmi hosh pvska yvt laua kvv im vllhpesakma, anonti atampa mvt asha chatuk ak o, vno ilvppa a hohchvot svlli cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kvv himak a pilla ma, chiso sa hohchifa he si ahoba keyushke; chim ilhtohno vhleha achvfa kak o is si ai itilauechashke, im achi lashke, achi tok.

20. Mihmvt wakaya cha, iki a im ia tok; atuk osh auct hopaki pilla minti kak inli ho, iki ash osh pit pisa mvt, i nukhaklo cha, chvfvv ivt, yummak ash ikunla ont vbvnaiyvt i svksowa tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvv himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno vhleha hash, Na-fohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;

23. Micha wak ushi ilhpitvt nia ya ilvppa isht vlvv, oh vbi na impvt na-yukpvt kiloh aiashá,

24. Svso ilvppvt illi tuk osh, falamvt okchaya hoke; kvnia tuk osh haiaka hoke. Mihma na yukpvt okla aiasha tok.

25. Yohmi ka ushi akni hvto osapa anta tok: atuk osh minti cha chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit im ponaklo tok.

27. Mihma yummak ash ot, Chi nakfish ak osh vla hosh achukmakvt ayv t vla ho, chiki vt pisa kak osh wak-ushi ilhpitvt nia ya vbi hatuk oke, im achi tok.

28. Mihma yummak ash ot hvshaya cha, ont chukowa ik burno ki tok : yohmi hatuk o iki ash ot kohchvt irt, ont i howa tok.

29. Mihmvt afalaminch i mvt, iki ash o, Inta ! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak ko-bvffoshke ; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt haui puta ai iba fohkvt avvt, nan isht ish ai okchaya he tuk ash isht yopomvt tahli cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yummak ash ot, Svso ma ! nitak moma ka si awant ish ahantvshke, yohmi kvrt nan okluha vm asha kvrt chimmi hoke.

32. Chi nakfish ilvppak okvt illi tuk osh, anonti falamvt okchaya ; micha kunia tuk osh haiaka hoka, impa ikbit na yukpvt il aiasha he vhpesa hatuk oke, im achi tok oke ; achi tok.

CHAPTER XVI.

70. Nan-apesvchi ik aiahlo nan-isht-vlhpisa ; hatak nan isht ai ithvna he puta mak oke.

1. Mihmvt yummak ash ot nan im aiithvna vhleha ha, Hatak nan iu laua achvfa hosh nan-apesvchi vt im anta tok : atuk o yummak ash ot nana immi puta kash isht i yopomvt tahli ho, im annoa cha haklo tok.

2. Mihmvt yummak ash o i howa cha, Katiohmi ho ilvppa isht a chi haklo li cho ? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho ? a shahli hvrt nan ai apesvchi li ash si a kohchechikma, okchahli la he keyukmvt, nan asilhha ma si hofahyvshke.

4. Nan ai apesvchi li ash sa kohchechikma, in chuka yokvno chukowa la hiā okla vm ahna chi ka, nana hō kaniohmi la chi kvto ithaiyana lishke, achi tok.

5. Mihmvt i shahli hā aheka im asha tuk vhleha hash mominchit hoyo mvt, Ummona ka a shahli hō aheka katohmi hō ish in takanli cho? im achi tok.

6. Mihmvt yvmmak ash ot, Na-bila vllhpisa tahlepa achvfa, achi tok. Mihma, Chim aheka holisso hā ishi cha, tushpvt aka binilit, pokoli tahlapi hō takalichí, im achi tok.

7. Mihma anonti inla hō, Mikma chishno vto katohmi hosh aheka yvt chim asha cho? im achi tok. Mihma, Onush vllhpisa tahlepa achvfa, achi tok. Mihma yvmmak ash o, Chim aheka holisso hā ishi cha, pokoli untuchina hō takalichí, im achi tok.

8. Yohmi ma nan-apesvchi nan ik ai vllhpeso ash ot kostini fehnvt yvmohmi hatuk o, i shahli hvvt im ai okpahanchi tok: yakni ilvppa im vlla vhleha hvvt ilap bika nan it im a kaniohmit hopoyuksa kvvt, a nitak i im vlla vhleha hā i shahli hoke.

9. Yohmi ka, Nan-ai-vllhpesa keyu mammon a hvchi kana vhleha ha hiā isht hvsh ikbashke, hvchim achi lishke: yohmi tukma ont hvch ai illikma, ai vttā bilia yā ik chukowá, hvchim aiahna hi oke.

10. Kvna hosh nana kvvt moma ik a lauwo hō aiahli achukma yatuk mvt, nana kvvt ik aiaka kia aiahli achukma akinli chatuk; yohmikma kvna hosh nana kvvt moma ik a lauwo hō aiahli achukma atuk keyukmvt, nana kvvt ik aiaka kia, aiahli achukma chatuk keyu akinli hoke.

11. Yohmi ka nan-ai-vllhpesa keyu mammon a isht a hvch ik aiahlo ke tuk ma, kvta hak osh na holitopa ahli yā hvsh apesvcha hi a hvchi tohna hinla cho?

12. Micha inla yō nana kvvt immi hatuk a isht hvch ik aiahlo ke tuk mvno, kvta hosh nana kvvt chimmi fehna yā chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha,

anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

71. Chisvs vt Falisi vhleha hvv ilap a okla isht yopula ma, nana ka peh ilahobi vhleha hatuk a nan isht i miha.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvv, isht ik imi ahno ki tok.

15. Mihma yvmmak ash o, Hvchishno ak osh hatak itikba ya ai il achukmuli hvchia mak oke: yohmi kia Chihowa hvv hvchi chukvsh puta ka ithaiyanvshke: nana kvv hatak a im a holitopa fehna, Chihowa hvv ai i nukkilli mak oke.

16. Nan-vlhpisa, micha hopaii vhleha i holisso aiena kvv aiashvv mihinti tuk o Chani vt vla tok: yvmmak vt tok takla kvno Chihowa apehlichika yak osh anuhumpa na hatak puta kvv yichinvv pit vlbihihvshke.

17. Michi vba shutik, mikmvv yakni aiena hokvto ont ik ahobot ik ai iksho ka hinla kvv, nan-vlhpisa iskitinosi hvv moma ik lauwo hosh ont ik ai iksho ka hi a ik lauwo ka hi oke.

18. Kvna hosh tekchi a kanchi cha, inla itauwayakmvv, hauv toba hoke; mikma kvna hosh i hatak vt kanchi tok o itauwaya hokmvv, hauv toba hoke, im achi tok.

72. Hatak nan in laua, micha Lasalvs ita tuklo tok nan-isht-vlhpisa.

19. Hatak nan in laua achvfa hosh na-fohka hummakbi hv anonti linen lapushki aiena hv foyuka mvv, nitak moma nan-vpa in chilot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo hosh liahpo bieka hv, yvma i holihta okhissa ya ont boyuli na ituyula tok.

21. Yohmi kvv hatak nan in laua im ai-impv yo boshulli vt a chilofa kak o habenvv vpa ka aiahni hvv

tok; yohmi ma ofi puta nana kia ai vlv̄t liahpo a i holahakshi tok.

22. Atuk ash o yakohmi tok: hatak ilbv̄sha yash ot illi ma, enchil v̄hleha hosh ant isht ivt Eblaham shakba pohloma ka ont fahki tok. Mihma hatak nan in laua yash kia illi cha, holopi tok.

23. Atuk osh yvm̄mak ash osh aiokpuloka ya ont ai issikkopa cha, v̄ba chakali mvt, Eblaham vt hopaki pilla ka auet āsha ma, Lasalvs vt shakba pohloma ka foka na pisa tok.

24. Mihmvt tahpahanlv̄t, Aki Eblaham ma! auet a nukhaklot, Lasalvs a auet chv̄ffichi na ibbak-ushi wishakchi a oka kapv̄ssa ik oka hilechi cha, sasunlv̄sh a ant ik kapv̄ssv̄ll̄: a libbi ilv̄ppa vm a palv̄mmi kv̄t atampa fehnv̄shke, achi tok.

25. Yohmi kia Eblaham ash ot, Sv̄so ma! chi okchaya taklv̄t ish ahanta kv̄t, na hochukma puta ka ish pih̄sa tok: yohmi ma Lasalvs ak kia nana kv̄t a palv̄mmi puta ka pih̄sa tuk a, ish ithaiyanashke: yohmi tuk kia yvm̄mak ash ot himak okv̄no hopohlvt na yukpa ma, anonti chishno v̄to chim a palv̄mmi fehnv̄shke.

26. Micha ilv̄ppak osh ai v̄hli keyu; a hv̄p itin takla ya kolukbi chito fehna hosh bachaya hoke: yohmi hatuk o ilv̄ppa ai asht ia kv̄t tanv̄blit yvm̄ma a chim ona he tuk mak osh, na kanihma he keyu; yohmikma anonti yvm̄ma asht minti kv̄t hlopulli cha pim v̄la he keyu akinli hoke, achi tok.

27. Yohmi ma yvm̄mak ash ot, Yohmi hoka aki ma! yvm̄mak oka aki in chuka ya pit ish chv̄fficha he mak o chim asilhha lishke.

28. Yohmi ka itibapishi li hv̄t tahlapit āsha hoka, atokowa ka ont ai im anoli na ai issikkopa ilv̄ppa yvm̄makmvt ai v̄la yoba ná, achi tok.

29. Eblaham ash ot, Moses micha hopaii puta im anumpa hv̄t in tonla hokvt, yvm̄mak o okla i hapo-naklashke, im achi tok.

30. Yohmi ma yvm̄mak ash ot, Ahah! aki Eblaham ma! illi atuk ak osh achv̄sv̄t ayvt im ona hokmv̄no, okla ile kostininha hinla hoke, achi tok.

31. Mihma yvmmak ash ot, Moses, micha hopaii puta im anumpa ha haklo keyukmvt, illi tuk osh achvft tani mak o, pimmi hi vt anukfoyuka he keyu hoke, im achi tok.

CHAPTA XVII.

73. Chisvs vt nan im aiithvna vhleha hvt ahah! ahni cha, inla ya ik yoshublecho ka he, micha ilap bika yvt nana ka it i kashofa he aiena ka i miha: na yimmi aiahlika yokvt na fehna ka anoli: micha Chihowa ha holitobli kv nana ho ik yvmohmi kia im anukfila mvt akanlosit bieka hia, i miha.

1. Yohmi mvt nan im aiithvna vhleha hash o ik kaniohmi hoh kia nana isht ai ibetvbli okvt iksho ka chi keyu pulla hoke: yohmi kia kuna ho yvmmt isht a tobakma, mihi yosh nan im palvmmi mak oke.

2. Chipunta ilvppa achvfona ka ibetvbli chi hokmvt, ilap ak o ikunla ya tvli chito na botoli ak osh a takanli ho, okhvta ha peh okvchi kak o, vhpesa kv im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish mihashke: mih na yvmmak ash ot nukhaklot ile kostininchi hokma, kashofit ish i kanchashke.

4. Michi nitak achvfa ka untuklo ha chi yoshuba cha, anonti nitak achvfa ka untuklo hayo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlechit ish pi nukfohkashke, im achi tok.

6. Mihma Chitokaka yash osh, Na hvchi yimmi kv mvt vt nihi achvfa ka chohmi hosh hvchi anukfoka hokmvt, bihi vpi ilvppa hakshish fehna ai isht alobavt okhvta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hv̄t im anta tuk vt yakni patv̄ffi hokmá, keyukmvt wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla ?

8. Amba yv̄mmak o keyukmvt; Nana hō opiaka impa la chī ka atahli cha, il ai-vskofv̄chit chin taha cha, nan isht is sv̄m anta na impvt nan ishko aienvt issa li hayo, himmak o impvt nan ish ishkashke, im acha hinla keyu ?

9. Micha yukpa yv̄mmak ash ot nan ai im vlhpisa atuk ash ot yv̄mihchi ma, yak oke! im ahni hō? keyu ka, v̄m ahobv̄shke.

10. Yohmi hoka yv̄mma chiyuhmit hv̄chishno mvt, nana kv̄t a hv̄chim vlhpisa tuk vt mominchit ont hv̄sh a taiyahlikmvt, Nana hō isht ai yukpa hi o keyu tishu pia: nana ka isht il ai vtta hi a pim vlhpesa tuk mak osh e yv̄mihchishke, hv̄sh achi makinlashke, achi tok.

74. Chisvs vt leplosi vbi a hatak pokoli hō hlakofichi; atuk o achvfa illa hosh yv̄mmak kia Samalatan hatak osh falamvt vlv̄t, Chihowa hā ant aiokpv̄chi.

11. Atuk o yakohmi tok: yv̄mmak ash ot Chelusalem ia hosh aya mvt, Samalia micha Kalili aiena ka iklv̄nna hlopullit ia tok.

12. Micha tv̄mahushi achvfa hō ont chukowak fehna, hatak pokoli kv̄t leplosi vbi yosh ant afama cha, mishemanchit auet hieli tok.

13. Mihmvt chitoli hosh okla anumpulit, Chisvs pi shahli ma! ish pi nukhuklashke, achi tok.

14. Mihma yv̄mmak ash ot pit pisa mvt, Oh ia cha, na-holitompa isht asha vhleha hak o ont hv̄sh im ile haiakv̄chashke, im achi tok. Atuk o yakohmi tok: ilhkoli hosh asht aya mvt, okla hlakofi tok.

15. Mihma yv̄mmak ash ot achvfv̄t hlakofi kv̄t ile pisa mvt, falama cha, chitoli hosh anumpulit, Chihowa hā holitoblichī tok.

16. Mihmvt yv̄mmak ash iyi ituma yak o hlipia cha, yak oke! ahnit aiokpv̄chi tok: mih kv̄t yv̄m-mvt Samalatan hatak vt tok.

17. Yohmi ma Chisvs ash ot a anumpuli mvt, Pokoli hosh hlakofi tuk keyu? amba chakali mvto?

18. Falamvt Chihowa ha holitoblichit aya kvrt iiksho ho, amba oklushi inla hatak ilvppak illvshke, achi tok.

19. Mihmvt yummak ash o, Ish wakaya cha, ish iashke; a chi yimmika yak osh chi hlakofichi hoke, im achi tok.

75. Falisi osh, Katiohmi foka hok mak o Chihowa apelihchika yvt vla hinla hoh chishba; ahnit Chisvs a im ponaklo ma, Chisvs ash ot, Chihowa apelihchika yvt hatak chukvsh anukaka ak o fohka hatuk a anoli: micha kvna hosh yummak oka nan isht ik ahno tuk okvto momvt ont ai okpulokvt taha pulla hia, anoli.

20. Yvmohmi ma Falisi vhleha hvrt Chihowa apelihchika yvt, Katiohmi kak o aya hi o? ahnit im ponaklo ma, afalaminchi mvt, Chihowa apelihchika yvt ai im akostininchi ho aya he keyu.

21. Micha Yakeh! ilvppak oke: keyukmvt, Yakeh! yummak oke; achi kak okma, kanimampa he keyu hoke. Chihowa apelihchika yvt hvchi chukvsh anukaka foyuka hoka, achi tok.

22. Yohmi mvt nan im aiithvna vhleha hash o, Hatak Ushi i nitak o achvfalichit pisa ka hvchi bvna fehna kia, hvch ik peso ka hia nitak vt ai ona pulla hi oke.

23. Yohmikma Yakeh! ilvppak oke; keyukmvt, Yakeh! yummak oke; hvchim achikma, nana hi oke. Yohmikmvt ivt hvch ik im onakmvt, hvch ik iakaiyo kashke.

24. Malvtha kvrt shutik nuta ka kanima ho a malvthakachit kohchakmvt, shutik nutaka bakapa tvnvp ma pit on tommy chatuk a, Hatak Ushi i nitak vt ont ai vhlpiesakma, yummak inli ho chiyuhma hi oke.

25. Yohmi kia ik a yvmohmo kisha ka, isht ai assikkopa mvt in laua he; mikma hatak himonasi asha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt Noah vt

ahanta nitak a a kaniohmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vllhpovvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kaniohmi tok mvt, okla impvt, okla nan ishkot, okla na chumpvt, okla na kan-chit, okla na hokchit, chuka okla ikbi aienvt aiasha tok.

29. Yohmi tuk kia Lat vt Sotom a a kohchvt ia nitak fehna ma, luak, micha hituk lakna aiena kvvba ya auet ai umba cha, mominchit vbit taiyahli tok.

30. Yakohmi tok a chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yvmma fehnakma kvna hosh aboha paknaka anta na im vllhpoyak vt aboha anuka asha tuk ma, akowvt apoyvt isht ik aiyo kashke; yohmi ma anonti kvna hosh osapa anta tukmvt, falamvt ik aiyo akinlashke.

32. Lat tekchi vt tok a hvsh ithaiyanashke.

33. Kvna hosh ilap im ilhfiopak okchalinchichi bvna hokvto, kaiyancha he; mikma kvna hosh im ilhfiopak a ik i hullo hokmvt, okchalinchichi hi oke.

34. Ninak yvmma fehnakma topa achvfa ka hatak tuklot kaha tuk ma, achvfa ka ai eshi na achvfa hosh itonla he.

35. Ohoyo tuklo hosh nan it iba botoli hosh ashwa tuk ma, achvfa kash o ai eshi na achvfa hosh anta he.

36. Hatak tuklo hosh osapa ya ashwa tuk ma, achvfa kash o ai eshi na achvfa hosh anta hi oka, hvch im anoli lishke, im achi tok.

37. Mihma okla afalaminchi mvt, Chitokaka ma! katima yak o? im achi tok. Mihma yvmmak ash ot, Kanima yo illi haknip vt ituyulakma; mihi yo osi puta mvt ont ai itahoba he mak oke, im achi tok.

CHAPTER XVIII.

76. Nan apesa ai ahlichu keyu, micha ohoyo i hatak illi nan asilhha achunanchi tok aiena nan isht vlhpisa; hatak vt ik in takobi hosh vba pit anumpohonli kv bilia he ai vlhpesa hatuk a otvnichi hoke.

1. Mihmvt yvmmak ash o, Hatak vt vba pit anumpohonli kv bilia cha, ik in takoba kahe tuk a, nan isht vlhpisa ho isht anumpulit achi mvt,

2. Tumaha ho nan apesa vt ahanta kv, Chihowa ya i nukshompa keyukmvt, anonti hatak ma nan isht ik im ahobo yvt tok.

3. Yohmi ma tumaha yvma ohoyo i hatak illi yosh anta tok; atuk osh yvmmak ash o im ai vla cha, Nan vlhpisa si onochi tuk a nan ahli achukma ka isht is svm ai apesashke, achi tok.

4. Yohmi ma yakosi takla kvno yvmihcha he ik ahno ke tuk osh, amba himmak o nan il anukfilli kv, Chihowa ya i nukshompa li keyu mvt, anonti hatak ma nan isht vm ahomba keyu hatuk nana kia,

5. Ohoyo i hatak illi ilvppvt si ataklaiyami hoka, nan ahli achukma ka isht ai im apesa lashke; yvm-mak keyukma, mihinti bekakmvt, an takobecha hin-lvshke, achi tok.

6. Mihma Chitokaka yash ot, Nan apesa ai vlhpesa keyu vt nana achi tuk a, ho haiyakl6.

7. Yohmi ka Chihowa hv ilap osh ai atokoli tok mak o nitak, micha ninak aiena ka pit in tahpahanla ka, im ile svlaha tuk mak osh, nan ai ahli achukma ka ik im apeso ka hinla cho?

8. Chekosi makinli ho nan ai ahli achukma ka isht ai im apesa hi oka, hvchim achi lishke. Yohmi kia amba Hatak Ushi vt ayakmvt, yakni paknaka ya na yimmi kv asha na pisa hi oh cho? achi tok.

77. Falisi, micha pʙblikan ita tuklo tok nan isht vʙhpisa.

9. Mihmʙt kanimi kʙt ile yimmit, ilap ak osh ai vʙhpesa mak o im ahobʙt, inla aʙsha kʙno ik ahobalo vʙhleha hatuk ash nan-isht-vʙhpisa ilʙppa isht im anumpuli mʙt,

10. Hatak tuklo kʙt vʙa pit anumpula chʙ hosh tempel a pit chukowʙt okla tok : achʙfa kak osh Fali-si okma, achʙfa kʙto pʙblikan vʙ tok.

11. Falisi ash osh hikia cha, vʙa pit isht il anum-puli mʙt, Chihowa ma! hatak inla aʙsha na-wehli; nan ik ai vʙhpieso; haui puta; mikmʙt pʙblikan ilʙppak kia ak chohmo kʙt, yak oke! pit chim aiahni lishke.

12. Nitak hullo achʙfakma kitukla na hullochi lik-mʙt, nan vʙm aʙsha puta kʙt ont ishit pokoli vʙt a kʙnihilʙvshke, achi tok.

13. Yohmi ma pʙblikan ash ot auet mishema yak inli ho hikiʙt, i holhponayo ak kia vʙa chakalinchi keyu hosh, peh ikkishi ak o isso mʙt, Nan ashʙchi sia hoka, Chihowa hʙt is sa nukhaklashke, im achi tok.

14. Yohmi kʙt hatak ilʙppʙt nan im aiahli achuk-ma kʙt achʙfa yash i shahli hosh in chuka ona tok a hʙvchim anoli lishke: kʙna hosh ile fehnʙchikmʙt, aka ona he; mikma kʙna hosh ile akanlosichi hok-mʙt, holitopa hi oka, achi tok.

78. Chisʙs vʙt vʙlla chipunta ya holitoblit ishit sholi; yohmi kʙt nan im aiithʙna vʙhleha hʙt vʙlla chipunta yak o holba hi a, im aʙvchi.

15. Yohmi ma vʙlosi puta kia, yʙmmak ash ot po-tola hinla ka, isht okla im ai vʙla tok: yohmi kia nan im aiithʙna vʙhleha hash ot pisa mʙt, okla im alʙm-mi tok.

16. Yohmi kia Chisʙs vʙto yʙmmak ash o pit hoyo cha, Ulla chipunta vʙt vʙm ai vʙla hi a hʙvsh ahni cha, hʙvch ik im alammokashke; ilʙppak o chohmi hosh Chihowa apehlichika ya aiasha hoke.

17. Ahli mak o hvchim achi lishke; Kuna hosh vlla iskitini ak o chohmit Chihowa apelhichika ya aiokpvchi ho keyukmvt, kaniohmi kak osh yvmma chukowa he keyu hoke, achi tok.

79. Chisvs vt hatak pehlich himita nan in laua yo Kilaist okma, nan laua im asha kak okma, nanta kak osh holitopa kv im i shahli chishba? ahnit imomaka pisa; mihma Kilaist ak o holitobli kv ik lauecho tuk o akostinichi mvt, Chisvs ash ot nan in laua yo sh okchaya he okvno palvmmi ka anoli mvt, anonti kuna hosh ilap ak o holitobli kak osh nan okluha ka issvt aya hatuk okvto, nan isht ai yukpa he in chinta he, miha.

18. Mihma hatak pehlich achvvt im ponaklot, Nan-ihvnanchi achukma ma! nantak o katiohmi li kak osh aiokchayvt bilia yato vmmi ha hinla cho? achi tok.

19. Mihma Chisvs vt yvmmak ash o, Na katihmi ho vno a achukma is si achi cho? achukma kv iksho ho, amba achvfa kak illa, yvmmvt Chihowa ak oke.

20. Nan vllhpisa, Haui ish toba na: Kuna kia ish bi na: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithanvshke, im achi tok.

21. Mihma yvmmak ash ot, vlla sa tomba kash inli hosh ilvppa puta ka holitoblit isht mihinti li tok a ant a himvk vshke, achi tok.

22. Mihma Chisvs vt ilvppa puta ka haklo mvt, Yohmi kia nana achvfa ho isht chik ai onoshke; nana chim asha kv mominchit ish kampila cha, ilbvsha ya ishit it a kvshkoachi, yohmik mak osh vba ya chim ilayak vt asha hi oke; micha ant is siakayashke, im achi tok.

23. Mihma yvmmak ash ot ilvppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna ho Chisvs vt pisa mvt, Nana in laua vhleha hokvto palvmmi fehna nana ho Chihowa apelhichika ya chukowa he;

25. Kamel vt chofak ushi nishkin a hlopulli ka palvmmi kv̄t hatak nan in laua yosh Chihowa apeli-chika chukowa hokv̄no ik lauwashke, im achi tok.

26. Mihma yv̄mma okla haklo mv̄t, Yohmikma kv̄ta hak osh okchaya hinla cho? achi tok.

27. Mihma yv̄mmak ash ot, Hatak okmv̄no nana kv̄t ai yvmohma he keyu kia, Chihowa yak okmv̄no ai yvmohmi hoke, achi tok.

28. Yohmi ma Pita yash ot, Yakeh! Pishno v̄to mominchit il issa cha, e chiakaiya kv̄no, achi tok.

29. Mihma yv̄mmak ash ot okla hash, Ahli mak o hv̄chim achi lishke; Hatak vt Chihowa apeli-chika pulla hatuk mak o in chuka, iki, ishke, itibapishi v̄hleha, tekchi, im v̄lla puta aiena ka a kanima kia issv̄t aya hokv̄to,

30. Yakni ilv̄ppak inli ka nana laua kv̄t yv̄mmak atuk a im ishahli tuk mv̄t, yakni inla mihintikma, ai-okchayv̄t bilia ya ik peso ka hi vt iksho hoke, im achi tok.

30. Chisvs vt ilapv̄t ititaiyukhna ahonahlv̄t illa he, atuk-mv̄t nitak ont ishit atuchinakma falamv̄t tana he, anonti tikbanli anoli.

31. Yohmi mv̄t auah-tuklo kash hoyo cha, Inta! Chelusalem ak o iloh iv̄shke; yohmi ka hopaii v̄hleha hv̄t Hatak Ushi ak o holisso ha isht ai ikbichi tok a puyuta kv̄t ont ai ahla chi hoke.

32. Yv̄mmak oka ishit Chentail okla ibbak fohki na ishit yopulv̄t, itukhlakav̄t hofahyalichit, on tuftua chi:

33. Micha okla fvm̄mi cha, v̄ba chi hoke; atukma nitak ont a tuchinakma falamv̄t tana hi oke, im achi tok.

34. Yohmi ma ilv̄ppa puta ka achi kia okla ik akostinincho ki tok: mihma anumpa ilv̄ppv̄t im a luma na nana kv̄t anumpa tuk ash kia okla ik ithaiya-no ki tok.

81. Chisvs vt hatak nishkin lupa ya hoponayvchi.

35. Atuk o yakohmi tok; yvmmak ash ot Cheliko bilikasi ka vla ma, hatak lupa achvfa kvv hina lapalika yo binilit nan asilhma tok.

36. Atuk osh okla laua vt ont ihiya ka haklo mvt, Katihmi hosh yakohmi cho? achit a ponaklo tok.

37. Mihma, Chisvs Nasalet ai vttta ak osh aya hatuk a, okla im anoli tok.

38. Mihma yvmmak ash ot tahpvlvt, Chisvs, Lewi Ushi chia hvv is sa nukhakhshke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yvmmak o isht i shahlechi fehvvv tahpvlvt, Lewi Ushi chia hvv is sa nukhakhshke, achi tok.

40. Mihma Chisvs vt hikia mvt, yvmmak ash o isht im vla hinla ka miha tok: atuk osh yvmmak ash ot i bilikasi vla ma, im ponaklot,

41. Nanta hak o a chi katimichi la hi a, ish ahni cho? achi tok. Mihma yvmmak ash ot Chitokakama! hoponayo la hi a, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yvmmak ash ot ashalika hoponayo cha, yvmmak ash o iakaiya mvt, Chihowa ya holitoblichitok: mihma okla hvv pisa mvt, Chihowa ya pit aiokpahanchi tok.



CHAPTER XIX.

82. Sakevs vt vbanumpa anukfohka tok a isht anumpa.

1. Mihma Chisvs vt Cheliko ont chukowvt a hlopullit ia tok.

2. Mihma hatak vt pvblikan vhleha pehlichit yosh Sakevs hohchifo kvv, nan in laua hosh anta tok.

3. Atuk osh yummak ash ot, Kvtā hoh chishba? ahni mvt, Chisvs a pisa bvnna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmvt yvm-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisvs ash ot yummak ash o vla mvt, pit vba chakalit yummak ash o pisa cha, Sakevs ma! tushpvt akowá; himak nitak a chin chuka ya anta la chi hatuk oke, im achi tok.

6. Mihma yummak ash ot tushpvt akowa cha, na yukpa fehna hosh yummak ash o ilauet ilap in chuka isht chukowa tok.

7. Mihma okla hvt pisa mvt, momvt lumasit na mihachit, Hatak nan ashvchi yo kak o ont ibai vtta chi hosh ia tuk, achi tok.

8. Mihma Sakevs ash osh kikia cha, Chitokaka yash, Inta! Chitokaka ma! vm ilayak a iklvnnachit ilbvsha ya im issa lishke; yohmi kv̄t hatak nana kia nanasi ka anumpa isht a holabi hosh im ishi li tuk okmvt, yummak atuk a ohmi ushta ko i falamichi lashke, im achi tok.

9. Mihma Chisvs ash ot, Ilvppak kia Eblaham ushi akinli hatuk oka, himak nitak a ai-okchaya vvt chuka ilvppa vlvshke.

10. Hatak Ushi vt okpulet taha tok mak o hoyot okchalinha chi hosh aya tok oka, achi tok.

83. Hatak holitempa hosh miko tobtv ia hosh, in tishu vhleha ha tvli holisso ibbak fohki; atuk osh tvli holisso ash okla kanimihchi tuk vt anola chi ka hoyo; micha i nukkilli vhleha hash na palvmmi onochi.

11. Mihma ilvppa puta ka okla haklo ma, achakalinhchi mvt, Chelusalem a onā he, micha Chihowa apelhichika vvt chekosi otvna hinla ka, okla im ahoba aiena hatuk oka, nan-isht-vlhpisa hō isht anumpuli tok.

12. Yohmi hatuk osh, Hatak holitempa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmvt in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nuk-killi cha, Hatak yvmmak okvno ik pe pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yvmmak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvv hatak achvfa aiyyuka kvv kani-ohmi ho ahayuchi tukma, akostinincha hinla kvv, tishu vhlaha ilvppa tvli holisso ima tok ash, yvmmvv im annoa cha, im ai vla chi ka, apesa tok.

16. Mihma tikba vla kvv, Chitokaka ma! chin tvli holisso weki achvfa tuk ash osh weki pokoli ho isht il ahayuchi li tuk oke, achi tok.

17. Mihma yvmmak ash o, Vlhpesa, tishu chi achukmvshke; nana kvv ik lauwo fehna kia aiahli chi achukma tuk okvv, vmaha pokoli ho ai i shalit ish pehlichia chi kvv a chim vhlpiesashke, im achi tok.

18. Mihma atukla kvv vla mvt, Chitokaka ma! chin tvli holisso weki achvfa tuk ash ot weki tahlapi ho isht il ahayuchi li tuk oke, achi tok.

19. Mihma yvmmak ash kia, Chishno mvt, vmaha tahlapi ho ish pehlichia chi kvv a chim vhlpiesashke, im achi tok.

20. Yohmi ma inla yosh vla mvt, Yakeh! Chitokaka ma! chin tvli holisso weki achvfa kash nanta pvski yo a bonullit bohli li tuk o, yak itonlvshke.

21. Nana ka chishno ak osh ish bohli tuk keyu kia, ish ishi; yohmikmvt ish hokechi tuk keyu kia ish mo chatuk; hatak palvmmi chia hatuk oka chi sa nukshopa tuk oke, im achi tok.

22. Mihma yvmmak ash o, Tishu haksi chia ka chishno chitih a kohcha kak inli ho nan isht chim apesa la chi hoke. Hatak palvmmi sia nana ka vno yak osh bohli li tuk keyu kia ishi li; mikmvt kohchi li tuk keyu kia vnoli chatuk a, ish ithana;

23. Yohmi ho kak osh na katihmi ho an tvli holisso weki achvfa kash tvli holisso a bohli a chik bohlo ke tuk o, vla li kvv vmmi hash a chelichi hosh ak hoyo cho? im achi tok.

24. Mihmvt bilika hiohmaya kash o, yvmma tvli holisso weki achvfa kash oh im ishi cha, tvli holisso weki pokoli ha ishi kak o oh imá, im achi tok.

25. Mihma, Chitokaka ma! yvmmak okvto tvli holisso weki pokoli ka ishishke, okla im achi tok.

26. Kvna hosh ishi hok mak o ima he; amba ik im iksho hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hv i miko la he tuk a, vhlpesa ik ahno ke tuk yvmmak okvno ilvppa isht vla cha, sa tikba ya oh ai vbí, achi tok oke, achi tok.

34. Chisvs vt isuba haksobish falaia himita yo o minilit aya hosh Chelusalem a ont chukowa; okla chinto kv a shakapt kvnia ho ona ma, Falisi vhleha hv ik ahnin-chot anumpuli ma, nan i miha; micha tmaha hash ishit yahaya mvt, ont aiokpulokvt taha chi ka, tikbanli anoli.

28. Micha ilvppa yakohmichit anumpuli mvt, tikba hikvt Chelusalem a pit oiylv ia tok.

29. Atuk o yakohmi tok; Befachi, micha Betani aiena ka auet bilika nvni chaha Alif hohchifo ho vla mvt, nan im ithvna ya tuklochit pit tihleli mvt,

30. Ivt tmahushi hvchi chapaka talaia ka hvsh onashke: yvmma ont hvsh chukowak fehna kv isuba himita hatak vt ik o minilo kisha yosh talakchit hikia na hvsh pisa chi hoke; yvmma hvsh i hotofi cha, isht hvsh lashke.

31. Micha hatak nana hosh hvchim ponaklot, Nanta katiohmi ho hvsh i hotofi cho? achikma, Chitokaka yak osh bvnna hatuk oke; hvsh im achashke, im achi tok.

32. Mihma vhtoka tuk ash ot itiachi mvt, yvmmnana ai i miha tuk ash yohmi fehna mvhli ho ont pisvt okla tok.

33. Micha isuba himita yash i hotofi hosh ahashwa ma, yvmmvt immi atuk ash ot, Nanta katiohmi ho isuba himita ya hvsh i hotofi cho? im achi tok.

34. Mihma, Chitokaka yak osh bvnna hatuk oke, achi tok.

35. Mihmvt yvmmak ash o Chisvs a isht im ona ; yohmi ma isuba himita yash anchi puta ka om pulli cha, Chisvs a okla o minilechi tok.

36. Micha ia hosh aya ma, hina ya im anchi puta ka okla pulli tok.

37. Atuk osh yvmmak ash ot ona he Alif nvnih ha pit okvtanowvt mahaya ma, nan im aiithvna vhleha okla chito ash ot moyumvt na fehna puta kvv yvmohmi na okla pihisa tuk vt, na yukvvt chitolit tahpvvt, Chihowa ya pit aiokpahanchi tok.

38. Chitokaka i hohchifo ho aya kvv miko yvm-mvt holitovshke ; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kanimi kvv, Nan ithvnanchi ma ! na chim aiithvna vhleha ha im alvmmi, im achi tok.

40. Mihma yvmmak ash ot afalamинchi mvt, Yakohmi kvv ont yokopa hokma, tvli puta kvv chekosi fehna tahpvvt anumpula hinla hoka, hvch im anoli lishke, im achi tok.

41. Atuk osh bilika ona cha, tvmaha hash pit pisa cha, ishit yaiya mvt,

42. Chishno akinli fehna kvv a chi nitak ilvppa fehna kak kia nana isht chi ai yukpa he ai vlvhesa ka ish ithaiyana tok okbato ; amba himak okvno chi holhponayo ha ai in lumvt kvnia hoke.

43. Chin tvnvp vhleha hvv yakni kullit on talaka holihta kvllo ai ikbichit isht chi a folvblit a chim oktvbli biega na anukakaya ish foyuka hi a nitak vt chim aya hi oke.

44. Yohmikma a chi nowvt aya he nitak a chik ithaiyano ke tuk oka, chishno, mikmvt chim vlla chi anukaka asha aiena ka yakni ak o ai itilauechit aka chi bohla he ; mikmvt tvli achvfona kia it vlvantvt kaha hi a, ik chim ahno ka hi oke, achi tok.

35. Chisvs vt tempel a ont chukowa cha, nan itatoba vhleha maya tuk a kocha pit tihleli: mihmvt na pehlich i vhleha hvt vbi bunna hosh aiasha akinli kia, nitak moyuma nan-ithvnanchi kvt ahanta tok.

45. Mihma tempel a ont chukowa cha, anukaka yvmma nana a kanchi, micha nana a chumpa aiena maya tuk ash kocha pit yuhli mvt,

46. An chuka yvt vba pit ai anumpuli chuka yoke: achi hosh holisso tok okak o, hvchishno yo kvto na hukopa vhleha in chuka yo hvsh ikbishke, im achi tok.

47. Yohmi mvt nitak moma tempel anukaka ya nana im ai abahanchi tok. Yohmi kia na holitompa isht asha pehlich i vhleha, mikmvt na holissochi puta, micha hatak hochitoka vhleha aiena kvt vbi bunnavt aiasha tok.

48. Yohmi kia okla momvt im a haponaklo kvt im achukma fehnvt aiasha hatuk o, nana a kaniohma hinla kvt ik ithaiyano ki tok.

CHAPTER XX.

86. Kanimi kvt, Kilaist kaniohmit isht im ai vlhpesa hosh yvmohmi hatuk vt atokowa anola chi ka, im ahni hatuk o nan anoli.

1. Atuk o yakohmi tok: nitak yvmma foka ma tempel anukaka ya okla nana im avchi, micha vbanumpa isht anumpuli aiena hosh ahanta ma, na-holitompa isht asha pehlich i vhleha, micha na-holissochi vhleha, mikmvt hochitoka vhleha aiena kvt ai it apihvt ant i koheha tok.

2. Mihmvt im anumpulit, Nan-isht ai vlhpesa nana ho ilvppa puta ka isht ish yakohmichi, micha

kvna hosh nan isht ai vhlpesa ilvppa chima tok a ish pim anolashke, achi tok.

3. Mihma yvmmak ash ot afalaminchi mvt, Ūno ak kia nana achvfa ka hvchim ponaklo la chi hoke, mikma is sv̄m anolashke.

4. Chani i baptismo vt vba yak o a minti hokmá, keyukmvt hatak ak o a minti hokmá, nanta hv̄t tok o? im achi tok.

5. Mihma ilap bika nan it im achit maya mvt, Ūba yak o a minti tok; il achi hokma, Nanta katiohmi hō yv̄mma hv̄ch ik i yimmo ke tuk oh cho? acha hinla.

6. Amba anonti, Hatak ak o a minti tok; il achi hokma, Chani vt hopaii vt tok a okla yimmi hatuk okvt, okla momvt tv̄li isht pi bola hinla hoke, achi tok.

7. Mihmvt afalaminchit, Kanimampo kak vt tok a kil ithanoshke, okla im achi tok.

8. Mihma Chisvs ash ot, vno ak kia nan isht ai vhlpesa nana hō ilvppa puta ka isht yakohmichi li hatuk vt ak hvchim anolashke, im achi tok.

87. Hatak osh paka vpi a hollokchi yo toksvli ai vhlpesa keyu yo im pota tok o isht vhlpisa hō Chisvs vt isht anumpuli.

9. Mihmvt nan-isht vhlpisa ilvppa okla hā isht anumpulit isht ia tok: Hatak achvfa hosh pakvpi a hokehit tahli cha, hatak toksvli vhleha hō im pota cha, yakni hopaki hō nowvt aya na ahchiba tok.

10. Atuk osh a waya ont vhlpesa vt taha ma, pakvpi a hollokchi a waya ka okla ipeta chi hō, yvmmak ash ot tishu hā hatak toksvli vhleha hash pit i chvffichi tok: yohmi tok kia hatak toksvli vhleha hash ot yvmmak ash o boli cha, nana iksho hō kanima pit chvffichi tok.

11. Mihma anonti tishu inla hō pit chvffichi tok; atuk o yvmmak ash kia okla bolit hofahyalichi fehna cha, nana iksho hō kanima pit chvffichi tok.

12. Mihma anonti ont atuchina ma pit chvffichi tok; yohmi ma yvmmak ash kia okla bolit ai okpv̄nichi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta hq katiohmi la chi cho? svso a holitopa yak o pit chvffichi lashke: yvmmak okmvno okla pi-sakmvt, holitobla hinla yoba ká, achi tok.

14. Yohmi tuk kia hatak toksvli vhleha hash ot yvmmak ash o pisa mvt, Ilvppak osh immi ha he mak oke; inta! kiloh vbí, atuk mvt nan im ai vlh-toshowa he tuk vt hvvpimmi ha hinla hoke, ilap bika it im achit maya tok.

15. Mihma yvmmak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokchi vt immi hatuk ash ot yvmmak ash o nanta hq katimihcha hinla cho?

16. Yvmmak ash ot ayvt vla cha, hatak toksvli vhleha ilvppak ash vbit tahlikmvt, pakvpi a hollokchi ash inla yq im pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla ha atokolit pisa mvt, Yohmi ka tvli ya chuk-ikbi vhleha hvv shitlema yash o mihi ash inli hosh chukbika nutaka in tola holitopa i shahli hq tovrshke, achi holisso ilvppvt katiohmi hoh cho?

18. Kvna hosh tvli yvmma onitulakmvt, kobahla he; amba yvmmak ash ot kvna hq on itula hokmvt, litolit kaiyancha hi oke, achi tok.

19. Yohmi ma hvshi kanvlli vlhpisa yvmmak fehna ka na-holitompa isht asha pehlichí vhleha, micha na-holissochi vhleha aiena kvv, yvmmvt nan-isht-vlhpisa ilvppa ilap ak o isht anumpuli hatuk a okla akostininchi hatuk osh, yvmmak ash ishi bvna hokak osh okla hak o i nukshopa tok.

88. Iskvli itvnali vt Sesa ak o im itahoba he ai vlhpesa hatuk a Chisvs vt otvninchi.

20. Mihmvt okla apesvchi beka; yohmi mvt hatak vlhpesa ilahobi cha, yvmmak ash ilap im anumpa akinli hq ai isht onochi: yohmi hokmak osh yvmmak ash ishit hatak pehlichí ibbak a ont fohki na nana im apesa hinla ka, na pisa vhleha ha tohno tok.

21. Mihmvt yvmmak ash ot okla im ponaklot, Nan ithvnanchi ma! nana kvv ai-vlhpiesa hq ish

miha, mikmvt ish ithvnanchi, yohmi kvt hatak mvt a chim it i shahshohli keyu, amba Chihowa i hina ai ahli mak o ish ithvnanchi chatuk a il ithaiyanvshke.

22. Noshkobo isht chumpa tvli holisso a Sesa yak o ima he ai vlhsesa hokmá, keyukmá, nanta cho? pit achi tok.

23. Yohmi kia yvmmak ash ot okla nan-ilahobi ka akostininchi hatuk osh, Nanta katiohmi ho imomakachit hvs sa pisa cho?

24. Iskuli a oh a haiakvchi. Kvt hak o holbvt toba ho, mikmvt kvt ho a hohchifo ho? im achi tok. Mihma afalaminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kvt Sesa yak o ai immi hokma Sesa yak o hvsh imashke; mikma nana kvt Chihowa yak o ai immi hokmuno Chihowa yak ashke, im achi tok.

26. Yohmi ma okla itikba ya im anumpa ha ai isht onocha he keyu mvt, yvmvt nana miha ka anukhlakancha cha, nana ik acho ki tok.

89. Chisvs vt hatak illi falamvt tana he ilvppa Satusi okla ha isht it im anumpuli mvt, anumpa ha i kobvffi, yohmi ma i nukkilli vhleha hatuk vt nana a miha he iksho tok.

27. Yohmi ma Satusi vhleha kanimi kvt, Illi yvt falamvt tana he keyu, achi chatuk osh im ai vla cha, im ponaklot,

28. Nan-ithvnanchi ma! hatak nana kia itibapishi hvvt illi kvt tekchi vt asha hosh, vlla yvt iksho ho illi hokma, itibapishi hatuk ak osh tekchi atuk a ilauei cha, itibapishi hatuk a vlla isht im ai ikba hi oka, Moses vt holissochit pi bohli tok.

29. Yohmi tok o itibapishi hvvt untuklo hosh asha tok: atuk o akni ak osh ohoyo itauawa tuk osh, vlla yvt iksho ho illi tok.

30. Mihma atukla kash ot yvmmak ash ilauei tuk osh, anonti vlla yvt iksho ho illi tok.

31. Yohmi ma ont atuchina kash ot ilauei; yohmi tok o ont ishit untuklo kash kia yvmmak ash inli ho chohmit ilauei; yohmi kvt vlla kia iksho ho illi tok.

32. Ont isht aiyopi fehna ma ohoyo kash kia illi tok.

33. Yohmi ka untuklo kash ot yvmma tekchi ikbit ilauei tok okvno, illi yvt falamvt tanikma, katima kak o tekchi mak ahi oh cho? achi tok.

34. Mihma Chisvs vt afalaminchit, Yakni ilvppa vlla yokvto itauwaya, mikmvt vllhpovrchit itauwa-vrchishke,

35. Amba yakni yvmma pisa he, micha illi tok vt falamvt tana he aiena kvv ai im vllhpesa tuk yvmmak okvto itauwaya he keyu, micha it im apovrchit itauwacha he keyu hoke,

36. Mikmvt himmakma illa he keyu; yvmmak okvt enchil vhleha hak o ai itilau hokvt, micha falamvt tani tok okla hokvt Chihowa im vlla mak oke.

37. Illi yvt tana he, Moses ak kia bvfaha anyukaka ya ai otvninchi mak osh Chitokaka yvt Eblaham in Chihowa, mikmvt Aisaak in Chihowa, micha Chakob in Chihowa aiena ka hochihifo tok.

38. Yvmmak okvt illi ak o in Chihowa yo keyu, amba ochaya yak oke; yvmmak o moma kvv ai okchaya hoka, im achi tok.

39. Mihma na-holissochi vhleha kanimi kvv afalaminchit, Nan ithvnanchi ma! vllhpesa fehna ho ish mibvshke, achi tok.

40. Mihmvt yvmmak atuk a i himmakma okla nan im ponaklo kvv nukwia tok.

90. Kilaist vt a katiohmi kak osh Lewi a ushi okmvt, anonti Lewi a in Chitokaka ya hinla chishba? achit Chisvs vt ponaklo tok.

41. Mihma yvmmak ash ot okla hash, Katiohmi ho Kilaist vt Lewi a Ushi okla achi cho?

42. Mihma Lewi vt ilap inli kvv ataloa holisso ha, Chitokaka yvt an Chitokaka ya. Svbbak isht-impakimma ya ish binili na.

43. Chin tvnvp vhleha ha chiyi yvt ai-o-hikia yo ikbi lashke, im achi tok, achishke.

44. Lewi vt yvmma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im aiithvna vhleha hash,

46. Na-holissochi vhleha na fohka holitopa hofv-loha ho abekvchit itvnowa-bvna, micha ilhpak a kanchi ai it-aiokpvchi yak o, micha sinakak puta anu-kaka ma ai-o-minili holitopa i shahli puta kak o, mik-mvt impa chito asha ka aiasha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpulli, micha peh ilahobi kvv vba pit anumpuli aiena kvv falaiachi vhleha ha ahah! hvsh im aiah-nashke; yvmmak okvto na palvmmi chito i shahli ho pisa he mak oke, im achi tok.



CHAPTA XXI.

91. Ohoyo i hatak illi yosh Chitokaka ya na katinosi pit isht aiokpvchi ho, Chisvs vt ahninchhi fehna.

1. Mihmvt vba chakalit hopokoyo mvt, hatak nan in laua vhleha hvv tvli holisso a-bohli holitopa yo in tvli holisso ya pit a pittvt maya ho pisa tok.

2. Mihmvt ohoyo i hatak illi ilbvsha yosh ma it tuklo ho yvmma pit apitta ka, pisa akinli tok.

3. Mihmvt yvmmak ash ot, Ahli mak o hvchim achi lishke, Ohoyo i hatak illi ilvppvt moma i shahle-chit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke: amba yvmmak okvto ilbvsha yosh isht ia okchaya he vt in tonla tuk vt lushumit pit abehlishke, achi tok.

92. Tempel vt ont aiokpulo^kvt taha hi a Chisvs vt tikbanli anoli : mihmvt nana kvt ik yakohmo kisha, micha yvmmak fehna aienakma nana kvt isht atokowa, micha nana palvm-mi puta mvt a kaniohma he aiena ka anoli : anonti Chelusalem vt ont aiokpulo kvt taha cha, chukillissvt talaia hia isht anumpuli, micha ilap vt vla chikma, nan isht atokowa puta kvt kaniohma hia anoli.

5. Yohmi ma kanimi kvt tempel vt tvli hochukma, micha na hvlbena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvt ai iksho ka he nitak vt vla hi oke, achi tok.

7. Mihma okla im ponaklot, Nan-ithvnanchi ma ! katiohmi fokak mak o ilvppa puta kvt ai yvmohma hi oh cho ? micha ilvppa puta kvt ont a yvmohma chik ma, nan-isht atokowa nanta hosh otaiyana hi oh cho ? achi tok.

8. Mihma yvmmak ash ot, Ahah ! hvsh ahni cha, ik hvchi yoshubo kashke ; sa hohchifo ha ishit hochifo kvt, Uno ak osh Kilaist sia hoke, achit aya kvt laua hi oka ; ai yohma he nitak vt ik hopakoshke : yohmi kia yvmma hvch ik iakaiyo kashke.

9. Tvnvp asha, micha nana ik it im achukmo fehna ka hvsh haklo kia, ik hvchi nukshopo kashke : yvmma puta kak osh tikbanli ai yvmohma hi oka ; amba ont ishtaiyopi kvt chekosa chi keyu hoke.

10. Yvmma fokakma oklushi achvfa kvt oklushi inla ya itin tanampa he ; yohmikma miko apehlichi achvfa kvt miko apehlichi inla ya it in tanampa hi oke.

11. Yohmikma kanima ai ilaiyukachit yakni vt winakvchi chinta he ; mikma hohchvfo chinto, micha abeka okpulo aiena kvt asha he ; yohmikma nana pisvt ai i nukshopa he fehna, micha nan isht atokowa chinto aiena kvt vba ya anet a haiaka hi oke.

12. Yohmi kia ilvppa puta kvt ik a yvmohmo kisha ka, sa hohchifo pulla hatuk mak o okla hvtt ibbak a hvchi onochi cha, hvch issikkopala he ; yohmi kvt miko vhleha, micha hatak pehlichi a puta itikba

ya isht hvchi ai onvt, sinakak puta isht hvchi ai ona, mikmvt aboha kvlllo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana ho hvsh miha hi vt tikbanli hvch ik anukfillo ka chi kv, hvchi chukvsh ma hvsh il anukfoyukashke.

15. Uno ak osh itih, mikmvt im anukfila hopoyuksa aiena ka hvch ima likma, yvmmak o hvchi nukkilli vhleha hv i sanalit miha, mikmvt a kanimanha he kia iksho ka hi oke.

16. Micha hvch iki, hvch ishki, mikmvt hvsh iti bapishi vhleha, hvchi kanomi vhleha, micha hvch kana vhleha aiena kv hvch ishit, okla ibbak a a hvchi fohka he : mikmvt hvsh kanima mvt, yvmmak osh aiahni ho, hvch illa hi oke.

17. Micha vno sa hohchifo pulla hatuk mak o hatak moma kv isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanlv achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yvmvt aiokpulokvt taha chi ka, a tikonofa ka hvsh ithaiyanashke.

21. Yvmma fokakma Chutea ya aiasha tuk vt nvnih chaha foka pit yihlepakma; anonti yvmma ai iklvna aiasha tuk vt a kocha wihashke; mikma kocha foka tvmahushi maya tuk okvto yvmma pit ik vlbeho kashke.

22. Nana puta holihiso tok vt ont ai ahla chi mak o, ilvppvt na palvmmi chinto kv isht ai im vlhpisa he nitak a hi oke.

23. Amba nitak yvmma foka ho vlla shanli, micha pishinchi aiena hokvto i palvmma he; na komunta chinto kv yakni a ai onituyulakma, vba auct i nukkilli mvt okla ilvppa on itula hi oke.

24. Yohmikma bvshpo falaia yo isht akakoha he; micha yuka tobt oklushi moma ai im ohona he; mikma Chelusalem a Chentail okla hosh aka a hvhlinchi na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kvt aiasha he ; mikma oklushi puta a kaniohmi ik ithanot isht a komunta yvt yakni paknaka ya ai onituyulakma, okhvta oka bvnvtha kvt fohompa he ;

26. Ilvppa puta kvt yakni a ai onituyula chi ka hohoyo tuk vt hatak chukvsh puta kash ot nukshopvt illa hi oke : vba nan isht aiahli ka puta asha kash ot winakahancha hi oke.

27. Yvmma fokakma Hatak Ushi vt nan-isht-aiahalika, micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kvt ont aiahli isht ia, yohmikma a hvchi hlakofa chi kvt a tikonofvt taha hoka, vba pit hopokoyot hvchi noshkobo ha hvsh vba chakalechashke, im achi tok.

29. Mihmvt nan-isht vlvhisa ho okla hash isht im anumpulit, Fik vpi, micha iti puta ka ho pesa.

30. Yvmmvt bokoplit kohcha na hvsh pisakmvt, hvchishno akinli kia toffa vt olanlosi ant takanli ka hvsh ithana chatuk oke.

31. Yohmi kvt yvmmak inli ho chiyuhmit nana ilvppa puta kvt ont aiahli na hvsh pisakmvt, Chihowa apelihchika yvt auet olanlosi vla ka hvsh ithaiyanashke.

32. Ahli mak o hvchim achi lishke ; Himak a hatash ilvppvt ont ik ai ikshot ik kvnio kisha ho, moma ont aiahli ha chi hoke.

33. Uba shutik, micha yakni aiena hokvto ont ik ai iksho kahe ; amba vno vm anumpa puta hatuk vto ont ik ai iksho ka he keyu koke.

34. Micha ahah ! hvsh il aiahnashke ; yvmmak keyukmvt kanima kash inli ho isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hvchi chukvsh ma isht alotvt atupa, yohmi na hvch ik akostinincho ho, nitak yvmmvt ayvt ant hvchi kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpo-
honlit hvsh biliashke : yohmi tuk osh nana kv̄t a ya-
kohma chī puta ka mominchit ai ī hlakofit, Hatak
Ushi itikba yā hiohmaya hi vt a hv̄chi vllhpeshake,
im achi tok.

37. Mihmvt nitak okv̄no tempel anykaka yak o
nana ithvnanchit anta tuk osh, ninak ano kohchvt ia
mvt, nv̄nih chaha Alif nv̄nih hohchifo h̄o ont antvt on
onna tok.

38. Atuk o onnahinli fehna ī haponakla chī kv̄t,
okla hv̄t momvt tempel ā im ai ona tok.

CHAPTA XXII.

93. Chutas Iskaliot vt Chisvs a ishit na-holitompa isht
asha pehlichī vhleha h̄a ibbak fohka chī kv̄t nan it im
apesa.

1. Mihma vbanvblit ont ia achi, p̄vska ik shatvm-
mo impa hv̄t ai on̄a he tok.

2. Yvmohmi ma okla hak o ī nukshopa hatuk osh,
na-holitompa isht asha pehlichī vhleha, micha na-
holissochi puta kash ot yv̄mma kaniohmichit vba
hinla kv̄t akostininchi bahana tok.

3. Yohmi ma Setan vt Chutas Iskaliot hohchifo,
auah-tuklo ka ai iba holhtina hatuk ash ont chukowa
tok.

4. Mihma yv̄mmak ash ot ia mvt, kaniohmichit
ishit ibbak fohka hinla kv̄t, na-holitompa isht asha
pehlichī vhleha, micha kv̄pitv̄ni vhleha aiena ka ont
isht it im anumpuli tok.

5. Mihma okla nā yukpa mvt, yv̄mmak ash tv̄li
holisso ima chī kv̄t im apesa tok.

6. Mihma, Yohma hinla kv̄t miha mvt, okla laua
yv̄t ai iksho ma ataklv̄chit ishit, ibbak ā fohka hinla
kv̄t ai vllhpesa hi ā hoyo tok.

94. Pita, Chani ita tuklo hosh ont ai vbanvblit isht vlhpisa ka atahli ho, Chisvs vt auah-tuklo yash it ibai impa mvt, opiaka na holitopa impa isht vlhpisa ka apesa.

7. Atuk o pvska ik a shatvmmo ka he, micha ai vbanvblit ont ia illa he nitak vt ai ona tok.

8. Mihma Chisvs vt Pita, Chani ita tuklo ka pit tihlelit, Ivt ai vbanvblit ont ia ya hvsh pim atahli tuk o, iloh impashke, achi tok.

9. Mihma yvmmak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! vmaha ha ont hvsh chukowakma, hatak vt lukfi kotoba oka vlhto ho sholi kvrt hvchi afama chi hoke; yvmmak o apihvt aboha kanima yo pit chukowakma, hvsh chukowashke.

11. Mihmvt hatak chuka yvmma ai vtta yatak ash, Nan-ithvnanchi vt, Katima ko ai impa aboha yvt talaia ho, nan vm aiithvna vhleha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yvmmak ash ot vba potvlhpo chito hosh nana ai vlhtaha achukma ho hvchi pisacha chi hoke; yvmmak o hvsh ai atahlashke, im achi tok.

13. Mihma itiachi tuk osh, yvmmvrt nana ai i miha hatuk ash ont ai vlhpiesa na pisvt okla tok; yohmi mvt ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpe-shi auah-tuklo kash ot apiha ho, binili tok.

15. Mihmvt, Ik si ai ilbvsho kisha takla kak osh ai vbanvblit ont ia ilvppa a hvch ibai impa ka ahni kvrt ahani li fehna tuk oke.

16. Himak a pilla ma yvmma ak ai vpo mak o, Chihowa apehlichika yak o ai ishit aiahla chi mak oke, hvchim achi lishke, im achi tok.

17. Mihmvt isht ishko a ishi cha, vba pit aiokpvchi mvt, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apehlichika yvt vla chi mak oke, hvchim achi lishke, im achi tok.

19. Mihmvt pvska ya ishi cha, vba pit aiokpvchi mvt, tushalichi cha, yvmmak ash o ima mvt, Ilvppvt

sa nipi yosh hvchishno yak o ishit hvchi vlhtoba mak oke, ishit hvs svthaiyana chi mak osh ilvppa hvchi yvmohmashke, achi tok.

20. Impvt ai issvchi ma, isht ishko ma aieninchit, Isht ishko ilvppvt nan vlhpisa himona yosh vm is-sish vt hvchishno atuk mak o hlatapa ka isht a toba mak oke.

21. Yohmi kia yakeh ! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokvto ai im vlhpisa tok mak osh yohmi mvhli; amba ishit inla ibbak fohki yvmmak okvto ai im palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho ? ahnit il im asilhhvchit maya tok.

24. Atuk osh anonti, E katima kak osh moma i shahli ha hinla chishba ? ahnit ai ita-chapovt maya tok.

25. Yohmi ma yvmmak ash ot, Chentail okla i miko vhleha hak osh i na-hullo ho tobt, nana ho ahnikmvt, ai i yvmihchi chatuk ; micha yvmma ai i shahlit nan im ai vlhpisvt antak mvt, nana achukmali yo hohchifo chatuk.

26. Amba hvchishno vto hvchi yvmohma he keyu hoke ; mikma kva hosh moma i shahli kvrt hvch ibafoka hokmvt, yvmmak osh himmak o chohmashke ; mikma na pehlichy yokmvt, nan-isht im vttta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo ? ashvt impa kak keyu ? yohmi kia vno vto nan isht im vttta mak o chohmi hosh hvchi ibafoka lishke.

28. Isht ai imomaka se pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Israel hatak isht-ai-unchululi auah-tuklo ka nana hvsh im apihisa chi mak o, apelihchika ya hvch im apesa li kvrt, vno a Aki vt ai vm apesa tok a chiyuhmichi lishke, im achi tok.

95. Pita ya Setan vt ishi bvnna; yohmi kia na-yimmi im anukfila hatuk vt i kvnia chi keyu, amba hituchina hayo ilapa ik ithano chatuk vt miha chi ka, Chisvs vt im anoli.

31. Mihmvt Chitokaka yash ot Saimon, Saimon, Yakeh! Setan vt chishi cha, mvslichit onush o chi-yuhmichi ka bvnna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemvt ish ile kostininchikmvt, ish itibapishi vhleha ha ish hlampkochashke, achi tok.

33. Mihma yvmmak ash ot, Chitokaka ma! aboha kvllo, micha ai-illi aiena ka chi awant ona la hi vt vm vlhtaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvrt iksho ho pit hvchi tihlelili chash, nanasi kia isht ik hvchim ai ono ke tuk a? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishikma, anonti bahta pinak-ai-vlhto ma mihinlashke; yohmi ma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvrt yvmmak ash ot, Nan-vlhpisa ko-bvffi vhleha ho ai iba holhtina tok, achi holisso tok ilvppvt vno ak o ant si ai isht ai ahla chi ka pulla moma hoke; nana kvrt vno ak o svst anumpa tok okvto ont ai vhla chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak oh kia vlhpesa hoke, im achi tok.

96. Nana kv̄t im a palv̄m̄mi, micha v̄ba pit anumpohonlit osapushi anukaka yā anta; micha im anumpeshi v̄hleha ahah! ahna h̄iā, isht im anumpuli.

39. Mihm̄vt yv̄mmak o yohmi chatuk okv̄t, kocha ia m̄vt, Alif n̄v̄nih chaha yā ona ma, nan-im aiithv̄na v̄hleha hash kia iakaiya tok.

40. Mihma yv̄mmak ash ot yv̄mma ont anta m̄vt, A yoshuba yā hv̄ch ik iba chukowo ka ch̄i kv̄t v̄ba pit hv̄sh anumpohonlashke, im achi tok.

41. Mihm̄vt ai i filv̄m̄mit tv̄li bohpoa ont ai itola ho tuk ohmi foka h̄o, ont hv̄chuk bihleptv̄t hikia cha, v̄ba pit anumpulit,

42. Aki ma! v̄lhpesa ish ahni hokm̄vt, isht-ishko ilv̄ppa is s̄a kanv̄llichashke: yohmi kia v̄no ak osh ahni li kak o keyu; amba chishno ish aiahni kak o ai yv̄mohmashke, achi tok.

43. Mihma enchil v̄ba minti kv̄t ant i haiakv̄t hlampkohonchi tok.

44. Mihma im palv̄m̄mi kv̄t a fehna hatuk okv̄t, i shahlechit a chitilv̄t v̄ba pit asilhha tok: mihma laksha kv̄t issish hlatapa chinto aka fohompa h̄o chiyuhmi tok.

45. Atuk osh v̄ba pit asilhha tuk ash ot wakaya cha, nan im aiithv̄na v̄hleha aiasha ka v̄la m̄vt, nukh̄aklo kv̄t nusi tuk osh aiasha na pisa m̄vt,

46. Nanta katiohmi h̄o hv̄chi nusi cho? ai-ashv̄chika yā hv̄ch ik iba chukowo ka ch̄i kv̄t, tanit v̄ba pit oh asilh̄h̄a, im achi tok.

97. Pita yv̄t achv̄falit haksobish a tv̄bli na Chisv̄s vt hlakofichi; yohmi ma Chisv̄s a okla isht ia na n̄a holitompa isht asha pehlich̄i a im ona.

47. Mihma yv̄mm̄vt anumpuli moma h̄o, auah-tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suksowa ch̄i kv̄t Chisv̄s a a tikonofv̄t ia tok.

48. Yohmi kia Chisv̄s ash ot, Chutas ma! n̄a-suksowa hak o Hatak Ushi a isht haksichif ishit inla ibbak a ish fohki h̄oh cho? im achi tok.

49. Mihma apeha atuk ash ot achakvt nana kv̄t a kaniohma hinla ka pisa mvt, Chitokaka ma! b̄vshpo falaia yō isht e fahama chī cho? im achi tok.

50. Mihma achv̄fvt n̄a-holitompa isht āsha pehlichī i shahli in tishu hō fahama cha, isht-impak imma haksobish a tv̄bli tok.

51. Mihma Chisvs ash ot anumpulit, Yvm̄mak okv̄no ant ik a yohmi na hv̄sh aiahnashke, achi tok. Mihmvt haksobish ash im potoli mvt, hlakofichi tok.

52. Mihmvt Chisvs ash ot n̄a-holitompa isht āsha pehlichī v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, N̄a-hukopa yō ayvt i kohcha hō chiyuhmit b̄vshpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anukaka yā ahanta li kv̄no; ibbak nana kia hv̄ch ik sa welo ke tuk; yohmi kia himak okv̄to hv̄chishno, micha ai-okhlilika nana im aiahli aiena ka hv̄chī nitak mak okvt, im achi tok.

98. Pita yvt hituchina hayō Chisvs a ik ithano ka miha tuk osh, i himmak o nukhaklot yahaya fehna, mihma Chisvs a okla ik ahobalot n̄a mihachi.

54. Yohmi ma yvm̄mak ash o okla ishi mvt, isht ivt n̄a holitompa isht āsha pehlichī i shahli in chuka yō ont ishit chukowa tok. Mihma Pita yvt auet i mishemanchit iakaiya tok.

55. Atuk o kv̄sbi aboha ai iklv̄nna ka talaia tuk a ai iklv̄nna ka okla luak ai oti cha, binohlit taha ma, Pita yvt takla binili tok.

56. Atuk o yvm̄mvt luak bilika ont binili ka, ohoyo himita achv̄fvt pisa cha, atokolit pisa fehna mvt, Hatak ilv̄ppak kia yvm̄ma awant aya kamo, achi tok.

57. Mihma ik ithano ilahobit, Ohoyo ma! yvm̄ma ak ithanoshke, achi tok.

58. Atuk o anonti in chekosi ma, inla yosh yvm̄mak ash pisa mvt, Chishno vt yvm̄ma ai achv̄fa chia akinli, achi ma; Pita ash ot, Hatak ma! mihi yō sia keyushke.

59. Atuk o yvmmak atuk a i hvshi kanvlli achvfa foka ma, inla hosh kvllochi fehnvt miha mvt, Ilvppak kia yvmma awant aya yatuk vt aiahli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yvmmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot, nashuka ya isso mvt, kvta hosh chisso ho? akostininchit anoli, achit im ponaklo tok.

65. Mihmvt ik ahobalo fehnvt nan ilaiyuka isht im i sanalit mihachi kvt lauachi tok.

99. Chisvs a ilauelit nan ai apesa ya isht ona na illa chi im vlpisa.

66. Atuk o onmvt taha mak inli ho, hochitoka vhleha, micha na holitompa isht asha pehlichu vhleha, mikmvt na holissochi vhleha aiena kvt itahoba cha, yvmmak ash ilauelit im ai-apesa aboha ya ishit chukowa mvt,

67. Chishno ak osh, Kilaist mak o chia hoh cho? pim anoli, im achi tok. Mihma, Hvchim anoli li mak o, hvchi yimma he keyu.

68. Micha vno mvt na hvchim asilhha li mak o, afalaminchit hvs svm anumpula he keyukmvt, anonti ant ik i hotofa, hvs svm ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak

ash ot, Mihi yō sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh a haklo kv̄t, himmakma nan isht atokowa ka iloh ahna hinla cho? okla achi tok.

CHAPTA XXIII.

100. Chisvs a okla ilauelet Pailat ako isht im ona ma, Pailat ash ot, Chu okla ak osh yv̄mma im ahni fehna hatuk o, Chisvs vt ititaiyukhvna ahonvhla chi ka, im issa cha, Balabbas ak o i hotofi.

1. Mihma okla laua yvt momvt wakaya cha, yv̄mak ash ilauelet Pailat a isht im ona tok.

2. Yohmi mvt, Hatak ilvppvt Kilaist miko yō ile mihvt, Sesa ya noshkobo isht chumpa tv̄li holisso im itahobi chatuk a im alv̄mminehit ahantvt, pim okla talaia ka okpv̄nit ahanta hō, e pisa tuk oke, achit anumpa okla onochi tok.

3. Mihma Pailat vt yv̄mmak ash o im ponaklot, Chishno ak osh Chu okla hā i miko chia mak oh cho? achi tok. Mihma afalaminechi mvt, Mih-mak atuk ish mihvshke, achi tok.

4. Yohmi ma Pailat ash ot, nā-holitompa isht āsha pehlichī vhleha, micha okla puta kash, Hatak ilvppa nan ik ai v̄lhpeso nana kia ak ai akostininehoshke, im achi tok.

5. Mihma okla isht i shahlit a chilitvt, Ilvppvt v̄mmona ka Kalili ak o ai isht ia hosh Chu okla aia-sha ka mominehit a hlopullit nana im av̄v̄chit, okla hā ai okpv̄nehit isht āya hosh ilvppa v̄la hoke, achi tok.

6. Mihma Kalili achi na Pailat vt haklo mvt, Kalili hatak okmá, nanta hatuk ba? achit ponaklo tok.

7. Atuk osh Helot apehlichy yak o ai iba fohka atuk o akostininchi makinli hosh, Helot ak kia ilapvt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka hahaklo ka laua hatuk osh, pisa bvna fehna tok a hopaki tuk; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlichy vhleha, micha na-holissochi vhleha aiena kash ot kvvlochi fehnvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchi cha, yvmmak ash o na-keyukechi fehnvt isht itukhlakavvt ik ahobacho ke tuk: mihmvt na-fohka tohbi holitompa ho fohkachechi cha, falaminchit Pailat a pit i chvffichi tok.

12. Mihma tikba hokvno ai it i nukkilli yoh chatuk ak osh, nitak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichy vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppa okla ha i miko a isht ai i flamohlichy yoke, achi hosh isht hvs svm vla tuk: mihma Yakeh! hvchi tikba ya nana ka ai im asilhha-hanchy li kvv, anumpa isht hvsh ai onochy tuk imma-ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yvmmak o pit hvchi a tihlelily; yohmi ka nana ka isht ai illa he vlhpesa ma a takali keyushke.

16. Yohmi hoka fvmmy lish, i hotofi la chy hoke, im achi tok.

17. Yohmi kvv ai-vbanvblit ont ia impa asha ka achvfalechit ai i hotofa hi a ai vlhpesa hvv tok.

18. Mihma himonna achvfa momvt tahpvvvt, Hatak ilvppa no kanima isht ia cha, Balabbas ak o ish pi kohchechashke, achi tok.

19. Yummak okvt tumaha ha antvt i miko a ik im antio ka chi ka okla ha anukfohkechi, micha hatak vbi aiena hatuk o, aboha kvllo a pit a fohki tuk vt tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvhlvchi, iti-taiyukhana yo ahonvhlchi, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla achilita fehnvt chitolit anumpuli hosh, yvmvvt iti-taiyukhvna ahonvhla hinla ka asihihla tok: mihmvt yvmma, micha na-holitompa isht asha pehlichi vhleha aiena im anumpa hak osh imaiyachi tok.

24. Mihma Pailat ash ot okla hvvt nana asilhha tuk mak o vlhpesa chi ka apesa tok.

25. Mihma yummak o okla asilhha tuk oka, i miko ik im antio ka chi ka anukfohkvrchechi, micha hatak ma vbi aiena hatuk o aboha kvllo a pit a fohki tuk vt tok ash, i kohchichi tok: amba Chisvs ak okvno nana ho okla ahna chi ka, im issa tok.

101. Chisvs vt iti-taiyukhvna ahonvhla chi ho okla isht ia mvvt, Saimon ak osh iti-taiyukhvna ya iba shola chi ka atohno.

26. Mihma yummak ash o kanima isht ivt itvno-wa mvvt, Silinian hatak Saimon osh haiaka vttvt minti ho okla halvllit ishi; yohmi mvvt yummak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava felna kvvt iakaiyvt itvno-wa ma, ohoyo aiena tuk osh yummak ash o isht nukhaklot chitolit yahaya tok.

28. Yohmi kia Chisvs ash ot pit filema mvvt, Chelusalem ushetik hvchia ma! vno ak okvno svstht yayvt nishkin okchi hvch ik hlatvblo kashke: amba

h^vchishno inli kak o isht ile yaiyvt nishkin okchi h^vsh hlatv^blikmvt, h^vchim v^tta aiena kak ashke.

29. Yakeh! v^tlla ik im iksho, micha oshv^tto nana a foyuka keyu, mikmvt i pishik vt n^a pishechi keyu aiena hokv^tto im achukm^vshke, okla acha he nitak vt mihintishke.

30. Y^vmma fokakma n^vnih chaha puta ka, Pi o kinahlⁱ, im achikmvt, n^vnih chipunta ya, H^vsh pi om-pohomashke, achit isht ia hi oke.

31. Yohmi ka iti vt okch^aki o ilv^ppa okla ai y^vmi-chi tuk m^vno, anonti shila yok^vno nanta mak osh a katiohma hi oh cho? achi tok.

32. Yohmi ma hatak haksi tuklo hosh illit okla chi h^o, ai apehalinchit isht aya tok.

102. Chisvs vt iti-taiyukhvna ahonahla ma, hatak hukopa tuklo hosh apihvt iti-taiyukhvna ahonahla ak inli; okla momvt Chisvs a ik ahobalot na mihachi ma, apihvt iti-taiyukhvna a honahla tuk achvfa kamo, Chisvs vt y^vmma takanli moma h^o, i yimmit aiokp^vchi.

33. Atuk osh Kalfali hohchifo y^vmmak atuk ash okla ai v^la mvt, y^vmmak ash, mikmvt hatak haksi tuklo aiena kash ot achvfv^t ibbak isht-impak imma y^o takali ma, anonti achvfv^t v^lhfv^bbeka t^vnnvp o takali h^o, iti-taiyukhvna ya ai ahov^vchlichi tok.

34. Yohmi ma Chisvs ash ot, Aki ma! ish i kashofashke: nana ka kaniohmi kv^t okla ithana h^o keyu hoka, achi tok. Yohmi ma i n^a fohka ya ita kvshkolit mayvt na-shoeli tok.

35. Mihma okla hv^t pisvt hiohmaya tok: mihma hochitoka v^hleha mvt ik ahobalot, Inla ya okchalinchí yatuk okvt, ilap ak osh Chihowa i holitopa Kilaist atuk okmut ilap inli kak osh ik il okchalinchí, achi tok.

36. Mihma tvshka chipota v^hleha ak kia ai im v^lvt, ishit yopulvt, anonti wineka ipeta mvt,

37. Chishno ak osh Chu okla k^a i miko chia hokmvt, ish il okchalinchashke, achi tok.

38. Yohmi ma Kilik, micha Latin, mikmvt Hebilu aiena anumpa h^o isht a holisso kv^t, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvfvrt yvmmak ash ik ahobalot mihachit, Chishno ak osh Kilaist chia hokmvt, il okchalinchichi cha, pishno ma ish pi okchalinchashke, achi tok.

40. Amba achvfa kamo afalaminchit im alvmmmit, Chishno ak kia na chim vlhpisa kvrt a miha achvfa hokak osh Chihowa ha chik i nukshopo cho?

41. Micha pishno ak okvto pim ai vlhpesa ho mvhli; pishno nana il a kaniohmi tuk isht ai vlhtoba he vlhpesa mak o e pisa hoka; amba hatak ilvppak okvto nana ho okprni tuk keyushke, achi tok.

42. Mihmvt Chisvs ash, Chitokaka ma! ish apehlichika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta chi hoke, ai ahli mak o chim achi lishke, im achi tok.

103. Chisvs vt iti taiyukhvna a takalit illi; yohmi ma nana kvrt a fehnvt isht otvni.

44. Yohmi ka yvmmvrt hvshi kanvlli vlhpisa ont ishit hanali foka tok; mihma yakni moma ka ai okhlilit kvnia na hvshi kanvlli vlhpisa ont ishit chakali tok.

45. Yohmi ma hvshi vt okhlili ma, nan-tvna tempel anukaka takali atuk vt iklvnna ita hlilafa tok.

46. Mihma Chisvs vt chitoli hosh anumpuli mvt, Aki ma! sa shilombish a chibbak pit a fohki lishke, achi tok: mikmvt yakohmichit miha mvt, fiopissa tok.

47. Mihma nana kvrt ai yvmohmi na Sintulion vt pisa mvt, Ilvppvt hatak ahli achukma yatuk o pulla mvhlishke, achit Chihowa ya holitoblichichi tok.

48. Mihma okla yvmma pisvt ai itahoba tuk ash ot, nana kvrt ai yvmohmi ka pisa mvt, momvt ilap ikkishi ha isso cha, falamvt ilhkoli tok.

49. Mihma yvmma ai it ithanaka puta, micha ohoyo Kalili a asht ai apehvt minti tuk aiena kash ot mishema ho auet hielit, na yakohmi puta ka pihisa tok.

104. Chosef Alimahlea minti osh Chisvs haknip a asilhhvt ishi cha, hohpi; mihma ohoyo hut na-balama puta hokvno im vltaha tuk akinli kia, nitak hullo yatuk o fohvt maya.

50. Mihma hatak vt Chosef hohchifo nan-apesa, micha hatak aighli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok: ilvppvt Chu okla in tvmaha Alimahlea ok o ai vttta hosh yvmmak kia Chihowa apehlichika ya pit hohoyo yvt tok.


52. Hatak ilvppak ash ot ivt, Pailat a im ona cha, Chisvs haknip a asilhha tok.

53. Micha yvmmak ash ot akvchi cha, na-lapvshki linen o a bonullit sepvka vt tvli yosh kulvt toba ho, yvmma hatak nana kia ik afohko yatuk o fohki tok.

54. Mihma yvmmvt ai atahli nitak atuk o, nitak hullo vt atikonofvt mihinti tok.

55. Mihma ohoyo Kalili a asht ai apehvt aya tuk ash kia, iakaiyvt ilhkoli cha, sepvka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nan-ahama aiena ka atahlit maya tok: mihmvt anum-pa vllpisa yoka nitak hullo yokvno foha tok.



CHAPTER XXIV.

105. Chisvs vt falamvt tani tuk a enchil tuklo hosh ohoyo hash sepvka ak o ai im anoli tuk o, ohoyo hash ot vbanumpeshi vltaha hatuk a ont im anoli kia okla ik yimmo: Pita yvt sepvka ya ia.

1. Atuk osh wek nitak vmmona onnvt okhlilinchihfehna ho na-balama atahli tuk vt ishit, inla ka ai itapihvt, sepvka yash okla ai ona tok.

2. Mihma tvli vt sepvka ya kanima pit tonoli tuk q okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk q yakohmi tok ; okla nana a kaniohmi ik ai ithano fehnvt maya ma, Yakeh! hatak tuklo kv̄t i na-fohka shohmalili hosh itumasi a hinli tok.

5. Mihma okla nukshopvt, aka pit yochonoli ma, yvmmak ash ot, Nanta katiohmi hō okchaya illi aiasha ak q hvsh hoyo cho?

6. Ilvppa ikshoshke ; amba tani tuk oke ; Kalili a anta moma mvt hvchim anoli kv̄t,

7. Hatak Ushi vt hatak nan ashvchi vhleha ibbak a a fohka cha, iti-taiyukhvna ai ahonahla tuk osh, nitak ont atuchinakma falamvt tana hi oke, achi tuk a hvsh ithaiyanashke, im achi tok.

8. Mihma im anumpa hv̄t tok ash okla ithaiya tok.

9. Micha sepvka yash asht falamvt ilhkoli mvt, auah-achvfa kash, micha inla moma aiena ka na ya-kohmi puta tuk ash mominchit ont im anoli tok.

10. Meli Maktalene, micha Choanna, mikmvt Meli Chemis ishki, micha ohoyo inla ka yvmma ape-hvt aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hv̄t annoa ik ahlo yak q ai im itilauī cha, okla ik yimmo ki tok.

12. Mihma Pita yvt wakaya cha, malelit sepvka ya onvt, pit aka chonoli mvt, lin en nan-tvna ak bano hosh asha na pisa cha, ia mvt, nana kv̄t ai yvmohmi tuk ash, okokko! ahni tok.

106. Chisvs nan im aiithvna vhleha tuk vt tuklot Emmavs a itiachi hosh ayvt okla ma, hatak ithana keyu ka ahoba hosh ont afama cha, it im anumpuli cha, ilapak atuk vt im il otvniichi ma, nan-ithvna tuklo yvmmak ash ot falamvt, nan-ithvna auah-achvfa kash ont im anoli.

13. Atuk q tuklo kv̄t nitak mih-makinli ka tvma-hushi Emmavs hohchifo hosh, yvmmv̄t Chelusalem a auet i kowi untuchina foka hatuk q itiachi tok.

14. Mihmvt nana kv̄t ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilhhahanchi kash ot moma ho, Chisvs akinli kv̄t sakki cha, takla aya tok.

16. Yohmi kia ik ithano ke tuklo ka chi ka, nishkin vt mocholi ho chiyuhmi tok.

17. Mihma yvm̄mak ash ot, Ilv̄ppak osh anumpa katiohmi mak o isht it im anumpohonlit hv̄sh aya cha, hv̄sh ilapissa cho? im achi tok.

18. Mihma achv̄vt Kleopas hohchifo hosh afala-minchit; Hatak kanima minti chishno ak hosh Chelusalem a ish anta kv̄t himak nitak chohmi yvm̄ma nana kv̄t a kaniohmi ka chik akostinincho ke tuk oh cho? im achi tok.

19. Mihma yvm̄mak ash ot, Nana nanta ho? achi ma, Chisvs Nasalet hatak nan im a kaniohmi tuk a, yvm̄mak okvt hopaii yosh Chihowa, mikm̄vt okla puta aiena itikba ya nana a kaniohmi, micha anumpuli aiena kv̄t a chinto fehna tuk;

20. Yvm̄ohmi tuk o na-holitompa isht asha pehlichī vhleha, micha pi hochitoka vhleha aiena kv̄t, yvm̄m̄vt illa chi hosh im v̄lh̄pisa chi ka, kaniohmichit ishit inla ibbak a fohki na iti-taiyukhv̄na ahonv̄hlichī tuk.

21. Yohmi kia yvm̄mak osh Israel okla h̄a hlakoficha he tuk mak atuk a pi yih̄immi tuk; yvm̄ohmi tuk kia keyushke; micha yvm̄mak bano keyu, nana kv̄t a yakohmi tuk a himak nitak vt nitak ont ishit atuchi-nv̄shke.

22. Michā anonti ohoyo il ai itapeha tuk a a kanimi kv̄t onnahinli fehna sep̄vlka ya ont maya tuk vt,

23. Yvm̄ma haknip a ik peso hosh ai v̄la m̄vt, anonti enchil m̄vt i haiaka na pisa ma, Yvm̄mak ash ot okchaya hoke, achi tuk achi cha, okla pi nukhla-kv̄shli tuk oke.

24. Yohmi ma il ai itapeha tuk a a kanimi kv̄t sep̄vlka ya ona, yohmi m̄vt ohoyo nana a miha tuk a v̄lh̄pesa ho ont pisa tuk; yohmi kia yvm̄mak amo okla ik peso ke tuk oke, im achi tok.

25. Mihma yvm̄mak ash ot, Im anukfila iksho, hopaii vhleha hv̄t anumpuli tok moma ka chukv̄sh isht yimma he sv̄laha hv̄chia ma!

26. Kilaist vt nā yakohmi puta ka pisa hayosh a holitopaka yā chukowa he vllhpesa hv̄t tok keyu cho?

27. Mihmvt Moses, micha hopaii puta aiena tok ai v̄hli kak q̄ isht ia hosh, Holisso Holitopa yā a mōminchit ilāp a isht ai annoa ka achukmalit im anohonli tok.

28. Mihma tvmahushi itiachi yvmmak atuk ash ot itonachā hosi tok; yohmi ma yvmmak ash ot ont ia hinla ka, ile chohmichi tok.

29. Yohmi kia im achilitvt fehnvt oklv̄t, Nitak vt shohbit ont opiv̄t mahāya hoka, pī tākla ish antashke, achit okla tok. Mihma tākla anta chī hosh ont chukowa tok.

30. Atuk q̄ yakohmi tok; yvmmak ash ot tākla impv̄t binili mv̄t, pvska yā ishi cha, v̄ba isht aiokpv̄chi mv̄t, tushtolit, yvmmak ash q̄ ipeta tok.

31. Mihma nishkin vt i fatumvt okla cha, yvmmak ash ithanvt okla tok; yohmi ma yvmmak ash ot i holhponayo hā ai i kv̄ninihya tok.

32. Mihma, Ilvppvt takla yā a pim anumpuli, micha Holisso Holitopa aiena ka achukmalit a pim otv̄ninchī ma, pī chukv̄sh vt libisha tuk keyu? it im achi tok.

33. Mihmvt hv̄shi kanv̄lli vllhpisa mih-makinli hō wakaya cha, falamvt Chelusalem a it v̄lachi mv̄t, auah-achv̄fa kash ot, micha ai itapeha tuk aiena kv̄t, itv̄naha mv̄t,

34. Chitokaka yvt falamvt tani pulla mv̄hli tuk osh, Saimon a i haiaka kv̄no, achit māya hō ant pisvt okla tok.

35. Mihmvt yvmmak ash osh hina takla yā nana kv̄t a kaniohmi tuk, micha yvmmvt pvska tushalichit ashvt kaniohmit im otaiyani tuk aiena kash anolit okla tok.

107. Nan im aiithvna vhleha hatuk vt chiya moma na Chisvs vt itintakla ant hikia cha, ilap ibbak, iyi aiena ka i haiakahanchi mvt, ibai impa; yohmi cha Chelusalem ak o vmmona ka ai isht ia hosh vbanumpa ya okla isht anum-pula chi ka, im apesa.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kvv hvchinni hashke; im achi tok.

37. Yohmi kia yvmmak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? micha, Na katihmi ho hvchi chukvsh anukaka ya na hvchim anukfila anuktuklo kvv takali cho?

39. Svbbak, saiyi aiena ka ho pesa; vno sia hash inli hoke; sa pvsholit ho pisa: shilup vto nipi, micha foni puta aiena asha, vno vt si yvmohmi na hvv sa pisa ka, chohmi keyu hoka, im achi tok.

40. Micha ilvppa yakohmichit anumpuli mvt, ibbak, micha iyi aiena kash i haiakvchi tok.

41. Mihma okla na yukpa kak osh yimmi keyu kisha, micha okokko! aiahni aienvt maya takla ma, yvmmak ash ot, Ilvppa nan-ilhpak nana kia hvchim asha cho? im achi tok.

42. Mihma nvnih vlvpusha tushafa, micha foi-bila aiena ho okla ipeta tok.

43. Mihma ishi cha, okla itikba ya ai vpa tok.

44. Mihmvt, Nan okluha kvv isht a si annvt Moses, micha hopaii vhleha aiena i holisso, mikmvt ataloa holitopa aiena ka ai o holisso tok vt ont aiahli pulla chi mak o, hvchi takla anta li moma kvv anum-pa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa ya ithaiyana chi ka, im anukfila nan-isht akostininchi a in tiwi tok.

46. Mihmvt, Kilaist vt yakohmi hosh im palvmmi, illi tuk osh, anonti nitak ont atuchinakma illi tuk vt tana hi a, isht ai vlvpiesa tok.

47. Micha ile-kostinincha he, mikmvt aiashvchika puta isht a kashofa he aiena kvv yvmma hohchifo ho isht anumpa kvv, vmmona ka Chelusalem ak o ai isht

ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi ho hvchishno ak osh na yakohmi puta ka ai-atokowvt anoli hvchia mak oke.

49. Yohmi ka Yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tvmaha hak o hvsh aiashvt, nana aiahli vba minti kvnt ont hvchi anukfoyuka kak mak ashke, im achi tok.

108. Chisvs vt nan im aiithvna vhleha hatuk a pehlichit Betani a isht ona mvt, aiokpvchi mvt, hefen vba ya ia.

50. Yvmohmi tuk osh yvmmak ash pehlichit kohchvt ivt Betani yokvno isht ona tok: mihmvt ilap ibbak ash vba pit wieli cha, yvmmak ash holitoblit aiokpvchi tok.

51. Atuk o yakohmi tok: yvmmak ash holitoblit aiokpvchi ai itin takla mvt, ai i filvmmiit vba pillapit a kvnia tok.

52. Mihma yvmmak ash okla pit holitoblichit aiokpvchi cha, na-yukpa fehna hosh falamvt Chelusalem a ai vla tok.

53. Yohmi mvt Chihowa ya in talovt holitoblichit pit aiokpahanchit tempel anyakaka ya aiasha beka tok. Amen.



Ayer
oBS
345
.C61
1845c

AYER

Choctaw

15

